

KU HETISEKA

 Ndzi tsakile ku va lahawani mixo lowu, ni ku twa ku amukeleka loku, ntsena tani hiloko ndza ha ta eka platifomo. Ndzi khomeleni ku va ndzi letile. Kambe vavabyi lahaya endzhaku, emimovheni, tani hi, tiambulese, kutani—kutani a ndzi fanele ku fikelela lava nga kotiki ku nghena, maswivona, ndzi nga si nghena.

² Sweswi, a ndzi tivi loko sesi loyi a nga ni—ni makwerhu lontsongo, loko leswaku a nge swi koti ku vuya ehlekanhini lowu. Ndzi lava ku chumayela nakambe emadyambyini lawa, nakambe, loko Hosi yi swi rhandza. Loko ku ri a nge swi koti ku vuya eka ku katekisiwa ka vana, loko ndza ha yimile nkarhi wa lowu wo leha, kunene, n'wi byeleni leswaku, a nga ha tisa n'wana sweswi. Kambe loko a nga tlhela a vuya, eka, madyambu lawa, swi ta hi antswela nyana. Kambe a hi n'wi pfumeleleni ku endla swin'wana ni swin'wana leswi a nga swi kotaka, swi n'wana ni swin'wana leswi swi swi vulaka. Hikokwalaho ka yini, loko a nga vuyi, hi ta tisa makwerhu lontsongo sweswi a ta katekisiwa. Kutani sweswi, hinkwaswo leswi, loko ndza ha vulavula, loko a lava ku ta sweswi, kutani lowu wu nga va nkarhi.

³ Sweswi, madyambu lawa, ku na swa nkoka, ndzi—ndzi lava ku vulavula hi nhloko-mhaka leyi madyambu lawa, hungu ra vuprofeta leri nge: *Nkulukumba, Xana Lowu Hi Wona Nkarhi?* Swingaleswi loko Hosi yi swi rhandza, ndzi lava ku vulavula hi nhloko-mhaka yaleyo madyambu lawa. *Xana Lowu Hi Wona Nkarhi, Nkulukumba?* Kumbe, *Nkulukumba, Xana Lowu Hi Wona Nkarhi?* kumbexani. Swingaleswi ndzi lava ku teka nkarhi lowu, evukoneni bya kereke. Laha, ku nga ni swilo swotala leswi swi humeleleke eka masikunyana lama hundzeke, leswi swi kombisaka swi—swi swin'wana leswikulu leswi ndzi nga swi twisiseki. Kambe hi hina lava, mi nkarhi hinkwayo hi... tindlela ta Xikwembu leti ti taka ti kumisisiwa hi munhu, swingaleswi hi fanele ku famba hi ri pfumelo. Loko un'wana a nga hlamusela Xikwembu, swingaleswi swi nga va swi nga hari na nkoka kuva na ripfumelo, hikuva u—u tava u ri tiva kwalaho. Kambe ntsena hi famba hi ripfumelo.

⁴ Kutani mixo lowu, ndzi ehleketa leswaku ntsena ndzi ta ringeta kuva ni xikhongelo xa ntoloveloxa vu-evhangeli, hikuva, ntsena ndzi cincile miehleketo ya mina endzhaku ka loko ndzi tava ndzi fikile lahawani ni ku vona votala lava nga yima, ni kuva va rindzerile nkarhi wo leha. Swingaleswi, madyambu lawa, kumbexana ehansi lahawani, kutani ndzi nga ha ya emahlweni ni leswi ndzi lavaka ku swi vula.

⁵ Nchumu wun'we lowu ndzi rhandzaka ku wu tivisa, loko lavotala va ha ri ku n'we, votala va n'wina mi ri ku n'we. Hi swin'wana leswi ndzi tsandzekeke ku swi tivisa mavhiki lama hundzeke. Sweswo i, swikhongelo swa n'wina swi hlamuriwile mayelana na nandzu lowuya wa xibalo lexi a ndzi ri na xona na mfumo. Swi tshamisekile. Kutani swingaleswi hi... Swi—swi herile hinkwaswo sweswi. Tani hilaha votala va n'wina mi swi twisisaka hi leswi a va lwisana na mina ha swona ku nga ticheke letiya ti nga huma eka mpfhumba, hambi swi ri tano va ringeta ku vula leswaku a ti ri ta mina kwalahaya. Kutani va lavile ku ndzi gweva madzana manharhu na makume ntlhanu na swin'wani ya magidi ya tidolara ku va yi ri nhundzu ya mina, kutani a yi nga ri tano. A kuri ya mpfhumba. Kutani kereke ya switiva sweswo. Hinkwerhu ka n'wina ma switiva. Kutani eku heteleleni va tile endhawini leswaku...

⁶ Ntsena ndzi ta mi nyika vuxokoxoko byi tsongo bya leswi humeleleke. A va ri eka swona, manharhu ku fika eka ntlhanu wa malembe, kwalomu, ku tshunelela ntlhanu wa malembe, ndza vhumbha, eka nandzu, kutani endzhaku na le mahlweni, ni yumunhu ni hinkwaswo. Kambe ndzi tsakile ngopfu hikuva a va kumanga nchumu lexi lwsanaka na mina, swingaleswi ava kotanga ku ndzi gweva eka swona. Swingaleswi ava ri hava leswi a va ta ndzi gweva ha swona, ntsena, va lo vula leswaku, ntsena ku—ku honisa ka mina, mina hi ndzexe, ndza vhumbha, kambe hikuva a ndzi tivi ngopfu hi nawu. Va ndzi nyikile ticheke kutani ndzi ti sayina, ndzi tsala vito ra mina eka tona, ndzi ti veka eka mpfhumba. Kambe kwalaho, ntsena tani hiloko ndzi nghenisa vito ra mina eka tona, a ti ri ta mina, maswivona. A swi na mhaka... Va ku, "Sweswo swi kahle eka wena ku, tani hi sweswo. Kambe a tiri ta wena, kutani u tinyika kereke. Kambe tani hiloko u nghenisa vito ra wena eka tona, a ti ri ta wena, a swi na mhaka leswaku ti kunguhateriwele yini. Ti tsaleriwile wena." Swingaleswi loko ti tava ti vekiwile, un'wana u ti vekerile kwalaha, "tinyiko ta yumunhu," ti tava ti lulamile hinkwato. Kambe ntsena va lo tsala, "William Branham." Wa vona? Kutani loko ndzi nghenisa vito ra mina eka tona, kutani ti swi endlile. A ti ri hinkwato ka tona. Swingaleswi a tiri tano... Kutani eku heteleleni hi xikhongelo...

⁷ Kutani ku nga ri khale ngopfu, maswitiva, va...ndzi vile ni xivono xa wanuna lonkulu, wa ntima, wa musi, wa nsiti, wa magegetsu, tani hi ngwenya, wanuna a ta, a ndzi tshunelela, ni tintiho ta tinsimbhi. A ndzi ri na xinkwanyana nyana xin'we, tani hi sweswo. Kutani ari na leswi eka yena, "mfumo wa United States." Kutani a ndzi nga ta pfuna ha nchumu. A ndzi pfumala mupfuni. Kutani hiloko Hosi yi ta eka xivono, kutani xi hluriwa. Kutani ma swi tsundzuka loko ndzi ta mi byela sweswo, nkarhi lowu nga hundza.

⁸ Kutani va xavelerile, siku rin'wana. Kutani gqweta ra mina, Nkul. Orbison eNew Albany, na Ice & Miller eIndianapolis, eka nandzu wa xibalo, u ndzi foyinerile, kutani a ndzi byela leswaku, "Tana haleno." Kutani ndzi yile, Makwerhu Roberson na mina, ni nsati wa mina, ni vatrasti va kereke lahawani, ni hinkwerhu ka hina. Hi fambile. Kutani va hi byele leswaku, i va mfumo, a va tsakela ku xavelela.

⁹ Kutani ndzi ku, "Mina, loko ndzi kolota un'wana swin'wana, ndzi ta va hakela. Kambe ndzi ringeta. Kambe," ndzi ku, "A ndzi swi koloti sweswo." Kutani ndzi ku, "Ndzi—ndzi... Hi, ntiyiso. Xikwembu xa swi tiva. Kutani hikokwala ho ka yini va nga ndzi gwevi, kutano, loko ndzi ri na nandzu?" Ndzi ku, "Va vile ni ntlhanu wa malembe va ri karhi va ringeta ku swi endla, kambe a va swi kumanga leswi va nga swi endlisaka xiswona." Swingaleswi ndzi ku, "Ee, ndzi ala. Ntsena a ndzi nge hakeli ku kondza swi twisiseka leswaku ndza kolota."

¹⁰ Hiloko ghweta ri ndzi nghenisa ri vulavula na mina, kutani ri ku, "Sweswi, hi nga wu ringeta nandzu. Mfumo wu ta wu ringeta." Kutani a ku, "Loko va endla, nchumu wu n'we ntsena lowu va nga wu kumaka ku lwisana na wena, hi leswaku wena..." Leswi mina, leswi, hi ndlela leyi ndzi nga swi endlisa xiswona. A ndzi kalanga ntsena...

¹¹ A ndzi tivi nchumu hi ku hlayisa tibuku, swingaleswi ntsena a ndzi fanele ndzi swi endla hi ndlela leyi a ndzi ehleketa leswaku yi tshembhekile. Kutani a ti—a ti bangiwanga hi vito ra mina. Minkarhi hi nkwayo ti bangiwa hi vito ra mpfhumba ra kereke ni kuya emahlweni, wa vona, swingaleswi a hi swilo leswi a ndzi ta endla nchumu hi swona. Kutani ndzi...

¹² A ku, "Kunene, va tsakela ku xavelela, hi ti dolara ta khume ntlhanu wa magidi, ni xigwevo xa khume ra magidi ya tidolara." Kutani hakelo ya qgweta a yi ri khume ntlhanu wa magidi. Sweswo swi ndzi endlele makume mune wa magidi. Kutani swingaleswi a va lava ntlhanu to engetelela, ndza ehleketa leswaku hi sweswi. Swingaleswi ndzi fambile...

¹³ Ndzi ku, "Hi kwihi emisaveni laha ndzi nga kumaka makume mune wa magidi ya tidolara?" Ndzi ku, "Maswitiva, akhawunti ya mina ya bangi lahawani, yi vula dzana ra tidolara, kumbe ehansi." Ndzi ku, "Hi kwihi laha ndzi nga kumaka makume mune ni swin'wana ya tidolara?" Hiloko ndzi ku, "A ndzi na nchumu swo engetelela. Ntsena a ndzi na yona. Sweswo hi swona hi nkwaswo."

¹⁴ Kutani a ku, "Nkul. Branham," a ku, "hi leswi leswi swi nga xiswona. Loko hi ringeta nandzu," a ku, "a kuna ku kanakana leswaku hi ta hlula nandzu." A ku, "Kambe lahawani ku na yini. Hi nga yi hlula, hikuva hi leswi ndzi

nga ta swi endla. Va ya eku koxeni hinkwaswo leswi nga swa wena hikokwalaho ka kuva u sayinile vito ra wena eka ton. Kutani va ya eku koxeni leswaku i ta wena, hambi leswi ti nga bangiwa hi vito ra mpfhumba, kereke, mpfhumba ra Branham, kutani ku ta kereke."

¹⁵ Kutani ku hava na nkarhi na wun'we, laha va nga kumaka peni leyi ndzi nga yi tirhisa ka swa mina. Walowo i ntiyiso. Xikwembu xa swi tiva. Kuna wanuna loyi a tshameke lahwani sweswi, u kumeka a ri na mina minkarhi hinkwawo. Ku hava na peni leyi ndzi yi tirhiseke eka swa mina. Hi nkwaswo i swa Mfumo wa Xikwembu, hinkwako, cheke yin'wana ni yin'wana, xin'wani ni xin'wani.

¹⁶ Kambe, wa swi vona sweswo, kambe sweswo a swi na mhaka. A ti ri ta—a ti fanele ku va ti ri ta mina, xosungula, kutani ku ta tikereke, mampfhumba. Kutani va ni ndlela ya ku swi endla, maswitiva, ni hinkwabyo vulawuri lebyi va nga byi endlaka. Swingaleswi ndzi ku, "Kunene, a—a ndzi nge swi endli."

¹⁷ Kutani a ku, "Kunene, loko ho hlula nandzu hi ndlela yaleyo, hikuva, ndzi ta—ndzi ta va hlambanyela 'tinyiko ta vumunhu.' Wa vona? Ndzi ta ti hlambanya, hi mfumo, 'tinyiko ta vumunhu.'" Kutani a ku, "Swingaleswi, loko ndzi endla sweswo, hikwako khume ra magidi ya tidolara yi ta va yi ri ndzhaka. Kutani u tava u tlhelela endzhaku eka yona nakambe, kutani va ta ku khomeleta ntlhanu wa malembe man'wana, va ri karhi va kambela hinkwawo ka vona." Wa vona? Loko u tsala cheke, yi ya endlwini yo basisela kona. Va yi kandziyisa, va kopa cheke yaleyo. Xivangelo, ndzi na ticheke hinkwato, ngopfu, leti ti yaka kona. Swingaleswi va teri, "Laha hi kona va ku kumaka kona, endzhaku nakambe."

¹⁸ Kutani a ku, "Nchumu wun'wana, Nkul. Branham, loko wena, u kale u vitaniwa eka mfumo, tani hi sweswo, ehansi ka vulavisisi, a swi na mhaka leswaku u endla yini, ematihlwensi ya vanhu, 'U mbhavha.' Wa vona? Kambe sweswo hiswona."

¹⁹ Languta eka muchumayeri lontsongo wa Baptist ehansi lahwani eMississippi, nakulorhi ya loye lontsongo. Wansati u vule leswaku u tile a ta n'wi rhuketela. Kutani wanuna ya loye u tisile vumbboni kusuka etikweni ni hinkwako, a nga ri kona hambi kuva kona edorobeni rero, kuringana masiku ku nga se fika, siku lero, kumbe endzhaku ka siku lero, ku fikela laha muavanyisi a nga lava ku hundzuluka a lava leswaku a ri hisa wansati eka mhaka ya nandzu. A ku, "N'wi tshikeni a ti fambela."

²⁰ Kutani loko sweswo swi vekiwe eka xikambelo xo lavisia, ku rhendzeleka hi tiko, maswitiva leswaku ku humelerile yini? Makume nkombo-ntlhanu wa tiphesente ta vanhu va Amerika va teri, "Laha ku nga na musi, ku ni ndzilo." Kutani nakulorhi

yaloye lontsongo wa xisiwana, tani hi laha a nga ri na nandzu tani hi leswi ndzi nga vaka xiswona, kumbe un'wana, u ta tshikeleka ehansi ka sweswo masiku ya yena hinkwawo ya ku hanya, loko a ri hava lexi a nga xi endlaka ha swona.

²¹ Ndzi twe ku vava, xi nkadyana, ku ehleketa leswaku ndzi ve kile vutomi bya mina eka Mfumo wa Xikwembu, ku ringeta ku endla, leswaku ndzi vanhu va hakela swibalo swa n'wina ni ku endla swilo, ni ku endla leswi nga kahle, ni ku endla timbavha leswaku ti va vanhu va kahle; kutani swi vekiwe tani hi loko ndzi ri mbavha, na mina. Ndzi ehleketa, “Xana ndzi endlile yini emisaveni?”

²² Kutani hiloko swi ta eka mina, kutani ndzi langutile eBibeleni. Munhu un'wana ni un'wana loyi a nga eBibeleni, ku nga ri niku amukela, loyi a nga tshama a va na hofisi ya moya, loko Sathani a tsandzeka ku va kuma emiehlekeweni kumbe eka swin'wana, mfumo wa va khoma. Fambani hinkwako laha mi lavaka ku ya kona, hinkwako hi ndlela ya; Muxé, Daniel, vana va va-Heberu, Yohana Mukhuvuri. Yesu Kreste u file hinkwalaho ka mfumo, hi ku xupuriwa. Paul, Petro, Yakobo Lonkulu, Yakobo Lontsongo, un'wana ni un'wana wa vona u fele ehansi ka mfumo.

²³ Hikuva, swi tano, mfumo wun'wana ni wun'wana, ixitulu—xitulu xa Sathani. Yesu u vule tano. Bibele ya swi vula. Wa vona? Mfumo wun'wana ni wun'wana wu fambisiwa hi Javulosi. Wa ta ta mfumo lowu nga ta fambisiwa hi Kreste, kambe sweswo swi tava eka Miliniyamu. Kambe lowu, leyi mimfumo sweswi, swi nga ri na mhaka leswaku hi ehleketa leswaku yi kahle ku fika kwihi, hambi swi ri tano, endzhaku ka vona, va—va fumiwile hi Sathani. “Mimfumo leyi,” u teri, “i ya mina. Ndzi endla hinkwaswo hi yona leswi ndzi swi lavaka. Ndzi ta yi nyika Wena, loko U nga ndzi nkhisamela.”

²⁴ Yesu a ku, “Suka eka mina wena, Sathani. ‘U ta nkhisamela Hosi, u tirhela Yona ntsena.’”

²⁵ Kutani a ndzi herile matimba. Nsati wa mina u ndzi yingiserile. Ndzi yile emahlweni, ndzi ku, “Ee, nkulukumba. Mina, loko ndzi yi kolota, ndzi ta yi hakela. A ndzi yi koloti, kutani a ndzi nga yi hakeli. Sweswo hi swona.” Ndzi ku, “Xana ndzi nga yi hakerisa ku yini, hi ndlela yin'wana?”

²⁶ Swingaleswi, ndzi yile ekaya. Ndzi ku, “Meda, hlambissa vana emahlweni. Lulamisa timpahla ta vona. Ndza famba.” Ndzi ku, “A va nge... Hinkwaswo, swi hlangananile.”

²⁷ Ndzi ku, “Xana ndzi endlile yini? Ndzi byeli.” Ndzi ku, “Hambi swi ri tano, mina, makume mune wa magidi ya tidolara? Whew! A wu swi anakanyi leswi swi vulaka swona eka mina.”

Kutani a nghena, tani hi leswi wansati lontsongo wa kahle a nga swi endlaka. Ndzi ku, "Ndza famba."

²⁸ A ku, "U ehleketa leswaku sweswo swi tava leswinene? Hambi swi tano swikhongeleli?"

²⁹ Ndzi ehleketa, "Kunene, kumbe swa antswa ndzi khongela nakambe." Ndzi tlhelela endzeni. Kutani swilanguteka tani hiloko A swi vurile eka mina, eMatsalweni.

³⁰ Minkarhi hinkwawo, hi rhandza ku languta Matsalwa, leswi Xikwembu xi nga swi endla ha swona, maswivona?

³¹ Kutani siku rin'wana, swi yutisiwile eka Yena, maswitiva, va ringeta ku—va ringeta ku N'wi hehla eka mfumo. Va ku, "Xana swi lulamile eka hina va-Yuda lava chuchekkeku nyika ndzuvo kumbe xibalo eka Kezar xana?"

A ku, "Mi na peni xana?" A ku, "Xana ku fanisiwe mani eka yona?"

Va ku, "Kezar."

³² A ku, "Kutani n'wina nyikani Kezar leswi nga swa Kezar. Ni ka Xikwembu, swilo leswi nga swa Xikwembu."

³³ Ndzi ehleketele ha sweswo. Ndzi pfurile eBibeleni kutani ndzi yi hlaya. Ndzi ehleketa, "I ntijiso, Hosi, sweswo hi swona. Kambe *leswi* a hi swa Kezar. Leswi i swa Wena. A swi nga ri swa Kezar. Loko a swi ri swa mina, kutani a ndzi tava ndzi hakele xibalo xo tala kumbe swin'wana, kunene, sweswo a swi tava swi hambanile, sweswo i swa Kezar. Kambe, *leswi*, leswi i swa Wena. Wa vona? Kutani a swi—a swi nga ri swa Kezar, na le ku sunguleni."

³⁴ Maswitiva, U tshama ari na hlamulo eRitweni. Ntsena ndzi hlajile nyana ku ya emahlweni, kutani A ku, "A ku, Simon, xana a wu na xinjovo enkwameni wa wena?" Wa vona? "Mi tshama mi khoma xinjovo na rihlanga. Kutani ntsena ndzi dipozitile mixo lowu, ebangini ya nhlampfi enkoveni e—e enambyeni, maswitiva." A ku... Ndzi dipozitile, kutani mubangi hakunene u ta tshika leswi a nga na swona. Ntsena famba u rhelela kutani u ya hoxa xinjovo enambyeni. Kutani loko u kuma bangi, pfula nomo wa yena, maswivona, kutani u ta—u ta ku nyika xingwece. Hi nga va khunguvanyisi. Hi nga tisi ndzhukano eka vona. Wa vona? Famba u ya yi hakela, Simon. Walowo wu tava wu ri wa Mina na wena."

³⁵ Ndzi ehleketa, "I ntijiso, Xikwembu. Xi na tibangi ta tinhlampfi ni hinkwaswo, etikweni hinkwaro. A ndzi tivi leswaku swi ta endlekisa ku yini."

³⁶ Kambe hi rhelerile enkoveni. Ndzi na vamakwerhu va xinuna lahawani ekerekene lava a va yimile eka xitsalwana xa mina, kutani ndzi nghenisile xitsalwana endzeni, kutani ndzi kuma makume mune wa magidi ya tidolara, kutani ndzi yi hakela.

³⁷ Ndzi ya ekaya. Ndzi lavile ku tiva hi ndlela leyi ndzi tsaleke ha yona cheke, loko va nga tlhela va vuya eka mina na kambe. Ndzi ku, "Leswi i ku vula leswaku ndzi chuchekile eka swibalo hinkwaswo. Kunene, swa antswa va sayina ya leyo yin'wana, hi ntiyiso va ta va ekhombyeni endzhaku ka sweswo." A ndzi tshamela ro foyinela endzhaku, ebangini, ku vona loko va ta swi endla.

Kutani, eku heteleleni, Bob u ndzi byerile, a ku, "Billy, va swi endlile."

³⁸ Kutani ndzi nghanile ndzi fika ndzi vukarha nsati wa mina, ndzi ku, "Nkatanga, ndzi tshuxekile." I vu titwi bya kahle njhani, ku tshunxeka!

³⁹ Kutani swingaleswi ndzi nga yi hakela sweswi, va swi endlile swi ndzi olovela. Ndzi nga yi hakela hi mune wa magidi ya tidolara elembeni. Sweswi, a ndzi nga ha lolohi na kambe, mintshungu. Ndzi fanele ku huma ndzi ya tirha. Swingaleswi ndzi—ndzi... Swi ndzi tekela khume ra malembe ku yi hakela. Kutani loko-loko Yesu a nga vuyi. Kutani loko sweswo, loko A vuya, hinkwaswo swikweleti swi tshamisekile hi ndlela yin'wana. Wa vona? Swingaleswi, manuku, ndza—ndza tshembha leswaku hinkwenu... Swikhongelo swa n'wina... Kutani, madyambu lawa, ndzi ta ya emahlwени ni swin'wana swintsongo eka sweswo. Kambe swikhongelo swa n'wina hi swona swi nga ndzi pfuna. Ndza mi nkhensa, swinene. Xikwembu a xi mi katekisi. A swi na mhaka leswaku hi tshame hi va kwihi, ndzi ngaka ndzi nga swi rivali sweswo.

⁴⁰ Madyambu lawa, loko Hosi yi swi rhandza, ndzi rhandza ku vula timhaka tin'wana ndzi ti tivaka. Ni tiyisisa leswaku ti ta ta. Sweswi, tsundzukani: *Vakulukumba, Xana I Nkarhi Muni?*

⁴¹ Sweswi, hi ya eku... Ndza pfumela, leswaku va na xedulu ya hinkwaswo swa... vhiki leri. Kutani madyambu ya Musumbhunuku i... Swikhongelo, madyambu lawa, namuntlha ni madyambu lawa, ni Musumbhunuku. Musumbhunuku ni madyambu i xikhongelo xa ku langutela. Kutani—kutani sweswo swi mi nyika Ravumbirhi, Siku ra Novinjara; loko mi ri ehandle ka doroba, mi nga ha ya emakaya.

⁴² Kutani hi tava ni vachumayeri va kahle sweswi eka nhlengeletano ya leyo. Hina, ntlala ntlawa lowu kulu wa swivilavuri swa kahle, kutani un'wana na un'wana u ta vulavula eka tinhlengeletano, ku ya fika exikarhi ka vusiku. Kutani minkarhi yin'wana va dya xilalelo, loko swi ri elayinini. A ndzi tivi loko va ri kona nkarhi lowu, kumbe va nga ri kona. Kahle tani hi laha va nga eku huweleleni, ni ku kolola, ni ku duvula, ni ku nwa, ni ku ya emahlweni, hi dya xilalelo. Amen. Hi sungula Novinjara, hi xilalelo. Sweswi, hinkwerhu

ma rhambiwa. Kutani ndza tshembha leswaku, mi, Xikwembu xa matilo xi ta mi nyika xinkadyana xo tshama loko mi nga swi kota.

⁴³ Sweswi, hi nga si ya eRitweni, ndzi lava ku vula leswi, nakambe, leswaku ndzi nkhensa kereke leyi, swirho swa yona, eka suti leyo saseka ya mpahla leyi mi ndzi xaveleke yona. Ndza mi nkhensa, swinene. Sweswo swivula swi nyingi eka mina. Hinkwawo makhadi ya n'wina ni swin'wana eka—eka—eka tinguva ta Khisimusi, ni tinyiko leti mi ti rhumeleke ndyangu wa mina, kutani, oho, ndzi, swi tele ngopfu eka mina. Ni xivati xintsongo lexi nga ta ka xi nga khumbi embilwini ya mina, kuhava lexi nga swi endlaka hi ndlela ya leyo, ku tiva leswaku swi huma eka n'wina. Kutani va n'wana va vona va ndzi rhumela tinyiko tin'wana ta Khisimusi ta mali.

⁴⁴ Kutani van'wana va vona va rhumele sweswo. Makwerhu un'wana wa xinuna u ndzi rhumele xibukwana, lexi a nga xi endla ni vito ra mina eka xona. Phini nyana leyi u tivonaka eka yona; xi ni xikhongelo xa Hosi eka xona. Nakona, oho, swin'wana swo fana ni sweswo, ntsena i, ntsena ho vevisa. Nsati na mina, ni vana hi lava ku mi byela leswaku, "Ha mi nkhensa, swinene." I xi ntsongo. Kambe ndzi ta vula leswi, leri i rito lerikulu ngopfu leri ndzi ehleketa leswaku un'wana ni un'wana a nga rivula, "Xikwembu a xi ku katekisi." A ku na swin'wana leswikulu.

⁴⁵ Sweswi, nile ka vamakwerhu lava nga lahawani ekerekeni, lava nga ni xavela xibalesa xexo, ndzi—ndzi ambale suti ya mina, kambe a—a ndzi nge tisi xibalesa ekerekeni. Kambe a kuri... Hakunene va nga hava ni swin'wana ku lwisana na mina kwalaho, a ve ngevi tano xana? Swingaleswi ndza—ndza—ndza mi nkhensa swinene, vamakwerhu va mina. Kutani ndzi ta hlaya mavito ya vona eka xinkadyana... Kambe un'wana wa vamakwerhu a ri lahawani tolo, u teri, "Oho, u nga—u nga—u nga ndzi nkhensi, Makwerhu Branham. Swi ta teka ntsako hinkwawo eka swona. Wa vona?" Swingaleswi a ndzi ehleketa leswaku kumbexani hinkwavo ka vona va nga ehleketa xilo xin'we. Kambe ndzi na vito ra wena. Va ri thayipile. Ndzi ta tshama ndzi ri karhi ndzi ku tsundzuka. Kutani Hosi a yi ku katekisi swinene.

⁴⁶ Kutani mi tiva laha ndzi wisaka kona, kutani ni ya eka kamara ro wisela eka rona, kutani ndzi tshama kwalahaya. Loko ndzi khunguvanyekile, a ndzi nga ha yi ku n'wana, hiloko ndzi ehleketa hi rendzo ro hlota ndzi nga ri teka kun'wana, kumbe kun'wana eku rhiyeni ka tinhlampfi. Ndzi tsakela sweswo. Xikwembu a xi mikatekisi.

⁴⁷ Sweswi, hi nga korhamisa tinhloko ta hina xinkadyana, tani hi laha hi tshunelelaka Rito. Ndza tshembha ku na swikombelo lahawani mixo lowu, swi tele ku swi hlaya

sweswi. Kambe ndza hlamala, loko ha ha korhamisile tinhloko ta hina, swikombelo swa n'wina swa nkoka, loko mi nga swi veka etimbilwini ta n'wina, kutani mi tlakusela mavoko ya n'wina ehenhla, kutani mi ku, "Xikwembu, U tiva leswi ndzi swi ehleketeke sweswi."

⁴⁸ Hosi Yesu, U vona voko rin'wana na rin'wana. Kutani U tiva leswi nga endzhaku ka sweswo. Ehansi ekusuhi na voko lero ku ni xikombelo. Kutani hi le ku teni sweswi, hi ku xixima, ehenhla ka Xiluvelo xa Xikwembu lexi hanyaka, nkhaviso wa lowo wo basa lowu hundzaka wu tsemekanya endhawini hi nkarhi, laha Yehovha Xikwembu xi tshameke Kona, ni Ngati ya Kreste yi tshameke egandzelweni. Kutani hi vulavula hi Ngati yaleyo, hi Yena la nga teri, "Kombelani xin'wana ni xin'wana eka Tatana hi Vito ra Mina, mi ta nyikiwa swona." Xana a Wu swi twangi, Xikwembu, mixo lowu, kutani u hlamula swikombelo swa vona? Ndzi veka xikhongelo xa mina na swa vona, namutlha, leswaku U ta hi nyika.

⁴⁹ Hi leswi swidukwana swi tshameke lahawani, Hosi, i swa va vabyi ni lava xanisekaka. Kutani hi dyondzisiwile eBibeleni, leswaku, "Va tekile eka Mukwetsimi Paul swidukwana ni tifasikoti, kutani va swi tlhandlekile ehenhla ka lava vabyaka. Kutani mimoya leyi nga basangiki a yi suka eka vona, ni mavabyi ma suka." Kutani, Tatana, tani hi laha hi tivekeke nkarhi wo leha, kutani ha swi tiva leswaku a hi hina Mukwetsimi Paul. Kambe, eka hinkwaswo, hi twa leswaku a ku nga ri Mukwetsimi Paul. A ku ri Kreste loyi ari eka yena. Kutani hi Wena "tolo, namutlha, ni hilaha ku nga heriki," hi ku ya hi Matsalwa. Sweswi, vanhu lava, Hosi, vapfumela leswaku loko hi kombela eka Xikwembu, kutani hi teka swidukwana leswi hi swi tlhandleka ehenhla ka vavabyi, leswaku va ta hanya. Ndza khongela leswaku swi va tano, Hosi, kutani loko swidukwana leswi swi tlhandlekiwile eka lava vabyaka.

⁵⁰ Tani hi laha swi vuriweke, nkarhi wun'wana, Israel yi sungula eka ntila wa nfanelo, ku ya etikweni ra xitshembhiso, kutani Lwandle ro Tshwuuka ri va tsema, endleleni ya nfanelo. Kambe Xikwembu xi langutile ehansi hi Langavi lero ra Ndzilo, hi mahlo yo hlundzuka, kutani lwandle lero ri chavile. Kutani ri songa-songile magandlati ya rona, mati ya rona. Kutani Israel ri hundza etikweni leri omeke, ku ya etikweni ra xitshembhiso.

⁵¹ Sweswi, Hosi, namuntlha, languta eNgatini ya Yesu. Kutani U vona mintirho ya ripfumelo leyi hi yi endlaka laha mixo lowu. Kutani ingi Sathania a nga chava kutani a fambela ekule. Kutani ingi un'wana ni un'wana wa muendzeri loyi a nga lahawani, kutani un'wana ni un'wana loyi swidukwana

leswi swi nga ta tlhandlekiwa ehenhla ka yena, ingi (va) patu ri nga pfuleka, mavabyi ma fambele ekule. Kutani a va teke rendzo ra ku ya etikweni ra xitsembhiso, va rhangeriwile hi Moya wo Kwetsima, Langavi ra Ndzilo. Hi nyike swona, Hosi.

⁵² Sweswi, katekisa swikhongelo, marito, mongo, ku hlaya. Kutani ingi Moya wo Kwetsima wu nga teka Rito, mixo lowu, kutani hi ku saseka wu Ri avela un'wana ni un'wana wa hina, Hosi, tani hi loko ha ha kula ekusuhi ni leswikulu swilo swo hlamarisa leswi hi nga swi tiviki. Timbilu ta hina ti famba hi ku chava, Hosi. Kutani ha khongela sweswi, tani hiloko hi xichavo hi tshunelela Wena ni Rito ra Wena, leswaku U hlavutela eka hina leswi rivulaka swona. Ha swi kombela hi Vito ra Yesu. Amen.

Sweswi, madyambu lawa, mi nga rivali... *Nkarhi, Xana I Nkarhi Muni?*

⁵³ Kutani sweswi, mixo lowu, ndzi rhandza ku pfula, na n'wina mi nga na ti Bibe. Kumbe mi ti fungha, loko mi swi rhandza, eka Matsalwa, laha hi lavaka ku vulavula hi kona, eka xinkadyana nyana, swi kumeka eka Buku ya Mintirho. Hi nga ha hlaya tindhawu timbirhi kumbe tinharhu. Mintirho 26:15, ku sungula. Mintirho, ndzimana ra vu25 ni vhese ya vu15, ku sungula.

⁵⁴ Kutani hi rhandza ku hlaya Mintirho 23:11. Kutani mi nga ha engetela hi ley, loko mi swi rhandza, a ndzi nge vi na nkarhi wo yi hlaya va-Filipiya 1:20. Hinkwato ti ni xivangelo xin'we, ni marito ya n'we.

⁵⁵ Sweswi, eka Buku ya Mintirho, 26:15, yi hlayekisa xi leswi.

Kava loko Ndzi ku, U mani, Hosi? Kutani a ku, Hi mina Yesu loyi u n'wi xanisaka.

...pfuka, kutani u yima hi milenge ya wena: hikuva Ndzi tikombisile ka wena hi xikongomelo lexi, ku ku veka nandza ni mbhoni ya timhaka leti u ti voneke, ni ya leti Ndzi nga ta tivonakisa ka wena;

Hikuva ndzi ta ku lwela etikweni leri, ni le Matikweni, ... lawa Ndzi ku rhumeke ka wona,

Ku ya hanyanyisa mahlo ya vona, leswaku va huma emunyameni va nghena eku vonakeleni, va suka na le ku fumeni ka Sathani eku hundzukela eka Xikwembu, va ta vona ku khomeriwa swidyoho, ni ku averiwa exikarhi ka vakwetsimi loko va pfumerile eka mina.

Sweswi, O...wena Agripa, a ndzi a langa swikombiso leswi swa le tilwени:

Kambe ndzi sungule ku ambela va Damaska, ni va Yerusalem, ni le tikweni hinkwaro ra Yudea, na hinkwavo... ni Vamatiko, leswaku va hundzukela ka Xikwembu, va tirha mintirho ley fanekelaka ya ku hundzka.

⁵⁶ Eka Mintirho 23, na vheze ya vu11 nakambe.

Vusikwini lebyi tlhandlamaka Hosi yi tikombisa ka yena, yi ku, Tiyisa mbilu, Paul: hikuva... ku kotisa leswi u vuleke vumbhoni bya timhaka ta mina e Yerusalem, swi fanele leswaku u vula vumboni bya tona ni le Roma.

⁵⁷ I ngi Xikwembu xi nga engetelela mikateko ya Xona leyo kwetsima eku hlaiweni ka lera tintswalo, Rito ro Kwetsima leri hi nga na rona emahlweni ka hina.

⁵⁸ Sweswi, a ndzi ri eku tweni ka wanuna loko a vulavula, kumbe ku vulavula, ku nga ri khale, kutani u tirhisile rito: *Ku Hetiseka*. Kutani ndzi ehleketa, “Leri i rito ra kahle.” Ndzi ri twile ri tirhisiwa minkarhi yo tala, “Hi kuhetiseka.” Sweswo i...

⁵⁹ Ndzi langutile eka dikixinari, ya Webster. Hikuya hi Webster, i “Vuhetiseki bya vuswona; a swi hunguteki ematimbeni ya swona; emasunguleni nile ku heteleleni.” Kutani xo *hetelela* i “Amen. Sweswo hi swona.” Ku hetiseka, swi tano. Swi vula “Matimba lama nga pimiwiki,” rito *hetiseka*. I—i, “Ku hetiseka hi vuswona. Sweswo hi swona hinkwaswo ka swona. Sweswo swa tshamiseka.”

Kutani ndzi ehleketa, “Lowu i nchumu wo dzuneka. Lero i rito ro saseka.”

⁶⁰ Kutani sweswi, rito i ku humesiwa ka miehleketo. Xosungula, ri fanele ri va miehleketo, kutani ri va rito. Hikuva, a wu nge vulavuli marito ya wena u nga ehleketanga.

⁶¹ Loko hi vulavula hi tindzimi, a hi na ku ehleketa. I Xikwembu xi tekaka miehleketo, i miehleketo ya Xikwembu yi tirhisaka milomo ya hina. A hi ehleketi kumbe ku tiva leswi u swi vulaka loko u vulavula hi tindzimi, loko kuri ku vulavula loku ku hloholteriweke. Loko u hlamusela, a wu swi tivi leswi u swi vulaka. Wo swi vula ntsena. Sweswo hiswona. Wa vona? Xexo i Xikwembu. Kutani ku profeta, a wu tirhisi miehleketo leyi yi nga ya wena. I Xikwembu, hikuva u vula swilo leswi u nga ta ka u nga pfuki u ehlekete ku swivula. Wa vona?

⁶² Kambe rito *ku hetiseka* swi vula “xo hetelela.” Kutani, swivula leswaku, ndzi ehleketa leswaku un’wana na un’wana u fanele ku va na mahetelelo. Kutani hinkwaswo swiendlo swa kahle leswi swi nga endliwa, ku na ku hetiseka endzhaku ka swona. Swi nga ri na mhaka leswaku i yini, swi fanele swi va niku hetiseka endzhaku ka swona. Kutani munhu un’wana ni un’wana, leswaku ata kuma swin’wana, u fanele ku hetiseka ku sungula. Kutani sweswo i moyo wo hetelela wale ndzhaku, ku ya hi *leswi, sweswo*, endzhaku eka *swin’wana*, ku kondza u fika eku hetisekeni, kumbe amen, kumbe ku hetelela. Ka leswi u nga... U na swin’wana leswi u faneleke ku tiboha eka swona, hi marito man’wana. I ku hetelela ka ntirho wa ku tiboha, eka

ku humelela kun'wana ni kun'wana. Swi kun'wanyana. Swi nga rhendzeleka eka swilo swo tala swo hambana ku fikela loko swi fika eka ku tiboha kwaloko, kambe kuni amen eka hinkwaswo ka swona. Ku fanele ku va na xilo xexo. U nge swi koti ku famba u ya emahlweni ni vutomi u nga ri na xona.

⁶³ Wena, loko u teka, ku fanele ku va ni swin'wana swi rhendzelekaka endzhaku ka miehleketo ya wena, swin'wana, kufikela laha u fikelelaka ntirho wa ku tiboha. Kutani ku nga va ku ri rirhandzu eka nsati wa wena, kumbe nuna wa wena. Kunene, kumbexana a nga sasekanga ku fana na nsati wa John; kumbe yena, kunene, a nga xi—xi swona *leswi*, *sweswo*. Kambe ku na swin'wana ha yena, leswi, wena, swi ku tlhavaka. U—u—u ri, “A nga ha va a nga sasekanga ku fana ni un'wana,” kumbe, “Wanuna a nga ha va a nga ri na yunene ku fana ni un'wana.” Kambe ku fanele ku va ni ku hetiseka kwalahaya, leswaku munhu ya loye u hambanile, kutani kwalaho hi laha u nga khomelela kona. Kutani loko kwalaho ku nga ri kona, swa antswa u nga teki. Sweswo swi boha ntirho! Sweswo i ku hetiseka!

⁶⁴ Hi nga ehleketa hi vanyingi lava a va ri ni ku hetiseka, eBibeleni. Oho, leswi hi nga swi tekisaka xiswona, ku ya ehansi exinambyanini xa Bibele, kutani ntsena hi va lahawani mayhiki mambirhi sweswi; kutani hi nga khumbi na le hansi, loko hi ehleketa hi ku hetiseka eBibeleni. Xikombiso, mi nge ndzi vitana un'we kumbe vambirhi, ntsena hi va hlamusela.

⁶⁵ Langutani eka Yobo. Sweswi, ari na ku hetiseka. Swin'wana ni swi n'wana swi fambe ku biha eka wanuna loyi, wanuna wo lulama. Sweswi, a hi mintlunya ku vula leswaku a nga lulamanga, hikuva Xikwembu xi vule leswaku a ri tano. “A ku nga ri na un'wana emisaveni loyi a fana na Yobo. A hetisekile,” emahlweni ka Xikwembu. Kutani a swi tiva, hikuva a ri na mahetelelo. A ri ni ku hetiseka, loko hinkwaswo swi languteka swi hambanile.

⁶⁶ Vuvabyi byi pfuka. Vanghana va yena va nga ha va va teri, “Sweswi, kwalaho u nga kona, Yobo. Sweswo swi kombisa leswaku ule ku dyoheni. Mi hoxile.” Kutani vabishopo va ta. Va vitaniwile vachaveleri va Yobo. Kutani ematshan'wini ya ku n'wi Chavezela, a va vonanga swin'wana kambe vudyoho evuton'wini bya yena, hikuva Xikwembu a xi tirhane na yena hi ndlela leyi Xi nga va na yona.

⁶⁷ Kutani vana va yena va dlayiwile. Tinhundzu ta—ta yena ti hisiwile. Hinkwaswo swa—swa Yena a swi fambanga kahle. Kutani hambi ku ri vutomi bya yena a byi ri ekhombyeni, a tshamile etaleni ra nkuma, a humile swirhumbani ehlokweni ya yena ku fikela eminkondzweni ya milenge ya yena, ni swi fambi. Kutani hambi murhandziwa wa yena, munghana wa

xiviri, mhani wa vana lava, a ku, "U rhukana Xikwembu kutani u fa." Kambe emahlweni ka hinkwaswo sweswo, Yobo ari na ku hetiseka.

⁶⁸ Oho, hi nkarhi wa mavabyi, loko hi nga tiboha ntsena eka ku hetiseka kwaloko!

⁶⁹ Yobo a swi tiva leswaku u endle swi leriso swa Yehovha. Kutani ari na ripfumelo eka leswi a swi endleke, hikuva Yehovha a swi lavisa xiswona. Ntsena hi nga endla tano. Yehovha u lavile ku hisiwa ka gandzelo ra swidyoho swa yena. Kutani Yobo, ku nga ri hi vu yena, kambe hi vana va yena, u hisile gandzelo, kutani sweswo hi leswi Xikwembu xi swi lavaka.

"Oho," mi nga ha ku, "Ndzi navela ingi ku nga ha va swona Xi swi lavaka namunlha."

⁷⁰ Swi le hansi ka sweswo. Ntsena ripfumelo eka Rito ra Yena! Kutani n'wina, loko mi endla Rito ra Yena ku va ku hetiseka ka n'wina, mi nga swikota. Xitsembhiso xin'wana ni xi n'wana eBibeleni, mi nga ha boha moya wa n'wina eka xona. A swi na mhaka leswaku magandlati ya ku bisa ku yini, u tshama u tibohile; ku hetiseka.

⁷¹ Kutani u khomelerile eka xona. Kutani loko vachaveleri va yena va ku, "U dyohile," a swi tiva leswaku a nga dyohanga. A lulamile, hikuva a endle xileriso xa Yehovha. Kutani loko hinkwaswoswa yena . . .

⁷² Wanuna a fika, a ku, "Vana va wena va file." un'wana a ta, a ku, "Tikamela ta wena hinkwato ti tshwile. Kutani lahaya ku ta ndzilo hi le tilweni."

⁷³ Langutani ku kanetana loku lava nga riki va chaveleri va nga na kona. "Maswivona? Ndzilo wu xikile wu huma etilweni. Sweswi, Yobo, sweswo swa kombisa." Sweswo a swi kombisi nchumu. "Sweswi, A fanele a nga banga vana va wena, Yobo; u wanuna la lulameke."

⁷⁴ "Kambe," Yobo u teri, "Ndza swi tiva leswaku ndzi endlile leswi nga lulama." A ha khomelerile. A ri ni swin'wana leswi a swi yisa ehansi. Sweswo hi swona. U swi amukerile. U endlile swona leswi Xikwembu xi n'wi byeleteku swi endla hakunene, kutani a tshembhekile hi ku hetiseka. Hi swona.

⁷⁵ Kutani loko a fika endhawini, laha ku hetiseka kwaloko ku nga kona, kutani eku heteleleni a sungula ku twa ringoti leri a ri bohiwile. Ri nga chucheka, ri tlhelela endzhaku, kambe ri sungula ku tswinya. Kutani Moya wu ta eka yena. Kutani a yima, ari muprofeta, kutani a ku, "Ndza swi tiva Mukutsuri wa mina wa hanya." Amen. Wa vona? A tibohile eka ku hetiseka ka yena. A fikile eka ku ti hlanganisa. A swi tiva leswaku u endlile leswi nga swona, kutani siku rin'wana u fanele ku ri koka. "Ndza swi tiva Mukutsuri wa mina wa

hanya, kutani emasikwini ya makumu, U ta yima ehenhla ka misava ley. Ambi endzhaku kaloko tinsumba ti hlaserile miri lowu, ntsena enyameni ya mina ndzi ta vona Xikwembu.” A swi tiva sweswo. Swingaleswi ku hetiseka ka yena ku nghena.

⁷⁶ Abraham, loyi a hetisekeke, a ta a huma eBabilona, kusuka exihondzweni, kutani ni ku huma eShinar, kutani a huma kona kwalahaya laha a tshamile nkarhinyana na tata wa yena, kutani kumbexana ari murimi. Kambe siku rin’wana, hi ndlela ya le ndzhaku emachokolo byanyini kun’wana, kumbe eku kheni ka tichuguru, kumbe—kumbe ku ya dlaya xiharhi leswaku a ta kuma nyama; ni kun’wana endzhaku lahaya, Xikwembu xi vulavurile na yena, loko a ha ri ni malembe ya makume nkombo-ntlhanu hi vukhale. Kutani ari ni...—Yena ni nsati wa yena, Sarah, ari ni makume ntsevu-ntlhanu, a pfumala vana—ku pfumala vana. A va kalanga va va ni n’wana. Swingaleswi Xikwembu xi n’wi byerile leswaku, “U ta kuma n’wana ha Sarah. Kambe, loko u ta endla leswi, u fanele ku ti hambanyisa wena n’wini.”

⁷⁷ Switshembhiso swa Xikwembu nkarhi hinkwawo swi na swipimelo. Wa boheka, hi ku hetiseka. Swi nga ri na mhaka leswaku u xilava ku fika kwihi xitsimbiso, swi le hansi ka swipimelo, minkarhi hinkwayo. Leswi hi nga yimisa xiswona lahwani kutani hi phendla eMatsalweni, ndzhaku nile mahlwени, kuringana tiawara, wa vona, leswaku xipimelo xi vula swin’wana. U nga ha va uri eka xilaveko lexi u xi lavaka, kambe swi le hansi ka swipimelo hi xitsimbhiso, ku hlawuriwa, ni swin’wana. Xiyisisa!

⁷⁸ Sweswi, “Abraham, u pfumele Xikwembu, kutani ku lulama ku vekiwile eka yena.” Sweswi, i—i nchumu wo chavisa njhani ku hlangana ni—ni misava ley hluvukeke, wanuna wa malembe ya makume nkombo-ntlhanuna hi vukhale, ni wansati wa makume ntsevu-ntlhanu, kutani va hanyile kun’we kusukela loko va hari vatekani lavantsongo, hikuva ari xi ave xa sesi wa yena, kutani sweswi u ya va ni n’wana ha yena. Kambe ari ni ku hetiseka. A ku nga ri na nchumu lexi a xi ta n’wi ninginisa.

⁷⁹ Kutani loko, nhweti yo sungula, a swi humelelanga, ku hetiseka ka yena a ku khomelerile, hikuva a switiva leswaku a vulavule na Xikwembu. Nhweti ya vumbirhi, lembe ra vumbirhi, lembe ra vukhume, kutani eka malembe ya makume mbirhi-ntlhanu yo hetelela, loko ari na dzana, kutani Sarah ari na makume nkaye, ku hetiseka ka yena a ka ha khomelerile.

⁸⁰ Kutani Bibele yi teri, loko matimu ya yena ma tava ma tsariwile, U teri, “Abraham a nga dedelekanga eka switshembhiso swa Xikwembu, hikokwalaho ka ku ka a nga pfumeli, kambe a tiyile, a yisa ku dzunisa eka Xikwembu.”

⁸¹ Hikokwalaho ka yini? Xana mi kale mi ehlaketa leswaku hikokwalaho ka yini? A hetisekile, a lulamile. Kutani xilo lexi a fanele ku xi endla a kuri ku ti ava eka vanhu va ka vona. Kutani Xikwembu a xi n'wi katekisanga ku fikela loko a tava a swi endlile. U tekile papa wa yena. Kutani papa wa yena a fa. A teka Lot. Kutani loko, endzhaku kaloko Lot a ti avile eka Abraham, hiloko Xikwembu xi ta eka yena, xi ku, "Sweswi famba u ya etikweni." Wa vona?

⁸² Ku yingisela, xitshembhiso, ehansi ka swipimelo, minkarhi hinkwayo swi famba ni Xikwembu ni Rito ra Xona. Sweswi languta eka...

⁸³ A hi tekeni Muxe. Muxe, mu—mu tsutsumi wa mutirhi wa vuprofeta, loyi Xikwembu xi n'wi kuriseke ni ku n'wi dyondzisa evuhosini bya Faro. Kutani—kutani Muxe u humile ni vuleteri bya yena bya ntivo-vukwembu, kutani a ri wanuna wo sungula wo dlaya. Manuku, hiloko xihoxo xo sungula xi ta, hiloko Muxe a chavela ro fa.

⁸⁴ Hikokwalaho ka yini? A nga ri ni ku hetiseka. Ntsena ari ni—ni vumbhoni bya mhani wa yena bya ku tswariwa ka yena. Ari n'wana wa la nga tivekiki. A ri na rito ra manana wa yena ha byona. Ari ni tsalwa-songwa leri Xikwembu kumbexana a xi ri na rona ephepheni kun'wana, va tsariwile, va pakiwa na wona, leswaku Xikwembu xi ta endzela vana va Xona. A swi tiva leswaku walowo a wu ri nkarhi.

Tani hi leswi hi swi endlaka sweswi, ha swi tiva leswaku swin'wana swile ku lunghiseriweni ka ku humelela.

⁸⁵ Sweswi, Muxe a swi tiva leswaku a wu ri nkarhi, kutani a swi tiva leswaku a hlawuleriwe swona, kambe a nga kalanga a va ni ku hetiseka. Wa vona?

⁸⁶ Kutani siku rin'wana, etlhelweni ra mananga, loko a tava a lahlekeriwile hi xivono, Xikwembu xi ti vonakarisile eka yena, hi xihlahla lexi pfurhaka. Kutani Xi ku, "Muxe, Ndzi vonile ku xaniseka ka vanhu va Mina. Ndzi twile ku konya ni ku rila ka vona, hi lava va va xanisaka. Kutani Ndzi tsundzukile xitshembhiso xa Mina. Ndzi ehlile ku tava kutsula. Sweswi famba eEgipta." Oho, wa mina!

⁸⁷ Muxe a ku, a vilela, a ku, "A ndzi swikoti ku vulavula kahle. Ku—ku kutsula ka mina a ku ngevi kahle. A ve nge ndzi pfumeli."

Xi ku, "Xana i ncini xi nga vokweni ra wena?"

A ku, "I nhonga."

⁸⁸ Xi ku, "Yi cukumeti ehansi." Yi hundzuka nyoka. Xi ku, "Yi khomi hi ncila." Yi hundzuka nakambe yi va nhonga. A Xi ri eku n'wi nyikeni ka xitshembhiso, lexi nga tiyisiwa.

⁸⁹ Loko Xikwembu xi nyika ku hetiseka, Xi nyika xitiyisiso xa ku hetiseka kwaloko, minkarhi hi nkwayo.

⁹⁰ Manuku Muxe, loko ari ehansi kwalahaya, kutani a cukumeta nhonga ya yena ehansi emahlweni ka vangoma na Faro, kutani vangoma na vona va cukumetela tinhonga ta vona ehansi na vona, Muxe a nga kalanga a tsutsuma a ku, "Oho, kunene, a ndzi hoxile. Ah, kova mano yo chipa ya mungoma, kutani kumbexani a ndzi hoxile."

⁹¹ Kambe a swi tiva. A pfumela leswaku a hlanganile na Xikwembu, kutani a yima a nga ninginiki. A hi nge u endlile hilaha Xikwembu xi n'wi byeleke ha kona ku swi endla. Swingaleswi na Jobo a endlile hi laha Xikwembu xi n'wi byeleke ha kona. Muxe u landzelerile milawu ya Xona. Swingaleswi, a yima a nga ninginiki a hlalela ku kwetsima ka Xikwembu. Muxe a tibohile eka ku hetiseka ka yena, ku lerisiwa ka yena, kutani u yimile a nga ninginiki. Kutani loko a swi endlile, nyoka ya yena yi mita tinyoka letin'wana hi nkawato. Wa vona? A ti bohile eka ku hetiseka kwaloko.

⁹² Xikwembu xi teri, "Loko u kutsurile vana va vona, mi ta Ndzi gandzela nakambe entshaveni leyi."

⁹³ Sweswi, nala, endleleni hinkwayo leyi a nga yi kotaka, u ta ringeta ku kususa eka ku hetiseka.

⁹⁴ Tani hi laha va nga sungula ku huma eEgipta, va kumekile va siveleriwa exikarhi ka—ka Lwandle ro Tshwuka, tintshava ematlhelweni hinkwawo. Va ta hi nkova, kutani a kuri ni Lwandle ro Tshwuka. A ku nga ri na ndlela yo baleka hi le tintshaveni, a ku nga ri ni ndlela yo baleka hi ndlela *leyi*, kutani vuthu ra Faro a ri ta hi tlhelo *leri*. Hi yihi ndhawu yo yima kona!

⁹⁵ Ma swi vona hilaha Javulosi a ku kumaka eka ndhawu leyi u nga tiviki lexi unga xi endlaka? Kambe tsundzukani, loko u ti bohile eka ku hetiseka kwaloko, sweswo swi na kona.

⁹⁶ Muxe a swi tiva leswaku Xikwembu xi n'wi tshembhisile, leswaku, "Mi ta gandzela entshaveni leyi loko u va humesile. Kutani Ndzi ehlerile ehansi, hi voko ra wena, ku va kutsula ni ku va veka eka tiko rin'wana." U tshamile a lulamile na swona. Kutani Xikwembu xi rhumela moyo hi le vuxeni wu fika wu ba mati, kusukela ehansi ka lwandle, kutani va famba va tsemakanya endzhawini leyi omeke. Hi ku hetiseka!

⁹⁷ Hilaha hi nga fambisaka xiswona hi eMatsalweni: Daniel, hi ku hetiseka ka yena; Shadrack, Meshack, na Abednego, ku hetiseka ka vona; Davhida, ku hetiseka ka yena; hinkwavo, ku hetiseka.

⁹⁸ Paul ari na Kun'wana, na yena, Kun'wana laha a hi hlaya kona. A ri na ku vitaniwa hi Kreste, kutani sweswo a kuri ku hetiseka ka yena. Xexo hi xona xivangelo xa leswi a nga chavi

leswi Agrippa a swi vula. A yima lahaya, kutani Agrippa ari mu-Yuda, tani hi leswi hi swi tivaka. Kutani swingaleswi loko a yimile emahlweni ka tihosí leti ni swin'wana, Xikwembu a xi n'wi byerile khale leswaku u ta yima kwalahaya. Swingaleswi, a ri ni ku hetiseka, swingaleswi u hlamuserile xivono xale Tilweni. A ku, "A ndzi na... A ndzi nga xiximekanga eka swona. A ndzi... A ndzi xi ahlulanga. A ndzi loyi a nga hanyiki kahle hi vumina." Kambe a khomelerile eka swona, nakona a nga ri loyi a nga yingisiki. U swi humesile, hi minete, hikuva a Swi ri ku hetiseka.

Kutani vutomi byin'wana na byin'wana lebyi vekiweke hi Kreste, kwalaho i ku hetiseka ka wena.

⁹⁹ Sweswi, kusukela loko a tava a hlanganile na Yena, valangutananile, endleleni yo ya eDamaska, sweswo a swi vula swo tala eka Paul.

¹⁰⁰ Sweswi, tsundzukani, ari mudyondzi, emahlweni ka voko. A ri wanuna wo tiya eMatsalweni. Kambe a nga kalanga a va ni xiboho xa ntirho kambe va-Sanhedrin lava a va n'wi tiyisa, kutani—kutani ni diploma leyi humaka e—e—e ka mudyondzisi lonkulu. A ri wanuna lonkulu ensin'wini ya yena. Kambe a ri ndzerile. Nchumu lowu a ri na wona ntsena, tsekatseka, ku hetiseka ka yena a ku tiye kufana na hlangano wa yena leswi a wu ri xiswona. Sweswo i ku tiya loku ari na kona. Kutani a tirha hi ku tshembheka eka sweswo, kutani a teka Vakreste, kutani a va boha, kutani a endla hansa-hansa na vona, hambi ku ri ku khandla Stefano.

¹⁰¹ Ndza ehleketa, leswaku evuton'wini bya yena, xivangelo xa kuva a yile eYerusalem. Loko, muprofeta u n'wi byerile, "U nga yi ehenhla lahaya, Paul, hikuva tipencani na khotso swi ku yimerile."

¹⁰² Kutani Paul a ku, "Ndza swi tiva. Kambe ntsena a ndzi yi eYerusalem tani hi mbhoni. Kambe, ndzi ya lahaya, kutani ndzi tiyimiserile ku fela Yesu Kreste." Hikuva a tiva leswi a nga swi endla, kutani ku navela ka yena a kuri ku lemela vumbhoni bya yena hi ngati leyi yi nga ya yena, ku fa ka mupfumeri, hikuva a dlayile un'wana wa vapfumeri va Xikwembu.

¹⁰³ Kutani sweswi ari endleleni ya yena yo ya eDamaska, ni dyondzo ya yena hinkwayo. Yi vekiwile ehansi ka mudyondzisi lonkulu, Gamaliyele, ni hi ndlela leyi a dyondzisiweke ha yona eka vupfumeri bya xi Yuda. Kutani hambi swi ri tano, eka hinkwaswo sweswo, a vevuka, kutani a nga ri na vuswikoti bya ku endla swilo swin'wana. Kutani hi xitshuketa, ku va na Rihatí, ni ku pfuma, kumbexani, ni ndlati. Kutani u biwile, kutani a wela ehansi.

¹⁰⁴ Kutani u langutile ehenhla. Akuri ni Rihatí leri ari hatima, leri dlayeke mahlo ya yena. Kutani akuri leswi chavisaka

ngopfu. Ku hava un'wana loyi a voneke Rihati, ntsena Saul. A ku ri leswi a swi tshembhisiwile, swa ntiyiso eka yena, ku fikela laha Ri dlayaka mahlo ya yena. A nga ha swikoti ku vona. Ku va bofu ra mampela, hikwalaho ka Langavi ra Ndzilo leri pfurheke exikandzeni xa yena. Kutani a twa Rito ri ku, "Saul, Saul, xana u Ndzi xanisela yini?"

A ku, "Hosi, Hi Wena mani?"

¹⁰⁵ Kutani aku, "Ndzi Yesu. Kutani swa tika eka wena ku raha ku lwisana ni timbanga leti. Pfuka sweswi, kutani u ya eDamaska, kutani un'wana kwalahaya u ta rhumiwa eka wena." Swingaleswi loko a tava a pfukile kwalaho . . .

¹⁰⁶ Kutani a kuri na un'wana, muprofeta, ehansi edorobeni, loyi a n'wi voneke eka xivono, loko ari eku khongeleni. Ananias u tile, kutani a ya eka Saul. A tlhandleka mavoko ya yena ehenhla ka yena, kutani u hanyisiwile hi ku hanyisiwa ka Ximoya. U pfukile kwalaho, a khuvuriwa, a hlantswa swidyoho swa yena, a huwelela eVito ra Hosi. Kutani a va ni ku hetiseka. A nga ha fananga nile kusunguleni endzhaku ka sweswo. A fambile a kongoma, kereke na kereke, ku suka endhawini ku ya eka yi n'wana ndhawu, a ringeta ku aka leswi a swi onheke.

¹⁰⁷ Leswi rixaka, leswi tiko ra Vakreste, mixo lowu, ri lava muxaka wa lowo wa ku hetiseka. Lava va simekaka tidyondzo ta vunwa ni mindzhavuko, va ringeteke ku, ni tidyondzo leti ti nga ta vanhu, kususa Rito ra Xikwembu kuva ri ri rona tolo, namuntlha, ni hilaha ku nga heriki. Va lava ku hetiseka, ntokoto wo hlangana, endleleni yo ya eDamaska, Xikwembu lexi hanyaka Lexi nga hanyisaka mavabyi, ni ku pfuxa vafi, niktu hlongola madimona. Ku hetiseka ka xiviri!

¹⁰⁸ Paul a swi tiva leswaku swin'wana swi humelerile. A ku nga ri na un'wana loyi a ta n'wi tekela swona. Kuhava swin'wana swa nkoka. A bohiwile, kutani sweswo a kuri swona. Hambi ku nga ta yini, a swi tiva leswaku u bohiwile, vutomi lebyi vekiweke eka Kreste. Oho!

¹⁰⁹ Vutomi lebyi a nga byi hanya a byi ri bya vutomi lebyi hambaneke. Sweswi, tsundzukani, ari wanuna wa vukhongeri.

¹¹⁰ Kutani eka van'wana va n'wina vanhu mixo lowu. Kutani ndza swi tiva leswakui mi ehleketa leswaku thepi leyti yi endliliwile, yi ta tlangisiwa etikweni rin'wana na rin'wana ehansi ka matilo, kwalomu ka, ku rhendzeleka hi misava, kutani van'wana va n'wina vanhu n'wina mi nga lahawani sweswi. Kutani ni van'wana va n'wina, laha tithepi ti nga ta tlangiwa ematikweni man'wana, hi mutoloki, ti nyiketiwa eka tinyimba ta Afrika, ku thelela endzhaku eka ma Hotentotsi, ni-ni hinkwako.

¹¹¹ Ni le ka n'wina varhangeri va vukhongeri lava va nga ni dyondzo ya Bibele, mi yi kumile kusuka eka xiyimo xa matimu, kutani mi nga kota ku hlamusela swilo leswi hinkwaswo. Kambe, loko mi nga ri ni ku hetiseka, a mi na—ntokoto! Kutani loko ntokoto wa lowo, lowu—lowu mi vulaka leswaku mi na wona, wu mi endla leswaku mi tsan'wa Rito rin'wana ni rin'wana ra Lawa leswaku a hi ntiyiso eka kereke namunthla tani hi laha Wu nga tshama wu va kona; kutani mitshembhela eka ti Bachelor digiri ya Vuntshila ya n'wina, kumbe swin'wana na swin'wana leswi mi nga vaka na swona! Loko mitshembhele eka miehleketo ya nhlangano wa n'wina leyi yi nga vulaka leswaku, "Masiku ya masingita ya hundzile. Kutani a ka hari na ku hanyisiwa ka Ximoya. Ni nkhuvulo wa Moya wo Kwetsima kufana ni lowu va wu amukeleke hi Siku ra Pentekosta, a hi wa vanhu va namunthla!" Loko sweswo hinkwaswo ku ri leswi mi nga na swona, buti wa mina lowo saseka, sesi, u lava ntokoto wale ndleleni yo ya eDamaska.

¹¹² U fanele ku hlangana ni Xikwembu lexi hanyaka, laha wena, ku nga ri ntsena mianakanyo ya leswi u swi ehleketa emiehlekeweni ya wena, ku nga ri ku rhurhumela kun'wana, kumbe swin'wana swa vutitwi byi n'wana, kambe ku dyondzisiwa na ntokoto wa ntiyiso, wa xiviri. Yesu la fanaka loyi a fambeke eGaleliya u le ku hanyeni namunthla, ni ku hanya hilaha ku nga heriki. Kutani hi Yena tolo, namunthla, ni hilaha ku nga heriki. Ku hetiseka, laha u nga faneriki ku teka leswi un'wana na un'wana a swivulaka. Wa swi tiva hi wexe, ku nga ri hi vutitwi byi n'wana.

¹¹³ Kutani loko vutitwi lebyi u veke na byona, ni un'wana, ku nga ha va kuri vutitwi bya ntuyiso bya Bibele, kutani un'wana a ringeta ku swi hlamusela eka wena, a vula swilo leswi leswaku a swi ri swa siku rin'wana. Ti languteli. I ntuyiso. Ti languteli. Kambe ku na ndlela ya ku swi tiva. Swi ringeti hi Rito. Leswi i ntsalo wa wasi.

¹¹⁴ Loko yindlu yi hambana ni ntsalo wa wasi, mukontraka u ta yi mbindzumuxa kutani a yi a ka nakambe. Kambe yi fanele ku famba hi ntsalo wa wasi.

¹¹⁵ A swi na mhaka leswaku u na ntokoto wa njhani, manuku, loko swin'wana eka wena swi ku byela leswaku Bibele a yi ntuyiso, matimba lawa ya nga ya Xikwembu, vaapostola, vaprofeta, na vadyondzisi, na vafundhisi, na tinyiko ta Moya ntsena a Ti fani tani hilaha a Ti khuluka eka vaapostola va Pentekosta, kutani ku na swin'wana swi nga hoxeka hi ku hetiseka ka wena. Ku fanele ku ti boha ni tidyondzo to hambuka ta dinominexini ematshan'wini ya Bibele ya Xikwembu. Loko, Xi teri, "Havumbirhi matilo na misava swi ta hundza, kambe Rito ra Mina ari nge tsandzeki." Langutani ku hetiseka ka n'wina loku ku nga xiswona.

¹¹⁶ Mi nga ha va mi ri na ntiyiso wa leswaku mi na xinakulobye xa kahle na mufundhisi. Kutani mi nga ha va mi ri na ntiyiso wa leswaku mi na xinakulobye xa kahle na nkulukumba wa xifundzha xa n'wina. Kutani mi nga ha va mi ri na ntiyiso wa leswaku mi na xinakulobye xa kahle na bishopo kumbe van'wana va vakulukumba ekerekeni ya n'wina. Kambe loko mi nga ri tano... Ku hetiseka ka n'wina a hi ka Yesu Kreste.

¹¹⁷ "Hikuva ehenhleni ka Ribye leri Ndzi ta veka ku hetiseka ka Mina, kutani ttinyangwa ta xivandla xa vafi a ti nge yi hluri ku lwisana na yona." Hlavutelo wa ximoya wa Loyi A nga yena, nakona a tivaka! Sweswo hiswona. Oho!

¹¹⁸ Sweswi, loko u fana na Paul, va na ni ku hetiseka ko fana ni loku ari na kona, vutomi lebyi simekiweke ka Kreste byi hambanile ni lebyi a wu ri na byona eku sunguleni. Kutani ku nga hava ku ri vutomi bya vukhongeri lebyi u byi hanyaka.

¹¹⁹ Oho, ndzi twile vanhu va ku, "Sweswi, i va vukhongeri." Sweswo a swi na nchumu lowu swi nga wu endlaka ha Wona.

¹²⁰ Ntsena ndzi vonile votala va vukhongeri, va tinyiketile swinene, minkarhi yotala va tshembhekile kutlula Vakreste va namuntlha lavo tiendlisa. Loko, manana a nga ha teka ricece ra yena, ro nyuhela, n'wana wa ntima, xo lehisxa xi *sweswo*, kutani a xi hoxa enon'weni wa ngwenya, hikwalaho ka ku rhandza mikwembu ya yena. Ndza hlamala hilaha vutshembheki bya Xikreste byi nga xiswona. Loko, wanuna a nga titshikelela hi ndlela yaleyo, a nga ti vekela magidigidi ya swinjovo enyameni ya yena, tani hi *sweswo*, a ncikinyhisa na tibolo ta mati, ti n'wi yisa ehansi tani hi *leswi*, kutani a famba exikarhi ka ntila wa ndzilo, kusukela lahawani ku ya fika emakun'wini ya tabernakele, endzhaku nale mahlweni, kutani wu basile wu hisa, wu huhuterisa *xisweswo*, hikwalaho ka ku gandzela mikwembu ya yena, xikwembu xa hava lexi xi nga na mahlo yo tshwuka eka xona, ni swin'wana. Ndza hlamala leswaku Vukreste byile kwihi. Uh-huh. Uh-huh. Swingaleswi u nga ehleketi hi "vutshembheki." Vutshembheki a hi Kona. Vutshembheki byi kahle loko byi vekiwa eka xilo xa kahle.

¹²¹ Tani hi dokodela loko a nyika murhi. A nga ha ku nyika arseniki, hi ku tshembheka, kutani a nga ha ku nyika sulfuriki asidi, hi ku tshembheka. U nga hava ni swiletelo leswi tatiweke hi ndlela yo hoxeka, kutani u nga ha swi teka hi ku tshembheka, kambe sweswo a swi nge ponisi vutomi bya wena. Wa vona? Ee, nkulukumba. U fanele u tiva leswi u swi endlaka. Ni xin'wana ni xin'wana lexi hambanaka na Rito ra Xikwembu, a ndzi na mhaka leswaku i yini, ni ku swi na nkarhi wo leha njhani swi ri kona, swa ha hoxekile.

¹²² Petro u va nyikile xiletelo lexi nga Heriki hi Siku ra Pentekosta. U teri, "Hundzukani, un'wana ni un'wana wa n'wina,

kutani mi khuvuriwa hi Vito ra Yesu Kreste eku khomeriweni ka swidyoho swa n'wina, kutani mi ta amukela nyiko ku nga Moya wo Kwetsima. Hikuva ku tshembissa loku ku hlayeriwe n'wina, ni vana va n'wina, ni hinkwavo lava va nga ekule, ni lava va nga ta ha vitanawa hi Hosi Xikwembi xa hina.” Sweswo hi swona. I xitshembhiso xa hilaha ku nga Heriki.

¹²³ Sweswi, xingomatanda lexi nga dyondzangiki xi nga khomelela eka sweswo kutani xi ku dlaya. Ina. Hakunene-nene. Maswitiva, ku na chefu yotala eka swiletelo, ku dlaya xitsongwatsongwana, kutani dokodela u—u tiva swinene hi laha a nga swi kotaka, miri wa wena wu nga yimaka kona. Loko a tata chefu, yi ta ku dlaya. Kutani loko u nga kumangi yotala ya yona, swingaleswi i ncini yi nga ta swiendla? A swi nge kupfuni nchumu ku teka murhi. U tiva leswi miri wa wena wu nga yimisa xiswona.

¹²⁴ Sweswi, kutani yaleyo hi yona ndlela leyi swiletelo swa Xikwembu swi nga xiswona. Swi nga ri na mhaka leswaku un'wana u ri yini swi fanele swi endliwa hi ndlela *leyi*, kumbe hi ndlela ya *leyo*, u nga swi pfumeli. Loko u landzelela Rito hi ndlela ya kona, sweswi hi swona. Khomelela eka Rona. Sweswi, hi na... lava vulaka leswaku, “U fanele ku haxiwa.” Va va kumile lava. Swingaleswi, “Mi fanele ku tirhisa swi yimelo swa Tatana, N'wana ni Moya wo Kwetsima.” Ku hava swo fana ni sweswo eBibeleni. Ku hava na ndhawu na yin'we laha un'wana a nga tshama akhuvuriwa, eBibeleni, hi ndlela yin'wana handle ka Vito ra Yesu Kreste. Walowo i nawu lowu wu nga engeteriwa eka kereke ya Roman Khatholiki, leyi yi rwaleke mindzhavuko. Hi ta swi fikelela sweswo madyambu lawa.

¹²⁵ Kambe xiyisisani, swingaleswi exikarhi ka hinkwaswo sweswo, swiletelo swa sala. Hikokwalaho ka sweswo hina vana votala lava vabyaka, hikuva a va yingiseli leswi Dokodela a swi vulaka. Ku hetiseka, loko u ti bohile eka Sweswo, sweswo hi swona. Rero i Rito ra Xikwembu. A ri nge tsandzeki.

¹²⁶ Vutomi lebyi simekiweke ka Kreste, vukhongeri lebyikulu, kambe a hi Kreste a nga byi simeka. Votala va hina va na sweswo namuntlha.

¹²⁷ Kutani loko u kuma vutomi lebyi simekiweke ka Kreste, byi ku endla leswaku u endla leswi hi vuwena a wu nga ta swiendla. Byi ku endla leswaku u hanya hi ndlela leyi hi vuwena a wu nga ta hanyisa xiswona. A ndzi vuli ku hanya hi ndlela yo hoxeka. Ndzi vula ku hanya eMoyeni, swin'wana leswi ku nga swa ntiyiso, swin'wana leswi swi nga swa xiviri. Kutani loko u vona un'wana loyi a hanyaka hi ndlela yo hoxeka, wa switiva leswaku va lo ambala swin'wana. Va ringeta ntsena ku encenyeta leswi swilo leswi swi nga swa xiviri swi nga xiswona.

¹²⁸ Loko u vona dolara ya xiphaza, tsundzuka leswaku ku na dolara ya kahle leyi endliemeke na yona. Wa vona? Loko u vona xilo xa xiphaza, i ku kombisa ka swin'wana swa ntiyiso. Hi swin'wana leswi—leswi swi nga swa xiviri, swi encenyetaka swin'wana.

¹²⁹ Xiyisisani, swi ku endla leswaku u endla swilo leswi hi vuwena a wu nga ta swi endla. Oho, hi swin'wana. Wa swi tolovelala. Wa swi tolovelala, loko u nghena eka ku hetiseka loku. Wa pfumela eka swona. A wu teki leswi un'wana a swi tokotekete.

¹³⁰ Xexo hi xona xivangelo xa kuva Vukreste byi hundzuke tani hi vana lavantsongo eBibeleni, kumbe, kumbe ku ngari, ndzi khomeleni, vana lavantsongo exikolweni. Va ringeta ku encenyeta un'wana. Kutani loko munhu ya loye a hoxile, swilo hinkwaswo swi hoxekile. Wa vona? U kuma ntlawa walowo hinkwawo ka wona wu hoxile. Oho, wa mina! Mi nga encenyeti. Hlangana na Xona, hi wexe.

¹³¹ Munghana wa mina wa kahle, a yimeke endzhaku lahwani, i mudyuhari...i n'wana wa chomi ya mina, munghana wa mina wa vutomi byo leha, Jim Poole lontsongo. Hikokwalaho ka yini, papa yena na mina hi kule swin'we exikolweni. Kutani, oho, ari nakulorhi wa kahle njhani! Jim lontsongo na mina a hi ri eku khongeleni swinene leswaku Jim lonkulu a va Mukreste, mupfumeri wa ntuyiso. Kutani Jim lontsongo na mina a hi ri eku vulavuleni tolo hilaha hi kumekе Xikwembu eswihlahleni niku Xi vona hi ntumbuluko. Kwalaho hilaha u Xi kumaka kona. Hikuva, hi Xona Mutumbuluxi, nakona Xi le tumbulukweni wa Xona.

¹³² Kutani ndza tsundzuka, Jim na mina a hi toloverile ku ya—ya, hi lava ku famba hi hlota. Kutani loko ripela, kunene, a hi toloverile ku famba hi rhelela, hi teka swikanyakanya swa hina, kutani hi chovha hi rhelela hi xitarata lahwani, a hi chavela ro fa loko hi hundza hi le masirheni endzhaku kaloko ku ri xinyami, kutani hi rhelela kutani hi ya kuma khoni ya ayisi khirimi.

¹³³ Kutani Jimi a rhandza ku duvula xiziva. Swingaleswi, a hi ri vafana, va khume, khume mbirhi, khume mune wa malembe hi vukhale. Kutani Jimi minkarhi hi nkwayo a rhandza ku tshama a hlaya buku ya switori swo hlota niku rhiya.

¹³⁴ Kutani a ndzi ta tshama kwalaho kutani ndzi lorha norho wa ni nhlikanhi. Wa vona? Hi...Kutani sweswi van'wana va vafana va nga ndzi vona. Kutani ndzi nga kota ku vona xikhukhwana nyana lexi ntsongo kun'wana. Ndzi toloverile ku vula leswi, "Mufana, lowu wu nga va mukhukhu wa kahle ku va na wona etintshaveni." Kutani minkarhi hi nkwayo a ndzi tshamela ku lorha leswaku siku rin'wana ndzi nga ti kumela mukhukhu etintshaveni, ntlawa wukulu wa timbyana to hlota,

ni—ni swibamu. Minkarhi hi nkwayo a ndzi ehleketa, “Loko ndzi nga fuma 30-30, eminkarhini yin’wana ya mina.” Ndzi ehleketa, “Xana swi nga va njhani emisaveni loko ndzi nga va na xibalesa xa 30-30?”

¹³⁵ Kutani siku rin’wana, ndzi yimile, ndzi languta ekhumbini ra mina, kutani ndzi vona swin’wana swa swibalesa swo antswa leswi nga kumekaka, ndzi ehleketa, “Tintswalo leti hlamarisaka.”

¹³⁶ Ndzi ehleketa, “Ndzi ta tidyondzisa ku balesela, kutani ku balesela kahle. Swingaleswi kumbexana nkarhi wun’wana ku kumeka, ndzi teka rendzo ku ya etitshaveni, van’wana va vahloti va ta ndzi teka va famba na mina. Ntsena ku ya va muxaka wun’wana wa... Xivangelo, u ta lava ku sirhelela vutomi bya yena, kumbexana, eka bere leyi levaka. A nga ri na ntiyiso ngopfu. Mufumi un’wana, u ta ndzi teka a famba na mina, ntsena ku famba na yena, muxaka wun’wana wa murindzi. Kumbexana siku rin’wana ndzi nga ha hlota eAfrika, tani hi murindzi. Loko ntsena ndzi nga tiletela! Walowo i nchumu lowu ndzi nga wu endlaka ku nga ku tiletela ku va kahle, ku duvula loku tiyeke.”

¹³⁷ Oho, ndzi ehleketa, “Xikwembu, ehleketa, hi kuva U ndzi pfumelela ku hlota, emisaveni hinkwayo.” Swisasekile njhani sweswo!

Jim u tolloverile ku ti tshamela a ti hlayela buku. Ndzi ku, “Jim...”

A ku, “Ndzi—ndzi rhandza ku yi hlaya.”

¹³⁸ Ndzi ku, “Jim, sweswo hi leswi un’wana a nga swiendla. Ndzi lava ku swi endla, hi yumina. Ndzi lava ntokoto.” Loko ndzi ta eka Kreste, ndzi ngaka ndzi nga teki ntokoto wa un’wana. Ndzi lava, wa mina.

¹³⁹ Ndzi tsundzuka loko ndzi hlaya Zane Grey *Lone Star Ranger*. Ndzi tshuvurile minkukulu mimbirhi kumbe minharhu ya mhani, ndzi tsutsuma ku rhendzeleka hi yindlu, ndzi ri karhi ndzi tlulatlula, loko ndza ha ri ehancini yo huhwa ya nkukulu. Ndzi—ndzi hlayile xitori xexo xa—xa Lone Star Ranger, hilaha a tiseke hakona vululami eka Big Bend.

¹⁴⁰ Swingaleswi ndzi hlayile Edgar Rice Burrough fikixini ya xitori xa *Tarzan*, *The Apes*. Manana ari ni tapita ra khale, tapita ra zovo, kumbe xin’wana, lexi Manana Wathen a nga n’wi nyika endzilweni. Kutani a ri tshama ekamareni ya yena, kutani ndzi—ndzi ri humesile tapita lero. Manana a swi tiva leswaku moyo a wu nge ri bi. Kutani ndzi ri humesile, ndzi ri tsema, kutani ndzi tiendlela suti ya Tarzan, ndzi tshama emurhini. Ndzi—ndzi hanyile xiphemu xa vutomi bya mina emurhini, ndzi ri eka suti ya Tarzan. Hikuva a ndzi vonile leswi a swi endleke, ndzi lavile ku swiendla na mina.

¹⁴¹ Kambe siku rin'wana, hi tintswalo ta Xikwembu, ndzi kumile Buku ya ntivyiso, Bibele. Risimu ra mina ni tsheketo a kuri ku, "Ku fana na Yesu, emisaveni ndzi naverile kufana na Yena." A ndzi lavi ku va bishopo kumbe—kumbe nakulorhi un'wana lonkulu ekerekeni, phope un'wana kumbe muprista un'wana. Ndzi lava ku fana na Yesu. Ku hetiseka, swi mi endla mi hambana. Ku na swin'wana ha swona, ku hlaya Rito ra Yena, ni swin'wana embilwini ya n'wina, mi navela kufana na Yena. Mi tano hakunene.

¹⁴² Swi fana ni, ku hetiseka eka Kreste, ku hetiseka eka Mukreste, swi fana ni...Swi, swi fana ni xitiyiso exikepeni. Ina. U, u fanele ku va ni ku hetiseka. Kutani loko Kreste ari ku hetiseka ka wena, swi fana ni xitiyiso. Lexi, loko u...Lwandle ri kariha, kutani xikepe xi ri ekusuhi niku mbombomela, kutani, u, ni ku tshembha ku n've ntsena, iku, hlongola xitiyiso. Kutani loko xikepe xi ri eku tsekatskeni, vona loko xitiyiso xi nga khoma xikepe. Wa tiva, hina risimu, ndzi rivele vito ra mutsari sweswi, kambe, *Xitiyiso Xa Mina Xa Khomeleta*.

¹⁴³ Tani hi xifanyetani, tani hiloko hi ri na minkarhi yotala yo ehleketa, a hahisa khayiti. A wu nge voni nchumu, kambe u na ringoti. Kutani munhu a hundza hile kusuhi kutani a ku, "Xana u endla yini, jaha?"

A ku, "Ndzi hahisa khayiti ya mina."

A ku, "Xana i ncini xi nga vokweni ra wena?"

A ku, "I ringoti."

¹⁴⁴ A ku, "Yi kwihia khayiti?" A ku, "A ndzi yi voni. Kunene, xana u swi tiva njhani leswaku u hahisa khayiti?"

¹⁴⁵ A ku, "Ndza swi twa. Yi le ku kokeni." Wa vona? Emakumu ka ringoti lero, ku ni ku hetiseka. Eka xindledyana xa yena, khayiti ya leyo a ku ri ku hetiseka ka yena, swingaleswi a nga ha vula leswaku ule ku hahiseni ka khayiti. Hambi leswi a nga yi voniki, kambe u khomelerile, swin'wana, sweswo swi swi khomile.

¹⁴⁶ Yaleylo hi yona ndlela leyi munhu, loko a tswariwile nakambe hi Moya wo Kwetsima, u khomile swin'wana leswi nga ni kuleko ehandle kun'wana, kutani mabubutsa ya ngaka ya nga n'wi ninginisi. Wa swi tiva leswaku u kahle. U tiyisiwile. Swi kahle.

¹⁴⁷ Sweswi, loko hi ri exitsandzanini xa hina, hi tlutela eka xikongomelo nkulu xa vutomi, tani hilaha muphati lonkulu a nge teri.

Vutomi ahi norho lowu pfumalaka nchumu!
Kutani moya wu file lowu tsendzelekaka,
Ni swilo a swi xileswi a swi fanele kuva
xiswona.

Vutomi i ntiyiso! Kutani vutomi i ku navela!
 Kutani sirha ra byona ahi makumu ya byona;
 Hikuva u ntshuri, u ta tlhelela etshurini,
 A ku nga vulavuriwi hi moyo.

¹⁴⁸ Oho, ndzi ehleketa leswaku sweswo swi sasekile swinene!
 Sweswi, Longfellow u tsarile sweswo, *Pisalema ya Vutomi*. Wa
 vona?

Loko ndzi tlutela evuton'wini bya xiviri,
 Hikuva ndzi mupfumari ni makwerhu wa
 xikepe lexi onhakeke,
 E ku voneni, ku ta teka mbilu nakambe.

¹⁴⁹ Wa vona? Sweswi hi tekile rendzo, ku tlutela evuton'wini
 bya xiviri, kutani Kreste, eka xikepe lexi nga eka bubutsa ra
 nkarhi. Loko bubutsa ri ya ri tika, kutani va wa hikwalaho
 ka rona, ndzi tsakile hikuva ndzi na xitiyiso lexi khomeke
 eka nguvu leyi nga lahwani, kun'wana. Hambi ku ri rifu
 hi roxe ari nge ku susi eka xona. U tibohile eka ku hetiseka
 ka wena. Kreste i xitiyiso xa hina. Xana hi Yena mani? Hi
 yena Rito. "Eku sunguleni Rito ari ri kona, kutani Rito ari ri
 na Xikwembu, kutani Rito a xi ri Xikwembu. Kutani Rito ri
 endliwile nyama, ri tshama exikarhini ka hina."

¹⁵⁰ Swingaleswi, loko hi switiva leswaku swendlo swa
 hina swi fana ni Rito, ha swi tiva leswaku ku dyondzisa ka
 hina ku fambelana ni Rito, hi nga engeteli nchumu kumbe
 ku hunguta nchumu, ntsena Rito. Kutani hi vona mbuyelo
 wun'we, lowu van'wana va tiyisiweke hi Rito leri fanaka, ri
 hanya evuton'wini bya hina, kutani kutiyisisa ka wena ku
 khomelela. Vutomi bya Kreste byi tswaleka hi ndlela yo tiya,
 eka wena, tani hi leswi a byi ri xiswona eka Kreste, hikuva, "A
 kuri Xikwembu eka Kreste, xi kutsulaka misava hi vu Xona."
 Kutani u vona Xikwembu eka vuwena, xi khomile ntiyiso lowu
 wu nga wun'we eRitweni, ntsena tani hi ndlela leyi Yesu a swi
 endleke. Ma byi vona Vutomi bya Yena. "Mitirho leyi Ndzi yi
 endlaka mi ta yi endla na n'wina, loyi a pfumelaka." Ku nga
 ri loyi a tiendlaka mupfumeri, loyi a ehleketa leswaku wa
 pfumela, kambe, "Loyi a pfumelaka." "Loyi a pfumelaka eka
 Mina, mintirho leyi Ndzi yi endlaka u ta yi endla na yena."
 Hikokwalaho ka yini? U tiyisiwile eka Ribye leri ri nga rin'we.
 Xana Ribye i yini? Rito, nkarhi hinkwawo. U tiyisiwa kona. I
 Nyeleti ya N'walungu loko u lahlekile elwandle.

¹⁵¹ Waswitiva, hi na tinyeleti to tala, kambe kuna nyeleti
 yin'we ntsena ya ntiyiso, ya leyo a yi ninginiki. Yaleyo i nyeleti
 ya n'walungu, hikuva yi tshamile exikarhi ka misava. A swi
 na mhaka leswaku u le tlhelole rale ndzhaku, ehenhla, kumbe
 kun'wana ni kun'wana laha u nga kona, nyeleti ya leyo ya
 n'walungu ntsena yi tshamisa xisweswo. I nyeleti ya wena
 ya n'walungu. Sweswi, maswivona, ku ni tinyeleti to tala leti

sukaka eka ndhawu yi n'wana tiya eka yi n'wana. Kambe loko uri e...elwandle, hikokwalaho ka yini, wanuna un'wana na un'wana wa lwandle wa swi tiva, kumbe muhloti un'wana ni un'wana loyi a tsendzelekaka eswihlahleni, wa swi tiva leswaku nyeleti ya wena ya n'walungu i ya—i ya ndhawu ya wena. Sweswo hi swona. Swingaleswi, swi fana ni—ni—ni khomphasi ya wena. Khomphasi ya wena a yi nge ku kombi eka Mars, kumbe Jupita, kumbe kun'wana. Yi ta ku kombi eka nyeleti ya n'walungu. Hikokwalaho ka yini? Sweswo i kuhetiseka ka wena.

¹⁵² Oho, mina! Xiyisisa, ku hetiseka ka wena! Oho, ndzi ya eku vuleni ka swin'wana! Ntsena ndzi twa swi ri eku teni. Xiyisisani. Ndzi titwa ndzi kateka ngopfu sweswi, hikuva lexi i xitshembhiso. Xiyisisani.

¹⁵³ Khomphasi ya wena ntsena yi ta ku kombi nyeleti ya n'walungu. Yaleylo hi yona ndhawu yi ri yoxe laha yi nga kombetaka. Loko kuri khomphasi ya ntiiyiso, yi ta ba nyeleti ya n'walungu nkarhi hinkwawo. Xana a hi swona sweswo xana? [Nhlenegetano yi ku, “Amen.”—Muhleri.]

¹⁵⁴ Swingaleswi, loko u ri na Moya wo Kwetsima, Wu ta kombi ntsena eRitweni. A Wu nge ku kombi eka dinominexini. A Wu nge ku kombi eka mikhuba. A Wu nge ku kombi kun'wana ekule. Wu ta ku kombi eRitweni. Ndzi twa onge ndzi ngo huwelela. Xiyisisani, hi—hi Swin'wana leswi nga endzeni ka munhu, swi ndlandlamukaka, loko u vona Nyeleti ya wena yi yimile lahaya, Yesu Kreste, Rito. Kutani u vona Moya lowu nga ka wena a wu nge ri pfumeleri ri ya exineneni kumbe eximatsini. Lero hi Rona ntsena leri nga ta swi kota. U tile ku ta teka swilo swa Xikwembu, kutani a kombi swona, a va kombisa.

¹⁵⁵ Kutani Yesu a ku, “U ta endla ntsena swilo leswi Ndzi swi vulaka. U ta mi hlavutela leswi nga ta ta,” a mi kombi swona nkarhi wu nga si fika, swi nga si fika lahawani. Wa vona? “U ta teka swilo leswi nga swa Mina a mi kombi swona, kutani U ta mikomba swilo leswi nga ta ta.” Yohana 15.

¹⁵⁶ Ha swi vona leswaku U kombi swilo. Kutani U teka swilo leswi nga swa Xikwembu kutani a swi kombisa eka n'wina. Kutani U ta mi paluxela leswi Yesu a swivuleke. Hi marito man'wana, U ta endla leswaku swilo swi va erivaleni. A vekela ndlela ya leyo ekhoneni, madyambu lawa, hikuva sweswo hi leswi hiyaka eku switirhiseni, ku nga ri khale. Hi endla hi ntiiyiso, hi endla hi ku pfumela, wa vona, swingaleswi wa swi tiva. Loko wena...Nyeleti ya wena ya n'walungu, leyi yi nga Rito, eka Mukreste un'wana ni un'wana.

¹⁵⁷ Swin'wana ni swin'wana leswi swi hambanaka ni Rito! Vona. Mi nge ndzi mi byela swin'wana. Yingiselani leswi hi vurhonwani. *Leswi* i ku hetisisa, ka hlavutelo wa Ximoya

wa Xikwembu, ku rhandza ka Xona, niku Vuya ka Kreste. Ni hinkwaswo leswi tshameke eBukwini, swi hetisekile. [Makwerhu Branham a bambetela Bibele ya yena—Muhleri.] Kutani loko swin'wana swi mi susa eka Yona, cukumetela ekule khomphasi ya leyo, hikuva i dyondzo ya vunwa. Kova ntseña hlang-... Ko va ntseña phepha leri u ri vekaka exikhwameni xa wena, ri nembelelaka ekamareni ya wena, ri furemisiweke. I dyondzo ya vunwa. Manuku, kumani khomphasi leyi yi ku yisaka eRitweni. Amen.

¹⁵⁸ Mi xiyisia, loko ntokoto lowu wu tava wu bile Paul, u yile eEgipta nile Arabiya, kun'wana kwalahaya, a ya dyondza malembe manharhu. Wa kwetsima! Whew! A fanele ku pfumela. Kutani loko a tava a swi vonile, loko Moya wo Kwetsima wu tava wu n'wi kombetile, rito hi rito, a nga ha tsala Buku ya leyo ya va-Heberu niku kombeta va-Yuda lava. Hakunene. Hikokwalaho ka yini? A vekiwe exikarhi. Khomphasi ya leyo ya Moya wo Kwetsima yi n'wi vekile eka Nyeleti ya n'walungu.

¹⁵⁹ Sweswi, loko u ri na swin'wana leswi swi ku kokelaka etlhelo ka Rona, swa antswa u yi tshika yi ri yoxe. N'wana, Wu ta kombeta Rito ra Yena, kutani Rito ra Yena ntseña, hikuva Moya wo Kwetsima wuta wu ta kombisa, kumbe ku tiyisia, xitshembhiso xa Xikwembu. Ku hava mikhuva leyi yi nga swi endlaka sweswo. Kuhava nhlangano lowu wu nga swi endlaka. A ku na matimba ya nchumu ma nga swi endlaka. Ntsena Moya wo Kwetsima, hi Rito. Kutani hi Yena Xihluke.

¹⁶⁰ Sweswi, u teka mbewu ya koroni, mbewu ya kahle ya koroni, kambe a yi nge endli nchumu. Yi file ku kondza xihluke xi ta eka yona. Kutani xi tswala mbewu yotala ya koroni.

¹⁶¹ Kutani Kreste i Vutomi byebyo, ku hetiseka. Loko koroni yi nga ri na ku hetiseka eka yona, a yi nge pfuki. Loko koroni yaleyo yi nga ri ni ku hetiseka, yi nga hava yi sasekile ehandle, kambe a yi nge hanyi, hikuva aku na nchumu endzeni ka yona lexi yi nga hanyakha ha xona. Kambe loko yi kuma ku hetiseka kwaloko, yi nga ha languta eswikandzeni swa va soli hinkwavo, yi ku, "Ndzi ta pfuka nakambe." Hikokwalaho ka yini? Hikuva yi na ku hetiseka. Ku le ndzeni ka yona. Yi fanele ku pfuka nakambe. Kutani loko yi... "Loko mi tshama eka Mina, ni Marito ya Mina ma tshama eka n'wina, kutani kombelani hinkwaswo leswi mi swi lavaka." Sweswo i ku hetiseka kwaloko.

¹⁶² Kambe loko mi ri ni tidyondzo ta vunwa ni swin'wana leswi bohiweke ka Yona; a mi nge swi koti kuhlanganisa oyili na mati. U nga ha swi teka u swi tshova hi ndlela yin'wana ni yin'wana leyi u yi lavisaka xiswona, a swi nga hlangani, hikuva i tikhemikali timbirhi to hambana. Kutani u nga ka u nga endli mikhuva na Bibele, leyi hambanaka na Bibele, u swi

hlanganisa. U nga ka u nga endli dinominexini ni vukhongeri lebyi byi nga tswariwa byi tshunxekile, kumbe ku ponisiwa loku ku tswariweke ku ntshunxekile, u swi hlanganisa kun'we. Hikuva, tani hi ntiyiso, Xikwembu xi tirhana ni . . .

¹⁶³ Ndzi ta swi vula, hi ndlela yin'wana. Xikwembu a xi kalanga xi tshova nonganoko wa Xona. A Xi nga wu tshovi, hikuva hi lexi Xi nga riki ni makumu. Kutani ndza anakanya, maswitiva, mina, Swi famba emahlweni ka vanhu votala. Wa vona? Kambe Xikwembu xi ngaka xi nga tshovi nonganoko wa Xona. A xi nge endli swin'wana hi siku *rin'wana*, kutani xi swi ncinka, xi endla swin'wana, ku tani xi ku a xi hoxile siku *lero*.

¹⁶⁴ Xikwembu a xi tirhani ni mintlawa ya vanhu. Xikwembu xi tirhana ni munhu ari un'we, hikuva vanhu va ni mavonelo yo hambana. Xi akekile ku hambana eka, ntumbuluko. Xikwembu xi fanele ku teka munhu yaloye, kutani xi n'wi hundzuluxa, kutani xi n'wi humesa, eka vuyena, kufikela laha Xi n'wi yisaka eka ntumbuluko wa Xona. Wa vona? Kutani Xikwembu xi tirhana ni munhu yaloye. Langutani ehansi eka tinguva hinkwato, Nowa na Muxe, vaprofeta, a va kalanga va va swin'we ha vumbirhi ka vona hi nkarhi wun'we. Un'we, u yimise xi sweswo, ndlela hinkwayo ya tinguva leti nga hundza.

Swingaleswi, loko mi ku, "Laha ku nga tala ngopfu ku ni ku hlayiseka."

¹⁶⁵ Langutisani, tani hi laha ndzi chumayelege lahawani ku nga ri khale ngopfu, etabernakeleni. A kuri na Ahab, kutani a kuri na Yehoshafati. Kutani a va ya eRamoth-Gileadi, eku tlheriseli endzhaku. Eku sunguleni, a va ri entiyisweni, tiko ari ri ra vona. Kutani na-na nala, va-Siriya ehenhla lahaya, a va xurhisra vana va vona hi koroni leyi va-Israyele a va fanele va yi dya. Nhundzu leyi nyikiweke hi Xikwembu, swingaleswi, eku sunguleni, a swi languteka swi ri kahle. "Fambani na mina, kutani mi ya ehenhla lahaya, kutani hi va susa hi va humesa etikweni." Kunene, sweswo swi twala swi chavisa kahle. Eku sunguleni, a swi ri kahle, kambe swi ri ni swipimelo.

¹⁶⁶ Yehoshafati, kuva ari wanuna wa kahle, a ku, "Kambe a hi fanelanga ku tihlanganisa na Hosi?"

¹⁶⁷ Xivangelo, Ahab, ya loyi a nga wa, u teri, "Kunene, i ntiyiso." Mupfumeri wa ndzelekano, maswitiva. A ku, "Oho, kunene, a ndzi fanele ndzi swi ehleketele sweswo. Ndzi vile ni mune wa madzana wa vaprofeta va va-Heberu. Mune wa madzana wa vona, ndzi va phamelaka, ndzi va hlaisaka. I vo antswa etikweni hinkwaro. Hi ta va tisa lahawani."

¹⁶⁸ Kutani hinkwavo ka vona xikan'we, hi moyo wun'we, va ku, "Fambani mi ya ehenhla. Hosi yi na n'wina." Eku sunguleni, avari entiyisweni, kambe a va nga ku khomanga ku hetiseka kwaloko.

Kutani loko a ku, “Xana a ka ha ri ni un’wana?”

¹⁶⁹ A ku “Ina. Ku na un’wana, kambe ndza n’wi venga.” A ku, “U tshama ari karhi a ndzi byela swo biha, wa vona, minkarhi hinkwayo u vula tano.”

¹⁷⁰ Xana a nga profeta swa kahle njhani, loko Rito hinkwaro, Eliya loyi ari kona ku nga se va na yena, a teri eka Ahab, “Timbyana ti ta tswonga ngati ya wena”? Sweswi, xana muprofeta la tiyisisiweke a nga vula njhani swin’wana ni swin’wana leswi swi nga riki ku rhandza ka Xikwembu xana? Kutani njhani, leswaku, “Timbyana ti ta dya Yezabele, ni vulongo byi ta va ehenhleni ka mansimu, swingaleswi ava nge vuli va ku, ‘Laha ku ettele Yezabele.’” Ni ndzukano wo tano emunhwini, xana un’wana a nga kateka njhani?

¹⁷¹ Sweswo hi leswi swi nga xiswona namuntlha. Xana munhu a nga katekisa njhani swilo leswi swi tekaka vanhu swi va yissa ekule na Xikwembu nkarhi hinkwawo xana? Kuna xilo xin’we ntsena lexi nga endliwaka, loko u fanele ku ti yimela hi wexe: u rhukana swilo, hi Vito ra Hosi, kutani u tshama na Kona, loko u hetisekile.

Mi ri, “Kunene, Makwerhu Branham, u endla leswaku vanhu va ku venga.”

¹⁷² Xikwembu xi ta ndzi rhandza. Sweswo i ku hetiseka ka mina. A ndzi nga wisi e katleni ra nyama. U fanele ku wisela eRitweni, leswi Xikwembu xi nga vula leswaku u swi endla.

¹⁷³ Xana Mikiya u swi tivile njhani leswaku ari entiyisweni? U rindzerile. U vile ni xivono. Va vile ni xivono, na vona, kambe xivono axi nga fambelani na Rito. Kutani namuntlha, ka hari nchumu wun’we. Mikiya u pimanyisile xivono xa yena ni Rito, kutani u swi vonile leswaku yena na Rito a va ri kun’we. Namuntlha, loko swivono swa n’wina swi hambana ni Rito, swi tshikiseni xisweswo, hikuva i ku hetiseka loku ku hoxeke. Ku hetiseka ka Mikiya a ku fana swinene ni Rito, swingaleswi a nga yima kutani aku, yena, leswi a swi vuleke, kutani—kutani a swi pfumela.

¹⁷⁴ Loko, va n’wi bile hi mulatheja enon’weni, kutani va ku, “Xana hi yihi ndlela leyi Moya wa Xikwembu wu fambaka ha yona?”

¹⁷⁵ A ku, “Mi ta swi kuma loko mi tshamile eka xitshamo xa le ndzeni.” Hi swona.

¹⁷⁶ A ku, “Loko ndzi vuya hi ku rhula . . . Mi veka wanuna loyi ekhotsweni ra le ndzeni, kutani loko ndzi vuya hi ku rhula,” ku vula Ahab, “Ndzi ta tirhana ni nakulorhi loyi.”

¹⁷⁷ Oho, sweswi, Mikiya, xana leswin’wana ke? Nhloko ya wena yi ta tsemiwa loko a vuya. Mikiya a yima kwalaho a tiyile tani hilaha Stefano a swi endleke. Amen. Ntsena hi ku swi tsakela tani hilaha Hosi ya mina yi fambeke ha kona loko

yi ya exihambanweni. Ntsena tani hi ku olova tani hilaha Daniel a yeke ekheleni ra tinghala, kumbe Shadrack, Meshack, Abednigo va ngheneke e kheleni ra ndzilo. Hi kuhetiseka! U yimile lahaya kutani a ku, “Loko wo vuya u helerile...” Hikokwalaho ka yini? A hetisekile. “Loko wo vuya u helerile, Xikwembu a xi kalanga xi vulavula na mina. Tsema nhloko ya mina yi suka kwalaho.” Ari ni ku hetiseka. A swi tiva leswaku khomphasi ya yena, leyi yi n’wi fambiseke eka xivono lexi, a yi ri na Nyeleti ya n’walungu. Ina, nkulukumba. Xitiyiso xa yena xa khomelela, ina, Rito kutani Rona ntsena.

Loko ku hetiseka ka wena, loko u ri ni ku hetiseka evuton’wini bya wena...

¹⁷⁸ A ku ri ni nkarhi loko, maswitiva, mafumele ya munhu ma va ni ku hetiseka. A ndza ha ehleketi hi vito ra wansati ya loye, kambe rixaka hinkwaro ari tshembhele eka leswi a swi vula hi wansati ya loye. Ndzi rivarile vito ra yena. A ndzi ri eku tsalenii ka xitsalwana lahwani. A ndza ha ehleketi hi vito ra wansati ya loye, leswaku ari mani. Kambe lahwani, emalembeni mantsongo lawa ya nga hundza, a fanele a va tano, wansati loyi, leswi a swi vuleke. Loko a teri tirhisa mukwana hi voko ra ximatsi, sweswo a swi—a swi tava swi ri swona, sweswo akuri ku hetiseka. A ri—ri nhlamulo ya hinkwaswo ka swona. Kutani loko u veka foroko evokweni ra ximatsi, a wu tava u hoxile hakunene. Xana ari mani vito ra yena? [Nhlengeletano yi ku, “Emily Post”—Muhleri.] Oho, lero hi rona. Hakunene. Ina. Yaloye ari yena. Sweswi, mi—mi hetisekile... A ri—a ri wa mafumele ya vumunhu bya yena hi ku hetiseka. “Swi fanele kuva hi ndlela ya leyo.” Tani hi, oho, swilo swo tala hi swi kumisa xi sweswo. Kambe, hikuma leswaku, swi herile. Dyana hi ndlela leyi u yi lavaka. Ina, nkulukumba. Swi kahle. Kambe ya lawa akuri mafumele ya vumunhu hi ku hetiseka. “U fanele ku swi endla hi ndlela yaleyo.”

¹⁷⁹ A kuri ni nkarhi laha Adolf Hitler a ri Mujarimani la hetisekeke, xin’wana ni xin’wana lexi a xivula. Loko a ku, “Tlulani,” a va tlula. A ku, “Dlayani,” a va dlaya. Mamiliyon i ya va-Yuda, u lo pfumelela hi nhloko ya yena. Maswivona leswaku ku humelele yini hi muxaka walowo wo hetiseka? Swi languteke tani hi matimba, kambe a swi hambana ni Rito.

“Xana u swi tiva njhani leswaku a swi hambana na Rito?”

¹⁸⁰ Xikwembu xi teri. Loko Balaam a ringeta ku languta ehansi ehenhleni ka Israel, ku ri rhukana, a ku, “Ndzi n’wi vona tani hi yunikhono. Leswi minxaxa ya vona a yi sasekise xiswona! Loyi a nga ta ku rhukana u ta rhukaniwa. Loyi a nga ta ku katekisa u ta katekisiwa.”

¹⁸¹ Swi languteka tani hi Hitler a nga hava a swi vonile sweswo. Ku languteka tani hi Vakreste vale Jarmani leswaku va nga hava va swivonile sweswo, wa vona, ku hetiseka

kwaloko. Hi kuhetiseka swi hambana ni Rito lero. Maswitiva, tani hilaha swi vuriweke, “Munhu...Xikwembu xi endlile vanhu, kambe vanhu va ti endlile mahlonga.” Un’wana u ringeta ku fuma un’wana. Hi ni Mufumi un’we, yaloye i Xikwembu.

¹⁸² Kambe Hitler a ri mu-Jarimani wo hetiseka. Ri languteni namuntha. Sweswi, langutani leswi humeleleke? A kuri kuhetiseka loku ku hoxekeke. Hikokwalaho ka yini? A swi hambana ni Rito. Kutani sweswi maswivona laha hinkwaswo swi yaka kona: tingana.

¹⁸³ Niloko ku hetiseka ka wena kuri eka nhlangano wu n’wana, kumbe vititwi byi n’wana, kumbe swin’wana handle ka Munhu wa Yesu Kreste, u ta ta eka xiave xin’we xa tingana, lexi xi nyanyaka ngopfu, wa vona, loko ku hetiseka ka wena ku nga ri eka Kreste. Yaleylo hi yona mhandzi yi ri yoxe leyi nga exikarhi ka vutomu bya ximunhu, kutani Kreste i Rito; ku nga ri kereke ya wena, rito ra wena. Rito! Wa vona? “Ehenhleni ka ku hetiseka loku Ndzi ta a ka Kereke ya Mina,” ehenhleni ka Kreste, Rito.

¹⁸⁴ A kuri na nkarhi lowu Mussolini ari ku hetiseka ka Rhoma. A ndzi tivi, ndzi nga hava ndzi hlaiyle atikili, kumbe swi nga hava sweswo ndzi swi hlayeke ebukwini, kumbe un’wana a ndzi byeleteke, kambe loko un’wana a tava a konanisiwile hi Mussolini. A ri...

¹⁸⁵ U lava—lavile ku nghenisa Rhoma eka mintlangu ya tinxakaxaka, mintlangu ya tinxakaxaka. Kutani a kuri ni xifaniso lexikulu lexi hintolovelu a xi yima kwalahaya, xa yena, xa mintlangu ya tinxakaxaka. Sweswo swi lulamile. Greece na rona ari ri ni miehleketo yaleylo malembe yo tala lama hundzeke. Rhoma minkarhi hinkwayo a ri ringeta ku va na yona. Mintlangu ya tinxakaxaka yi kahle, kambe—kambe mintlangu ya tinxakaxaka. Kambe—kambe tsundzukani, sweswo a swi nge teki ndhawu ya Kreste. A swi na mhaka leswaku mi tiye njhani, sweswo ku hava leswi nga endlekaka ha swona. Hi yena wa matimba hinkwawo. Kutani ma swi vona leswi a ringetaka ku a ka Rhoma ehenhleni ka swona. Kutani u ringetile ku a ka Rhoma ehenhleni ka swilo swo hetiseka, sweswo a kuri ku hetiseka ka yena.

¹⁸⁶ Kutani va vule sweswo, siku rin’wana, leswaku muchayeri wa—wa—wa yena a fikile hi kuhatlisa kusele minete, kutani a n’wi balesela. A ku, “A ndzi teri, ‘u va lahawani hi minete ku nga si ba awara ya nkaye.’ Ndzi teri, ‘U va lahawani hi awara ya nkaye’” Phu! Kutani a n’wi balesela. Wa vona? Wa vona? “A ndzi ku lavanga u va lahawani hi minete yi nga si ba. Ndzi ku lava lahawani hi awara ya nkaye.” Wa vona? Langutisa ku hetiseka loko a ringeta ku ti endlela yena n’winyi. Kambe maswivona leswi swi humeleleke xana?

¹⁸⁷ Ma tsundzuka, votala va n'wina lahawani, n'wina swidyuhati, Roy Slaughter, kumbexani, nile ndzhaku nyana ka sweswo, wa tsundzuka nyana ehansi loko ndzi ta ku byela hi vuprofeta. Siku rin'wana, ehansi eka muako wa Odd Fellow, loko hi nga si ta lahawani, ndzi teri, "Mussolini u ta ta emakun'wini ya tingana letikulu." Ndzi ku, "Ku hlaseriwa ka yena ro sungula, u taya eEthiopia, kutani Ethiopia ri ta wela eka goza ra yena. Kambe u ta fika emakun'wini ya yena, kutani a kuna munhu loyi a nga ta n'wi pfuna. U ta lahliwa enhlomulweni wa yena." Lahaya a nga kona.

¹⁸⁸ Ndzi ku, "Ku ni maendlelo ma nharhu lawa ya pfukeke. Nazism, fascism, ni vukhomonizim." Ndzi ku, "Maendlelo ya vona ma ta rendzeleka ma ta eka man'we, ya tava ya xikhomunizim. Langutani. Vukhomunizimi byi ta hisa Rhoma." Wa vona?

¹⁸⁹ Mi swi vona. Uh-huh. I xi tirhi evokweni ra Xikwembu. Va ehleketa leswaku va lwisana ni Xikwembu. Vale ku tirheni, eka xona, a mi swi tivi. Ntsena u va tirhisa tani hi phaphete, uh-huh, xitirho xin'wana evokweni ra Xona, tani hilaha Xi swi endleke eka Nebukadneza ni van'wana votala. Sweswi xiyixisan. Wa vona, sweswi.

¹⁹⁰ A kuri ni nkarhi lowu Faro ari ku hetiseka ka Egipta, kambe langutani laha swi nga kona sweswi. Wa vona? Swi tsandzekile hinkwaswo.

¹⁹¹ Oho, i maendlelo yo hoxeka, swingaleswi minkarhi hinkwayo va tsandzeka. Va ni ku hetiseka loko endliweke hi munhu. U nga ka u nga teki ku hetiseka loku endliweke hi munhu. A ndzi na mhaka loko swi ri swa—swa presidente, loko swi ri swa ku lerisa, loko swi ri swa hosi, loko swi ri swa kereke, loko swi ri swa hlangano, loko swi ri swa dyondzo ya vunwa. Xin'wana ni xin'wana xa swilo leswi swi ya eku lovisiweni, ntsena tani hi mi hetiseko hinkwayo ya muxaka wa lowo eka tinguva hinkwato.

¹⁹² Hi nga ha languta endzhaku. Langutani endzhaku. Langutani vavanuna lava va tshembheleke eka varhangeri va mavuthu. Langutani vavanuna lava va tshembheleke valerisi. Langutani vavanuna lava va akake ku tshembha ka vona ehenhla ka ku hetiseka ka muxaka wa vona, kutani langutani laha va nga kona namuntha.

¹⁹³ Sweswi a hi hundzulukeni hi languta eka vavanuna lava nga veka ku tshembha ka vona eBibeleni, ehenhleni ka Rito ra Xikwembu, kutani va Ri khomelela hi ku hetiseka. Langutani laha va nga kona sweswi.

¹⁹⁴ Paul u mi nyika nyana nhlamuselo ya vona, eka va-Heberu, ndzimana ya vull, leswi va swi endleke. "Leswi va hluriseke xiswona mimfumo, u tsarile vunene, ni kuya emahlweni. Kutani va pepetsekile eka madzovo ya tinyimpfu ni madzovo

ya timbuti. Laha misava yi nga faneleriwangiki ha swona. [Ndhwau leyi nga riki ni nchumu eka thepi—Muhleri.] Va langutela eku Kwetsimeni ka ku pfuka kwaloko ka kahle ka vafi. Wa vona? Hi swona. Hikuva va, van'wana va vona, a va—a va amukelanga mahlori lawa, kutani va nyikela mi miri ya vona, hi ndlela yi n'wana, valangutela ku pfuka kwaloko ka vafi. Ku herisa vutomi bya vona, a va kalanga va va ni mhaka na byona. Va lavile ku ya emahlweni va tiendla swithavelo vona hi voxé, leswaku va ta kuma ku pfuka kwaloko ka vafi, kutani sweswo hi leswi va swi endleke.

Sweswi, mi hetiseko, leyi hi vulavulaka hi yona, ku hetiseka.

¹⁹⁵ Maswitiva, khoto yale henhla ya hina hi yona ku hetiseka. Hi yona ku hetiseka. Hi yona—hi yona makumu yo hetelela ya ku kanetana eka tiko leri. Sweswo hi swona. Xiboho xa vona hi xona ku hetiseka, eka khoto ya hina yale henhla. Hi swona. Oho, ndza swi tiva nkarhi wu n'wana a hi swi tsakeli, kambe i ku—i ku hetiseka, hi ndlela yi n'wana. Ina, nkulukumba. Ku nga humelela yini loko hi ri hava sweswo xana? Kutani i yini? Kambe sweswo i ku hetiseka. Hakunene hi swona. Hikokwalaho ka yini? Kwalaho i, tiko ra hina, ri bohiwile eka sweswo. Loko khoto ya leyo yale henhla yi endla xiboho xexo xo hetelela, sweswo hi swona. A kuna kuya emahlweni. Xana mi taya kwihi, endzhaku ka sweswo xana? Mi ya eku landzeleleni ka xiboho xa vona, sweswo swi hetisekile. Mi fanele ku swi endla. Hi vona rito ro hetelela. Hi vona amen.

¹⁹⁶ Mi nga ha swi ringeta eka tikhoto ta lokhali tale dorobeni. Mi nga ha swi ringeta eka majistarata, kutani mi ya eka federali, eka tinxaka hi nkawato ta tikhoto, nile ka tikhoto ta tifederali. Kambe loko hi ta eka khoto yale henhla, sweswo hi swona. Hi swona. Minkarhi yi n'wana a hi swi tsakeli, ku vula leswaku, “Kunene, a ndzi swi tsakeli swiboho swa n'wina,” kambe mi ringeta ku fambela ekule na swona xikan’we. Kwaloko i ku hetiseka ka tiko. Xana ku nga humelela yini loko hi nga ri na kona? Ina.

¹⁹⁷ Hi fanele kuva ni ku hetiseka. Un'wana ni un'wana u fanele ku va ni kun'wana. Mi va ni kun'wana. Kambe leswi ndzi ringetaka ku mi byela swona, xitiya nhlana lahayá, xi mi komba leswi mi hetiseko yi nga xiswona.

¹⁹⁸ Sweswi, khoto yale henhla ya tiko i ku hetiseka ka tiko. Walowo hi wona nchumu wo hetelela wa muxaka lowu wu endlaka huwa leyi nga pfuneku nchumu. Va swi tshamisisa. Loko va ku, sweswo hi swona.

¹⁹⁹ Kuna ku hetiseka entlangwini wa bolo. Hi yena muhlanganisi. Oho, ina. Minkarhi yin'wana a hi xi rhandzi xiboho xa yena, hi ndlela yi n'wana, kambe swi—swi—swi tano, hi ndlela yi n'wana. Muhlanganisi, xiboho xa yena i

rito ro hetelela, sweswo hi swona, a swi na mhaka leswaku van'wana va ri yini. Loko a ku rahani, ka rahiwa. Sweswo hi swona. Kunene-nene. Swi nga ri na mhaka leswaku van'wana va ri yini, sweswo a swi nge endli nchumu ha swona. Nakona ntsena a hi ehlekteni hi swona. Loko n'wina....A ndzi yi emintlangwini ya bolo, kambe ndzi kumeka ndzi ri karhi ndzi swi tsala ehansi sweswo. Muhlanganisi, hi yena ku hetiseka eka ntlangu wa bolo.

²⁰⁰ Un'wana wa vona a ku, "Yaleyo a yi ri bolo." Un'wana a ku, "U muhembí." *Loyi* aku, "Leswi a swi hi ndlela *yaleyo*. U fanele kuva hi ndlela *leyi*."

²⁰¹ Muhlanganisi aku, "Rahani." U vona votala va vona va teka switulu swa vona va tshama ehansi. Ra va tshikelela van'wana va vona. Kambe ndza swi anakanya loko va ha ta ku boo eka yena lahaya, endzeni ka timbulu ta vona, ni swin'wana, kambe i "ku raha" hi ndlela yin'wana. Hikokwalaho ka yini? Hi yena rito ro hetelela.

²⁰² Wanuna wo sungula u teri, "Wa swi tiva sweswo leswi hundzeke." Un'wana a ku, "Wa swi tiva leswaku sweswo swi..."

²⁰³ "I ku raha" Uh-huh. Sweswo hi swona hinkwaswo ka swona. Miyelani kwalaho, mi tlhelelani endzhaku endhawini ya n'wina.

²⁰⁴ Xana a ku ta humeleta yini loko a kuri hava n'wa tipepe etlangwini wa bolo? Wa mina! Xana ma swivona leswaku a ku tava kuri ntlangu wa njhani lowu a wu tava kona? Un'wana wa vona u teri, "A kuri ku raha." Un'wana a vula *leswi*. Un'wana avula *sweswo*. Un'wana aku, "U muhembí." Kutava ni mpongo ni kulwa.

²⁰⁵ Ku va ni ntlangu wa bolo, u fanelo ku va ni ku hetiseka. Kutani u humile kwalahaya, nakona a swi na mhaka loko mi nga n'wi twisisi, kumbe yini, hi—hi yena ku hetiseka, hi ndlela yi n'wana. Hi yena ku hetiseka. Rito ra yena i ro hetelela, a swi na mhaka leswaku mi vula yini ha swona. Swi hi ndlela *yaleyo*. Sweswi, loko va nga swi endli, ntlangu hinkwawo wu ta va wu pfilunganile. A hi swona sweswo xana? [Nhlenegetano yiku, "Hi swona." —Muhleri.]

²⁰⁶ Xana tiko a ri tava njhani loko a ku nga ri na khoto ya federali? Ku ri hava khoto yale henhla etikweni leri, xana a ri ta famba njhani? Xana a va taya kwihi? Tiko a ri tava eka mpfilumpfilu. Loko a ku nga ri ni...

²⁰⁷ Loko a ku nga ri ni muhlanganisi eka ntlangu wa bolo, a swi ta helela emoyeni, a wu nga ta swi kota ku hoxa ko sungula ku fikela laha un'wana a baka mpongo. Un'wana u yimile lahaya, kutani kumbexani ku ya endhichini, kutani munhu u n'wana aku, "Oho. Ee. ee. A swi swi endlanga

sweswo." Kutani, lahaya u famba. Bolo yo sungula yi hoxiwile, va kanetanile ha yona. Un'wana wa vona aku, "Kwalaho a kuri hu raha." Un'wana a ku, "A ku nga ri ku raha." Wa vona?

²⁰⁸ Mi fanele ku kuma loyi anga tiboha entlangwini, nakona yaloye i muhlanganisi. Loko a ku, "Rahani," ka rahiwa. Loko a ku, "Bolo," yi va bolo. Ambi uvula yini kumbe yini, swa famba. Sweswo hi swona. Kutani loko u nga swi endli, a wu ngevi ni ntlangu.

²⁰⁹ Mi nge ndzi mi komba ku hetiseka kun'wana, i rivoni ro tshwuka. Rivoni ro tshwuka, loko ri ku, "yima," rivula ku yima. Loko u ri tsutsuma, u taya u ya swi hakelela. Kambe loko doroba leri ri nga ri ni timboni ta le handle lahawani, mavoni lawa ya yimisaka, xana ku nga va doroba ra muxaka muni? Wa vona? Ri fanela ri va ni ku hetiseka. A ndzi na mhaka leswaku maphorisa ma ri yini, kumbe un'wana u ri yini, loyi a nga yima lahaya. Hi vona va le henhla. Loko un'wana a nga swi kumisisa leswaku u fambique hi rivoni ra rihlaza, a ndzi na mhaka leswaku maphorisa ya ri yini, va hoxile. Loko rivoni ri ku, "famba," sweswo swi vula ku famba. Sweswo i ku hetiseka. U nga ha swi kambisisa sweswo, rivoni ri teri "famba." Maphorisa va nga hava va yimile kun'wana, meyara wa doroba a nga hava, ari kun'wana, sweswo a swi endli ku hambana na swi ntsongo. Loko u ri na vumbhoni bya leswaku a kuri "famba," wa famba. Kutani loko un'wana a ku tlumba, i swihoxo swa vona. U nga ha swi kambisisa. Sweswo hi swona.

Hi nga swi kambisisa leswi hi vulavulaka hi swona. Hi swona.

²¹⁰ Sweswi, xana a ku ta humelela yini loko ku nga ri na rivoni ro tshwuka? Un'wana a tsemakanya, a swi tava njhani. Un'wana uri, "Hey! Suka endleleni. Ndzi jahile. Ndzi ya entirhwени. Ndzi letile. Ndzi ya kona sweswi." Un'wana a ku, "Ntsena u ehleketaleswaku u tano. Hikova, ndzi un'wana loyi a yaka emahlweni, hikuva ndzi wo sungula ku ya lahawani." Kutani ndzi nga ha vona wansati a huma a ti lunghisa misisi ya yena. Xana a ku ta humelela yini loko a hi nga ri ni rivoni ro tshwuka xana? Xana aku nga tava kuri ni kutlimbana ka mimovha kwalahaya!

²¹¹ Sweswo hi leswi swi humelalaka tikereke. Wa vona? Sweswo hi swona. Xexo hi xona xivangelo xa kuva hi ri ni ku tlimbana kwaloko ka tikereke ta mavito. Ina. Sweswo hi swona ngopfu. Kuhava loyi a kumekaka ku n'wana. Va yimile, va ba mpongo.

²¹² Hi *leri* Rivoni ra Xikwembu. Loko Ri ku, "famba, famba. Loko Ri ku, "yima, leswi swi enerile," swingaleswi yima. Sweswo hi swona. Kwalaho hi laha hi nga tiseketela hi kona, ehenhleni ka Lero, Rito, kungari leswi swi vulaka hi ntlawu wu n'wana wa vavanuna, kumbe ntlawu wu n'wana wa vavanuna

lowu wu nge. Yesu u teri, "Masingita lawa ya ta endliwa hi lava va pfumelaka." A hi fambeni. "Fambani emisaveni hinkwayo, mi ya chumayela Evhangeli eka swivumbiwa hi nkwaswo."

²¹³ Maswitiva, tani hilaha dyondzo yi nga kahle hakona, kambe Yesu a nga kalanga a yi lava. Sweswo hi swona. Tani hilaha tikereke ti nga kahle hakona, miako, A nga kalanga a lava swona sweswo. Tani hilaha swibedlhele a swi ri kahle ha kona; hina, tikereke, hi aka swibedlhele. Sweswo swi kahle. Ha swi amukela sweswo. Kambe A nga kalanga a swi lava sweswo.

²¹⁴ U teri eka Kereke, "Chumayela Evhangeli." Kutani Evhangeli a yi ti hi Rito ntsena, kambe hi matimba ni hi ku twarisa Rito. Paul u vule tano. Swi nga leswi fambani, mi twarisa Evhangeli, oho, mina, loko swi ri hi ndlela ya leyo.

²¹⁵ Oho, hi hina lava, namuntlha, hi hanya enkarhini lowu hi nga na vadokodela vo antswa kutlula lava hi nga tshama hi va na vona. Hi ni swi dzidziharisi swo antswa ku tlula leswi hi nga tshama hi swi tirhisa. Ma swi tiva sweswo. Nakona ha va nhlonipha vavanuna lava. Hava khongeleta. Ndza swi endla, kutani ndza tshembha ma swi endla na n'wina. Vavanuna lava, lava va nga ni ku twisisa ka vutitwi bya... Va ni switwi swimbirhi ku tirha ha swona, kwalaho i ku vona ni ku khumbha, kutani va...va yingisela. Va tirha hi mpfumawulo wa mbilu, kumbe ku—ku twa ka ku mpfimba, kumbe swin'wana, kumbe ku vona ka swin'wana leswi va nga swi vonaka, ku hangalaka ka mavabyi, kumbe—kumbe swin'wana exikandzeni, leswi swi funengetaka xikandza kumbe, kun'wana, emirini. Va, va tirha ehenhleni ka swilo leswi. Wa vona? Hikuva sweswo swi...Kutani va ringeta ku teka mi mirhi, hi vunyingi lebyi byi nga swi dlayaka, kutani wu nga ku dlayi, ni—ni kuya emahlweni. A ve nge...Lero i bindzu ra vona, leri va tirhaka hi rona. Kutani ha swi amukela sweswo. Sweswo swi kahle ngopfu. Kambe, hi na madokodela ya kahle, mirhi ya kahle, swibedlhele swa kahle, ni mavabyi yo tala kutlula lawa hi nga tshama hi va na wona.

²¹⁶ Hi na kuka hi nga pfumeli kutlula loku hi tshama hi va na kona. Ina, nkulukumba. Hakunene. Vafundhisi va ti kondletela vona hi voxé, kutani va va ni tikereke leti kulu ta mavito, kutani va nghenisa swin'wana ni swin'wana eka tona, ni kuya emahlweni, kutani ntsena xin'wana ni xin'wana, va xi endla xirho xa kereke. Kutani va yile eka yin'wani ya tiseminarí, tani hi huku leyi fukamelaka, kutani yi ma tlhotlhorha hi grayindara leyi yi swi humesela ehandle tani hi sweswo, kutani nkarhi wu n'wana a swa ha tivi nchumu hi Xikwembu kutlula Hotentontsi ri swi endleleke mu-Egipta ni madyambu. A va nghenisa hi ndlela ya leyo, kutani kwalaho mi nga kona. Wa vona?

²¹⁷ Oho, leswi hi swilavaka etikerekeni ta hina i wanuna loyi a nga ni ku hetiseka. Leswi hi swi lavaka ekerekeni ya Methodist, kereke ya Baptist, kereke ya Pentekostal, kereke ya Presbyterian, i ku hetiseka, wanuna wa Xikwembu loyi a nga ta yima a tiboha eRitweni nile ka Kreste, niku tisa nhlengeletano ya leyo ehansi ka xiyimo xexo laha xirho xi n'wana ni xin'wana xi nga ta famba eka xiyimo xa Rito leri, xi vona Rito lero loko ri kombisiwa, ku va landzelela. “Masingita lawa ya ta endliliwa hi lava va pfumelaka, emisaveni hinkwayo.”

Va ku, “Sweswo swi endliliwe khale hi vona.”

²¹⁸ Yesu u teri, “Fambani emisaveni hinkwayo, mi ya chumayela Evhangeli eka swivumbiwa hinkwaswo.” A hi se yi fikelela misava hinkwayo sweswi, kutani i tindlela to leha kufikelela xivumbiwa xin'wana ni xin'wana. Ti lehise ku yini xana? “Misava hinkwayo.” Kuya eka mani xana? “Eka xivumbiwa xin'wana ni xin'wana.” Ku ta humelela yini xana? “Masingita lawa ya ta landzela lava va pfumelaka. Hi Vito ra mina va ta hlongola madimona. Va ta vulavula hi tindzimi leti ntshwa. Hambi va nga khoma tinyoka, kumbe vanwa leswi dlayaka, swi ngaka swi nga va endli nchumu. Loko va tlhandleka mavoko eka lava va vabyaka, va ta hola.” Kwalaho i ku hetiseka loku ku nga khomelela kwallahaya, Rito, Nyeleti ya leyo ya n'walungu, khompasi ya leyo yi tshama yi lulamile na Rona. Sweswo hi leswi hi swi lavaka.

²¹⁹ Kambe hi humile hi ya aka miako, hi kondletela vanhu, hi nghenisa swirho, ni ku ba huwa ni va Baptists hikuva a va pfumeli hi ndlela leyi hi edlisaka xiswona, na vona va Methodist hikuva a va swi endlangi, hi ndlela *leyi*. Kutani—kutani hi tlhotlhorile tiseminari letikulu, kutani hi aka ni tikereke letikulu, ni switulu swa kahle swo saseka, ni ogene leyikulu, ni swin'wana, ni vanhu vo ambala ku antswa, kutani hi va ni meyara ni munhu un'wana ni un'wana ekerekeni. Kutani hi na yini xana? Ntlawa lowu wu nga fa, lowu wu ti boheke eka ku hetiseka ka xidinominexini. Rifu! Oho, ekule na swona!

²²⁰ Loko ndzi nga fa endleleni ya mina, ku hetiseka ka mina i Yesu Kreste, ndzi pfumela ehenhla ka sweswo, loko un'wana ni un'wana a huma. Un'wana a ku, Dok. Davis u teri eka mina, “Billy, u chumayela swilo swo fana ni sweswo, u ta swi chumayela eka tiphuphu ta kereke.”

²²¹ Ndzi ku, “Ndzi ta chumayela Rito ra Xikwembu eka tiphuphu, manuku, hikuva Xikwembu xa swi kota hi tiphuphu leti ku pfuxa vana va ya eka Abraham.” Hi swona. Rito ra Xikwembu ri ntiyiso.

Aku, “U ehleketa leswaku va ta ku pfumela xana?”

²²² Ndzi ku, “A hi wa...Walowo a hi ntirho wa mina. Wa mina ntirho iku tshama eRitweni lero.” Sweswo hi swona.

²²³ Aku, “U ehleketa leswaku u nga hlangana ni misava leyi dyondzekeke tani hi leyi, ni ntivo-vukwembu bya—bya ku Hanyisa ka Matimba?”

²²⁴ Ndzi ku, “A hi ku horisa ka mina ka Ximoya. I xitshebbiso xa Yena. Hi Yena loyi a leriseke.” Oho!

²²⁵ Kutani ndza ehleketa loko A kukula lahaya ehansi hi Rivoni lero lerikulu, a yimile ehansi etlhelweni ra nambu, 1933, hi Khotavuxika, loko A teri, “Tani hi—tani hi Yohana Mukhuvuri a rhumiweke ku ta kurbela ndlela ya kuta ka Kreste ro sungula; Ndza ku rhuma ni Hungu eka misava, ku ya khurhela ndlela ya ku Vuya ra vumbirhi ka Kreste.” Kutani ku rhendzeleka hi misava hinkwayo Ri yile, loko mpfxevelo wa ndzilo wu akiwile ku ringana malembe ya khume ntlhanu ekusuhi ni ntshava yin’wana ni yin’wana. Ku horisa ka Ximoya ku rhendzeleka hi matiko, ni matimba, niku tlherisela.

²²⁶ Kutani sweswi ndza pfumela leswaku Ri tiyimiserile ku ba ro heteleta kwaloko kale malembalembeni ekusuhi, ku tisa Ripfumelo leri ri nga ta Vutla Kereke kuya eVukwetsimeleni. Nakona Ri tshamile eHungwini. Hakunene hile nkahrini wale makumu. Hi vulavurile hi swona, ni swin’wana, kambe nchumu wu sukile wu ta ehenhleni ka hina sweswi. Aha. Ina, nkulukumba. Hi loyi un’wana. Sweswo hi swona.

²²⁷ Ri—ri—ri rivoni ro tshwuka, tani hi laha ndzi vuleke, ri tshamisekisa mhaka. Sweswo hi swona hinkwaswo. Rivoni ro tshwuka ri ku byela leswaku i mani a fanelaka ku famba. Swi nga ri na mhaka leswaku un’wana u ri yini, hi leswi rivoni ro tshwuka ri swi vulaka. U nga hava ni ku tlimbana ka mimovha loko u nga—loko u ngavi na mhaka ni rivoni ro tshwuka. Ku fanele kuva ni ku hetiseka. Ina nkulukumba.

²²⁸ Ntsena tani hi Kereke, yi fanele yiva ni ku hetiseka. Eka vanhu lava va nga eKerekeni, mi fanele mi va ni ku hetiseka ka n’wina.

²²⁹ Kambe, namuntlha, kereke yin’wana ni yi n’wana yi ni ku hetiseka ka yona. Wa vona? Kutani u nga ringeti ku teka, “Hina va-Baptists hi pfumela *leswi*. Hina va-Methodists hi pfumela *leswi*. Hina va-Presbyterian hi pfumela *leswi*. Hina va-Pentekostal hi pfumela *leswi*.” Sweswo swi lulamile, kambe hikokwalaho ka yini mi nga ri teki hinkwaro ka Rona? Xana ku humelela yini hinkwaro ka Rona?

²³⁰ “Hina va-Baptists hi pfumela eka ku peta.” Sweswo swi kahle. Mi ri yini hi nkhuvulo wa Moya wo Kwetsima, sweswi? Mi ri yini hi ku vulavula hi tindzimi? Mi ri yini hi tinyiko ta ku horisa? Mi ri yini hi ku profeta? “Oho, ee. Hi hava. Sweswo, sweswo a swi ri swa nguva yi n’wana.” Oho, mufana!

²³¹ Va-Pentekostal, mi ri, “Kunene, hi pfumela eka ku vulavula hi tindzimi, leswaku hi byona vumbhoni.” Hakunene, ku vulavula hi tindzimi swi kahle, kambe sweswo hambi swiritano a hi vumbhoni. Vanhu vo tala va vulavula hi tindzimi, walowo i ntiyiso, kutani swile kule tani hi laha va nga tshama va ya. Javulosi a nga encenyeta nyiko yin’wana ni yin’wana leyи yi nga kona, nyiko yin’wana ni yin’wana leyи yi nga eBibeleni.

²³² Paul u teri, “Hambi ndzi nga vulavula tindzimi ta vanhu ni ta Tintsumi, hambi ndzi nga nyikela miri wa mina leswaku wu hisiwa tani hi gandzelo, hambi ndzi nga xavisa nhundzu ya mina ku phamela swisiwana, hambi ndzi ngava ni ripfumelo ku susa tintshava, hambi ndzi nga ya eka seminari ndzi ya dyondza vutivi hinkwabyo lahaya lebyi byi nga dyondziwaka, hambi swi ri tano a ndzi nchumu.”

²³³ I Munhu wa Kreste. Kreste, ku N’wi a mukela, kutani a wu nga N’wi amukeli loko u nga sungulanga hi ku amukela Rito ra Yena. Rito ri fanele ku ta ku sungula, kutani Vutomi byi ta eka Rito lero kutani byi kombisa Rito lero.

²³⁴ Xana a nga kalanga a vula Yesu a ku, “Loko Ndzi nga endli mintirho ya Tatana wa Mina, kutani mi nga Ndzi pfumeli”? A kuri Rito ra Xikwembu leri ri kombisiweke. Xikwembu a xi ri eka Kreste, xi ri ekurivaleleni, xi ti hlamusela xona hi Xoxe eka misava, leswi Xi nga xiswona. Leswaku sweswo akuri—sweswo akuri ku hetiseka. Kwalaho a kuri ku hetiseka loku ku nga Heriki lahaya.

²³⁵ Sweswi mi ri, “Xana sweswo hi kona loku ku nga Heriki, Makwerhu Brantham?” Leswi a swi ri xiswona. “Kutani namunthla kona ke?”

²³⁶ Yesu u teri, “Loyi a pfumelaka eka Mina, mintirho leyи Ndzi yi endlaka u ta yi endla na yena.” Ka hari ku hetiseka ku n’we. Swi lulamile.

²³⁷ Un’wana ni un’wana u na ku hetiseka loku ku nga ka yena. Oho, mina! Swi fana ni leswi a swi ri kona emasikwini ya vaavanyisi, “Munhu un’wana ni un’wana a endla leswi a vonaku leswaku swi kahle hi ku vona ka yena.” Emasikwini ya vaavanyisi, munhu un’wana ni un’wana ari ni ka yena—ku hetiseka loku ku nga ka yena. A endla leswi a swi lava. Kutani yaleyo hi yona ndlela leyи yi nga xiswona sweswi. “Munhu un’wana ni un’wana a endla leswinene ku ya hi mavonele ya yena.” Sweswi, ma xi tiva xivangelo xa kuva va swi endlile eka Vaavanyisi xana? Leswi swi nga ha hlamarisa nyana swi ntsongo. Kambe xivangelo xa kuva va swi endlile eka Vaavanyisi, hikuva a va ri hava muprofeta emasikwini ya vona, laha Rito ra Hosi ri taka ha yena. Swingaleswi munhu un’wana ni un’wana a nga ha endla leswi a swi lavaka, hi ku vona ka yena.

²³⁸ Kutani sweswo hi leswi swi humevelaka namuntlha. Hi hava muprefeta emasikwini lawa ya tikereke ta mavito, kambe Xikwembu xi hi tshembhisile un'we. Wa vona? Wa vona? Kutani Xi swi endlile. Emasikwini yo hetelela, Xi ta pfuxa Eliya a vuya nakambe eka xivono, "Kutani u ta tlherisela timbilu ta vana ti tlhelela eka Ripfumelo ra va tatana," ku tlhelela eka pentekosta ya ntiyiso. Maswitiva leswaku Xi swi virule sweswo.

²³⁹ Sweswi, ndza swi tiva leswaku mi ta fananisa, tani hi laha Xi swi endleke Yohana lahaya, eka—eka Matewu papila ra vu11, na vhese ya vu6, ndza pfumela leswaku hi yona, loko va teri, "Xana mi ehleketa leswaku wanuna loyi i mani, Yohana loyi?"

²⁴⁰ A ku, "Loko mi nga swi amukela, loyi hi yena ku vulavuriweke ha yena, 'Vonani, Ndzi ta rhumela murhumiwa wa Mina emahlweni ka Mina.'" Yaleylo i Malakiya 3, ku nga ri Malakiya 4.

²⁴¹ Kambe, tsundzukani, loko yaleylo kuri Malakiya 4, kutani Rito ri tsandzekile, hikuva U teri, "Kambe hi nkarhi lowu, misava hinkwayo yi nga ta hisiwa, kutani lavo lulama va ta famba ehenhla ka nkuma wa lavo biha." Ee. U nga swi hlanganisi, makwerhu. Ri endlri vula leswi Ri vulaka swona. Sweswo hi swona. Xi swi tshembhisile emasikwini ya makumu, kutani swi tava exikarhi.

²⁴² Tsundzukani, loko vaavanyisi, munhu un'wana ni un'wana a endla hilaha a lavaka ha kona. A ku ri hava munhu, a ku ri hava munhu loyi a nga endlaka Rito lero leswaku ri hanya. A ku nga ri na muprefeta. Rito ra Hosi minkarhi hinkwayo ri ta hi muprefeta. Hi swona. Kutani wa vengiwa minkarhi hi nkwayo. Ntsena i xintlawana nyana lexi xi n'wi rhandzaka, wa vona. Kambe, ndzi vula leswaku, minkarhi hi nkwayo swi tano.

²⁴³ Xikwembu a xi ncinci xitshebbiso xa Xona, a Xi nge swikoti, Xi tlhela xi va Xikwembu. Loko Xikwembu xi vula swin'wani kumbe xi endla swin'wana, Xi fanele ku swi endla ni nkarhi lowu wu landzelaka. Loko ku tikeriwa kwaloko ku fika, loko Xi nga endlisi leswi ekusunguleni Xi nga endlisa xiswona, Xi endlile xihoxo ekusunguleni. Kutani i mani a nga hehlaka Xikwembu hi nandzu wa kuva xi hoxile xana? Xana mi va mani n'wina, lava mi nga vekaka xidyoho eka Xikwembu? Sweswo hi leswi Yesu a nga swivula aku, "Xana i mani eka n'wina loyi a nga Ndzi henhlaka hi xidyoho?"

²⁴⁴ Xana xidyoho i yini? "Ku ka u nga pfumeli. "Loyi a pfumeleke a nga avanyisiwi."

²⁴⁵ "Hi wihi eka n'wina loyi a nga Ndzi kombaka leswi ndzo ka Ndzi nga swi hetisanga leswi Mesiya a fanele ku swi endla xana?" Wa vona? Ku hava ni un'we a nga va ni rito. A ri

na rona. Mesiya a ri Muprofeta, nakona U kombisile leswaku a ri Yena. A va vangi na muprofeta ku ringana madzana ya malembe, ku sukela eka Malakiya, kutani lahawani A va eka xivono. A ri wa xihoxo eka vanhu, ni ribye ra xikhunguvanyisi eka tikereke ta vona.

²⁴⁶ Hikuva, U teri, “Vonani, Ndza vekela eZion, ribye ra yinyla, Ra nkoka, leri ringetiweke, oho, ribye ra xikhunguvanyisi.” Ina. “Kambe loyi a pfumelaka eka Yena a ngaka a nga khomiwi hi tingana.” Sweswo hi swona. Lahaya A ri kona. Kutani sweswo ntsena i ku hetiseka ka Matsalwa. Kambe lava va pfumelaka eka Yena va ni ku hetiseka.

²⁴⁷ Marita lontsongo, loko a vona Lazaro a huma esirheni, u swi tivile leswaku yaloye A ri mani. Ni loko Ri nga si endleka, ari ni ku hetiseka ka ku tiva. “Ndza pfumela leswaku Wena u N’wana wa Xikwembu, loyi a fanele ku ta emisaveni. Na sweswi, hambi leswi makwerhu a nga fa, ntsena vula rito. Xikwembu xi ta swi endla.” Amen. Ari ni ntiyiso hiku hetiseka. Sweswo hi swona. Loko A... Tava a vule sweswo, kutani a swi vula swi huma embilwini ya yena.

A ku, “Xana mi n’wi lahlile kwih?”

A ku, “Tana u ta vona.”

²⁴⁸ Kwalahaya U yimile kona, ni xivono. Hikuva, A ku, “A ndzi endli nchumu ku fikela loko Tatana a Ndzi kombeta ku sungula,” Mukwetsimi Yohana 5:19.

²⁴⁹ Va N’wi yisile ekule, ekule ni yindlu ya Lazaro. Va N’wi vitanile leswaku a ta, a ta khongela. A swi tiva leswaku Lazaro u ya eku feni. Kutani endzhaku ka nkarhinyana, A ku, “Munghana wa hina, Lazaro, u etlele.”

Va ku, “Wa ha hanya.”

²⁵⁰ A ku, “U file. Kutani hikokwalaho ka n’wina, Ndzi tsakile hikuva a Ndzi nga ri kona.” A va ri eku N’wi kombeleni leswaku a n’wi khongelela.

²⁵¹ Hiloko a vuya, a ku, “Kambe Ndzi ya eku n’wi pfuxeni.” Oho, mina! (Ku nga ri, “Leswaku Ndzi taya Ndzi ya vona leswaku Ndzi nga endla yini.”) “Ndzi taya ndzi ya n’wi pfuxa.” Hikokwalaho ka yini? “Tatana khale a Ndzi kombile leswi ndzi fanelaka ku swiendla.”

²⁵² Va yile esirheni. Lahaya a ku yimile Wanuna. Lahaya a ku yimile Xikwembu xi ri enyameni, laha ku nga ha byeriwaka ribye ku, “n’oka,” kutani ri n’oka. Kambe U teri eka vona vavasati, vona vavasati lavantsongo va swisiwana, vavasati lavantsongo, a ku, “Susani ribye.”

²⁵³ Mina swin’wana leswi mi nga swiendlaka, na n’wina. Wa vona? Hiloko va vumbuluza ribye. Kutani a swi va hlambisa timbilu; a nuhwa ngopfu.

²⁵⁴ Kwalahaya, A yima lahaya. Oho, wa mina! Ndzi nga ha N'wi vona loko a tiyisisa fureme lero ra vutomi. Hikuva, Bibebe yi teri, "A kuna ku saseka loku hi nga N'wi tsakelaka ha kona." A nga languteli, ngopfu eka swona. Wa vona?

²⁵⁵ Ntsena tani hi Davhida, u hlawuriwile kuva hosi a ha ri xindzumulwana lexi ntsongo. Wa vona?

²⁵⁶ "Hinkwavo va nakulorhi lava kulu," va teri, "a nge languteki kahle ni xidlodlo enhlokweni ya yena! Teka jaha leri lerikulu," kuvula Jesse.

²⁵⁷ Samuel aku, "Xikwembu xi n'wi arile." Tisani vana va yena va xinuna hinkwavo. A ku, "Xana a wa ha ri ni un'wana xana?"

²⁵⁸ "Ina, hi na un'we, kambe a nge languteki tani hi hosi. Hikokwalaho ka yini, wa ha ri ndzumulo, xa swikatlani swo voyama, nakulorhi loyi a langutekaka a ha ri ni vuhangi."

"Fambani, mi ya n'wi teka."

²⁵⁹ Kutani tani hiloko a ta, a famba emahlweni ka muprefeta, Moya wu xikela eka yena. A tsutsuma ni mafurha ya lawa, a fika a ma chela enhlokweni ya yena, a ku, "Hi leyi hosi ya n'wina." Sweswo hi swona. Ina, nkulukumba.

²⁶⁰ Yesu u yimile kwalahaya, ni makatla yo voyama, kumbexani, a ncinka ava wa mpun'wa loko A nga se va ni malembe yo tlula makume nharhu hi vukhale. Bibebe yi ri, "Nkarhi wu n'wana A languteka tani hiloko ari na makume mune." Va-Yuda va teri, "U Wanuna loyi a nga riki ni kutlula—kutlula makume ntlhanu wa malembe hi vukhale, kutani u ri u 'vonile Abraham'?"

A ku, "Loko Abraham a nga si va kona, a NDZI RI kona." Wa mina! Oho, mina! Mukwetsimi Yohana 6.

²⁶¹ Swingaleswi, hi ta eku swikumisiseni, lahwani U yimile, ekusuhi na sirha. A switiva leswaku xivono xi fanele ku ba. A swi tiva leswaku swi tava tano. "Susani ribye!" U...

²⁶² A ri eku nuhweni, a tsondzeriwile hi swiambalo swale sirheni, a ku ri masiku ya mune a file. Nhompfu ya yena khale yi werile endzeni, eka nkarhi walowo wo tala.

²⁶³ Kwalahaya, U yimile kona, a ti olola miri nyana wa Yena. "Hi Mina ku pfuka, ni Vutomi." Hum! "Loyi a pfumelaka eka Mina, hambi afile, u ta hanya." Ndzi byeli munhu loyi a nga tshama avula swo fana ni sweswo. "Loyi a hanyakira niku hanya eka Mina a ngaka a nga fi. Ma swi pfumela leswi xana?"

²⁶⁴ Wansati aku, "Ina, Hosi." Hambi leswi A nga n'wi hlulekisa, nkarhi wu n'wana. Loko wansati a n'wi vitana, A nga yanga. U n'wi vitanile nakambe; A nga yi. Kambe lahwani u ri, "Ndza switiva leswaku Wena u Kreste loyi a nga ta emisaveni."

²⁶⁵ Aku, "Lazaro, humela ehandle." Kutani wanuna loyi a file mune wa masiku. Hikokwalaho ka yini? Yini? Kreste a ri ni ku hetiseka. U vonile xivono. Xi ngaka xi nga tsandzeki. Sweswo hi swona. Xi ngaka xi nga tsandzeki. A ri ku hetiseka hakunene.

²⁶⁶ Na Marita ari na ku hetiseka hakunene. Loko a nga N'wi kuma a tekela enhlokweni leswi a swi pfumelaka eka Yena leswaku swi tano, a ta kuma leswi a swi kombela. Hi swona. Lahaya a va ri kona. Ku hetiseka, ku ti bohile hi Rito, kutani sweswo a kuri swona.

²⁶⁷ Munhu un'wana ni un'wana namuntha wa swi endla, hi mavonele ya yena, leswi a ehleketa leswaku swi kahle, hikuva ku hava muprofeta. Langutani eminkarhini ya vaavanyisi.

²⁶⁸ Swi languteni emasikwini loko, ndza pfumela, a kuri Eliya kumbe Elixo, un'we. Ina. Leswaku, n'wana loyi a feke. Wansati wa Xunem, u endlile . . .

²⁶⁹ Eliya ari munhu wa Xikwembu wa siku, ku nga ri ntsena, mudyondzisi wa vunlhari. Hikokwalaho ka yini, ari mudyuhari loyi a famba na xona. Loko n'wina . . . A ta, loko a nga ta enyangweni wa n'wina namuntha, hakanyingi mi nga n'wi tsutsuma. Tiko hinkwaro ri n'wi vengile. Yezabele na hinkwavo ka vona va n'wi vengile.

²⁷⁰ Hikuva, wansati u tshamile eNdlwini yo Basa ni ku endla vavasati va endla leswi a swi endla, kutani hinkwavo ka vona a vari ni maendlelo yo fana ni ma yena. Kutani Ahab u hundzuluxile, nhloko ya yena yi hundzuluxiwile, hi matimba ya yena. A swi hi lahlekelanga ekule ngopfu namuntha. Ntsena swa fana, kutani kwalaho—kwalaho mi nga kona. Kutani hinkwako a va dumile. Kutani, oho, hinkwavo a va basulukile.

²⁷¹ Kambe mudyuhari ya loye, lontsongo wa Xunem! Ku nga ri wansati wa Xunem, kambe lontsongo . . . Ina. Ndza pfumela a ri wa Xunem. Loko a ta ta a ta vona leswaku matimba yalawa male ka Eliya, aku, "Ndza swi twisisa leswaku i munhu wo kwetsima." Kutani loko n'wana a ha pavalarile a file, aku, "Famba hi meyila ya leyo kutani u nga yimi." U yile ehenhla lahaya. Wansati a swi tiva. Kutani ndzi tsakela sweswo, hi ndlela leyi wansati a nga ta ha yona. A ri ni ku hetiseka ka yena, ka phuphu ra yena leri ri bohiweke.

²⁷² Eliya u teri, "Lahawani ku ta mu Xunem. Ari eku xanisekeni. Kambe a ndzi tivi xiphiqho." Wa vona? Xikwembu axi kombi malandza ya Xona hinkwaswo; ntsena Xi lava leswaku ma swi tiva. Swingaleswi aku, "Mbilu ya yena yile nhlomulweni, kambe a ndzi tivi." A ku, "Tsutsuma, lava, Gehazi, kutani u vona leswi nga hoxeka."

²⁷³ A ku, “Xana swi ku fambela kahle xana? Swi famba kahle eka nuna wa wena xana? Xana swifamba kahle eka n’wana wa wena xana?”

²⁷⁴ A n’wi languta. Oho, mina! Leswi hi swona. Wansati a ku, “Hinkwaswo swi kahle.” Hikokwalaho ka yini? U tile eka ku hetiseka ka vuyena. “Hinkwaswo swi kahle.”

²⁷⁵ Kutani a khinsama ehansi. A wa, xosungula, emilengeni ya yena. Kutani Gehazi a n’wi pfuxa, “Sweswo a swi kahle,” emahlweni ka n’wini wa—wa yena. A n’wi pfuxa. Kutani wansati a sungula ku n’wi hlamusela.

²⁷⁶ Sweswi, a nga kalanga a va ni ku hetiseka sweswi. A switiva leswaku u ni matimba, hi xivono, ku n’wi nyika n’wana. Kambe sweswi u endla yini xana? U tekile xongotelo ya yena a enhlela ekamareni, a fika a pfala minyangwa, a humesela un’wana ni un’wana ehandle. U yile ehenhla nale hansi ekamareni. A ri ni ku hetiseka, ntsena loko a nga tihlanganisa na Wona. Endzhaku nale mahlweni, ehenhla nale hansi ekamareni! Oho, wa mina! Hi ku kongoma u twile Xin’wana xi n’wi ba. A etlela ehenhla ka n’wana. A pfuka nakambe, a famba. Kinda ya—ya n’wana yi suka, a kufumela. A pfuxiwa, endzhaku nile mahlweni. A nga kalanga a kuma vuhanganisi bya kahle ni ku hetiseka “Xana akuri yini, Hosi? Xana a Wu teri ku endliwa yini?”

²⁷⁷ A swi kanakanisi, loko a tlherile, u vonile xivono, xijahetana xexo xi tsutsuma, xi huha, xi huha khadi, swin’wana, kumbe swin’wana swo fana ni sweswo, xi ri eku huheni. U ticukumeterile ehenhleni ka n’wana. A vekela nhompfu ya yena ehenhla ka nhompfu ya n’wana, ni milomu ya yena ehenhleni ka ya n’wana, kutani matimba ya Xikwembu ya pfuxile n’wana a hanya.

²⁷⁸ Xana akuri yini? Ku hetiseka ka wansati a kuri muprefeta. Ku hetiseka ka muprefeta a kuri Xikwembu. Xikan’we, ni Rito, “Hi Mina ku pfuka ni Vutomi.” Ndzi vona matimba ya Xikwembu. Muvumbi a nga endla hi nkwaswo. Wansati u pfuxile n’wana, nakambe. Hakunene.

²⁷⁹ Xivangelo ikuva munhu un’wana ni un’wana u endla hi ndlela ya yena, hikuva a va nga hari ni muprefeta wa Rito ra Hosi loyi a nga ta ta. Rito ni vaprefeta a swi kala hi siku lero.

²⁸⁰ Oho, ndzi swi vonile leswi eka nhlegetano ya mina, swa siku leri hi hanyaka eka rona. Ndzi tsakile loko Xikwembu xi ndzi hlayisile kereke yi nga se swi endla. Kumbexana a ndzi tava la nga tshembhekangiki. Ina, nkulukumba. Ndzi... Hinkwako ku hlengelatana loku ka lava va nga pfumeriki, ni thyaka, ni un’wana ni un’wana, “Kunene, tanani mi ta hi joyina. Kutani loko u nga swi lavi, kunene, u nga ha kuma papila u ya joyina va n’wana.” Oho! “Xana a mi swi lavi kutisa papila ra n’wina eka ku hlanganyela na hina xana?”

²⁸¹ Ndza pfumela ku ni papila rin'we ntsena, kwalaho hi laha Kreste a tsalaka vito ra n'wina eBukwini ya Xinyimpfana ya Vutomi. Hi yona yi ri yoxe ntsena yi nga kona.

²⁸² Loko ndzi vona tikereke hinkwato ta mavito! Xi tiya nhlana xa hina i Irish, laha ku nga Khatholiki ya ximfumo. Kutani ndzi swi vonile leswaku yi onhakile yi tlhela yi bola. Ndzi yile eka kereke yin'wana ya dinominexini lahawani edorobeni, va teri, "Oho, hi hina ndlela, Ntiyiso, ku Vonakala. Hi na rona hinkwaro ka Rona." Ndzi yile eka yin'wana eNew Albany, "Oho, wa mina! Vanhu va kona kwalahaya a va switivi leswi va vulavulaka hi swona." Va Khatholiki va ri, "Hi hinkwerhu mi hoxile."

Ndzi ehleketa, "Oho, wa mina!"

²⁸³ Ndzi tlangile ni xifanyetana xa Lutheran. Hiloko ndzi ehleketa... German Lutheran lontsongo. Ndzi yile emahlweni, kutani ndzi ku, "Xana u ya eka kereke yihi?"

"Ndzi ya eka kereke *yaleyo*."

²⁸⁴ Ndzi enhlela ehansi, kutani ndzi kumile leswaku va ri hi vona ndlela. Kutani ndzi rhelela ndzi ya eka Makwerhu Dale, eka Emmanuel Baptist, kutani, kumbe First Baptist. Va teri, "Hi *leyi* ndlela." Hiloko ndzi ya eka kereke ya Irish, va ku, "Kunene, ndlela hi *leyi*."

²⁸⁵ "Oho, mina! A ndzi hlangane nhloko. Ndzi nga tivi lexi ndzi nga xi endlaka. Kambe ndzi lava kuva kahle." Ndzi nga tivi lexi ndzi nga xi endlaka. Nakona a ndzi nga swi tivi leswaku ndzi fanele ku hundzuka njhani.

²⁸⁶ Ndzi tsarile papila. Ndzi ehleketa, "Ndzi N'wi vonile enhoveni." Ndzi N'wi tsalerile papila. Ndzi ku, "Eka Nkulukumba, ndza switiva leswaku U hundzile hi ndlela leyi lahawani, hikuva ndzi vekile nhlotu wa va maxinjani lahawani. Ndza switiva U tshunerile. Kutani ndza switiva U kwalahawani. Ndza Ku lava. Ndzi lava ku Ku byela swin'wana."

²⁸⁷ Ndzi ehleketa, "Sweswi yima nyana. A—a ndzi kalanga ndzi vona munhu. A ndzi kalanga. Ndzi lava ku vulavula eka Sweswo. Ndzi—ndzi lava ku vulavula na Yena. Ndzi lava ku vulavula na Yena." Ndzi ehleketa, "Kunene, sweswi, a ndzi tivi leswaku ndzi ta swi endlisa kuyini."

²⁸⁸ Ndzi yile endzhutini ndzi fika ndzi khizama ehansi, mati, kutsakama. Lexi ntsongo, ximovhana xa khale xi tshamile lahaya, xiphatekile. Ndzi ku, "Ndza pfumela ndzi vona xifaniso, ndza pfumela, va vekile mavoko ya vona tani xi *leswi*." Kutani ndzi khizama. Hiloko ndzi ku "Sweswi xana ndzi ta vula yini?" Ndzi ku, "Ku ni ndlela yin'wana u nga swi endlisaka xiswona leswi, kutani a ndzi yi tivi. Ndza switiva ku ni ndlela yo tshirelala hi xin'wana ni xin'wana. Kutani a ndzi yi tivi . . ." Ndzi ku, "Ndzi ta veka mavoko ya mina hi ndlela *leyi*."

²⁸⁹ Ndzi ku, “Eka Nkulukumba, ndzi navela leswaku U nga ta u ta vulavula na mina, xinkadyana. Ndzi lava ku Ku byela yubihi bya mina.” Ndzi khomile mavoko ya mina hi ndlela *leyi*. Ndzi yingisela.

²⁹⁰ Vanhu va ku, “Xikwembu xi vulavurile na mina.” Nakona ndza swi tiva leswaku Xi vulavurile, hikuva ndzi Ri twile loko ndza ha ri n’wana, ri ndzi byela leswaku “ndzi nga nwi” ni swin’wana.

²⁹¹ A nga kalanga A ndzi hlamula. Ndzi ku, “Kumbexana ndzi fanele ndzi veka mavoko ya mina hi ndlela *leyi*.”

²⁹² Hiloko ndzi ku, “Eka Nkulukumba, a ndzi swi tivi ntsena leswi ndzi faneleke ku swi endlisa xiswona, kambe ndza—ndza tshembha leswaku U ta... Xana U nga ndzi pfuna?”

²⁹³ Kutani muchumayeri un’wana ni un’wana a nga ndzi byela leswaku, ndzi va joyina, ni ku yima vaku va tekile Yesu Kreste, ni kuva “va pfumela leswaku Yesu i N’wana wa Xikwembu.” Javulosi na yena u pfumela sweswo.

Swingaleswi ndzi eheketa, “Ndzi—ndzi fanele ku va ni swin’wana swo antswa ku tlula sweswo.” Ee.

A ndzi tshamise xi *leswi*.

²⁹⁴ Ndzi hlayile hi laha Petro na Yohana va nga hundza hile nyangweni leyi vuriwaka ku Saseka, kutani kwalahaya a kuri ni wanuna loyi a nga tswariwa a ri xilema, kusuka ekhwirini ra mana wa yena. Aku, “Silivhere na nsuku ndzi hava, kambe lexi ndzi nga na xona...” Oho, ndza swi tiva leswaku a ndzi na swona sweswo.

²⁹⁵ Swingaleswi a ndzi ri eku ringetenka—ka ku kumisisa leswaku ndzi nga swiendlisa ku yini. A ndzi swi tivi ku khongela. Ndzi endlile mavoko ya mina, kutani ndzi khizamisa xi *leswi*.

²⁹⁶ Kutani, hakunene, hiloko Sathani ata eka mbono, aku, “Waswivona, u rindzerile nkarhi wo leha. Nakona u na mukume mbirhi wa malembe hi vukhale. A ka hari na xilaveko xo swi ringeta sweswi. Ina.”

²⁹⁷ Manuku ndzi sungurile ku tshoveleleka, ndzi sungula ku rila. Kutani nakona, loko ndzi tava ndzi tshovelelekile hakunene, ndzi teri, “Ndzi ya eku vulavulen. Loko U nga vulavuli na mina, mina ndzi ta vulavula na Wena, hi ndlela yin’wana.” Swingaleswi ndzi—ndzi ku, “A ndzi lonene. Ndzi ni tingana hi vumina. Nkul. Xikwembu, ndza swi tiva U ta ndzi twa, kun’wanyana. U ta ndzi twa. Nakona ndzi na tingana hi vumina. Ndzi ni tingana hikokwalaho ka kuva ndzi Ku fularherile.”

²⁹⁸ Hi nkarhi wa lowo, ndzi langutile ehenhla, kutani matwele man’wana lawa ya nga nyawuriki ya ndzi kukula. Kwalaho

ku ta Rivoni, ri famba-famba ekamareni, kutani ri endla xihambaro, tani hi *sweswo*. Kutani Rito, leri ndzi nga se tshamaka ndzi ri twa evuton'wini bya mina, ri vulavula. Ndzi Ri languta. Ntsena ku titimela, hinkwako, gwitsi ro chava. Ndzi nga swi koti ku famba. Ndzi yima, ndzi Ri languta. Kutani Ri famba.

²⁹⁹ Ndzi ku, "Nkulukumba, a—a ndzi ri twisisi ririmia ra Wena." Ndzi ku, "Loko U nga vulavuli ra mina, kutani a ndzi—kutani a ndzi ri twisisi ra Wena, kutani loko U nga ndzi rivalela...ndza swi tiva leswaku a ndzi fanele ndzi ringanisiwile kwalahaya exihambanweni xexo, kun'wana, laha swidyoho swa mina a swi fanele swi ri kwalahaya. Kutani—kutani loko U nga ndzi rivalela, ntsena vuya u ta vulavula hi ririmia leri ri nga ra Wena. Kutani ndzi ta ri amukerisa xi sweswo, loko U nga vulavuli hi ririmia ra mina." Ndzi ku, "Ntsena Ri pfumeleli ri vuya, nakambe."

³⁰⁰ Lahaya Ri kona, nakambe. Oho, musa wanga! Kwalaho ndzi vile ni ku hetiseka. Amen. Ina, nkulukumba. Ri twakala tani hi—hi lodi ya makume mune wa ti thono yi tlakulaka makatla ya mina. Ndzi fambile kwalahaya ehansi, laha a ndzi nga swikoti hambi kuri ku khumbha ehansi.

Manana u teri, "Billy, u na rhumbyana."

Ndzi ku, "Ee, mhani, a ndzi tivi leswaku ku humelela yini."

³⁰¹ A ku ri ni xiporo endzhaku lahaya. Ndzi tsutsumerile exporweni xexo, ndzi tlulela ehenhla emoyeni, ntsena hi ku tika tani hi laha ndzi nga kota ha kona. Ndzi nga swi tivi leswaku ndzi nga byi humesa njhani vutitwi bya mina. Oho, loko a ndzi swi tivile leswaku ndzi nga huwelerisa ku yini! A ndzi ri eku huweleleni, kambe hi ndlela ya mina, maswivona.

³⁰² Xana a kuri yini? Ndzi nghenisile moywa mina eka ku wisa kale tilweni. Sweswo swa swi tshamisisa. Kwaloho a kuri ku hetiseka ka mina. Kwalahaya ndzi kumile swin'wana, ku nga ri swin'wana leswi teneke, swa miehleketo yin'wana. Ndzi vulavurile na Wanuna. Ndzi vulavurile na Wanuna ya loye a ndzi byeleke leswaku "ndzi nga nwi, kumbe ku dzaha, kumbe ku endla swin'wana leswi swi nga ndzi nyamisaka" hi vavasati ni swin'wana. Leswaku, loko ndzi tava ndzi kurile, ku tava ni ntirho lowu ndzi nga ta wu tirha. Ndzi tihlanganisile na Yena; ku nga ri kereke. Ndzi tihlanganisile na Yena, Yena! Ina, nkulukumba. Hi Yena ari Un'we.

³⁰³ Tani hi nakulorhi ehansi lahwani eKiwanis kumbe... a ri eku vulavuleni, ku nga ri...endzhaku ka Nyimpi yo Sungula ya Misava. Makwerhu Funk, a yimile lahaya, ari socha. U teri ari... I muxaka nyana, wu ntsongo lowu wu twakalaka tani hi fenya. Lahawani a kuna ndhawu ya fenya, kambe lahwani u teri. A ri lahwani eNew Albany.

³⁰⁴ Kutani aku, "Mukapteni u hi humesile, aku, 'Tiko lero hinkwaro lahaya ri vekisile na Japs. Mundzuku, vafana, ha nghena. Hi fanele ku va teka.' Aku, 'Tsundzukani, vafana, kuna vunyingi bya hina hi yimeke lahwani, namuntlha, lava hi nga taka hi ngavi kona mundzuku. A ve ngevi kona lahwani mundzuku. Hi ta nghena, ni mixo, rixile.' Aku, 'Sweswi un'wana ni un'wana a tlheleli eka vukhongeri bya yena...." Munhu loyi a ku, "Kutani a ndzi na vukhongeri byi n'wana." Kutani a ku, "Ndzi ku...."

³⁰⁵ Aku, "Ndzi yimile lahaya. Ni hinkwavo ka vona...." Aku, "Lahawani ku ta mufundhisi, a famba hi ndlela *leyi*; ni mu-Protestati a famba hi ndlela *leyi*; ni mu-Yuda a famba hi ndlela *leyi*; ni mu-Khatholiki a famba hi ndlela *leyi*; ni mufundhisi wa vona." Aku, "Ndzi yimile kwalahaya."

³⁰⁶ Kutani aku, "Mu—mu lerisi wa nawu u teri eka mina, aku, 'Mufana, swa antswa u tlhelela eka vukhongeri lebyi byi nga bya wena.'"

Aku, "A nga na byin'wana."

³⁰⁷ Aku, "Swa antswa u kuma byi n'wana, hikuva u ta byi lava kuya emahlweni. Ndzi tiysisile."

³⁰⁸ Kutani aku, hi nkahi wa lowo u vonile ntawa lowu a wuta hile kusuhi, nakona a kuri Khatholiki. A ku u tshunelerile a ya ku eka muprista loyi, "Xana u nga ndzi nyika vukhongeri byi n'wana xana?"

Kutani aku, "Tana haleno."

³⁰⁹ Aku, "U nghanile kutani a ya endla Khatholiki *leyi* humaka eka mina." Kutani lahaya eNew Albany, a kuri ni John Howard ni ntawa wa vona hakunene wa vukosi bya Khatholiki wu tshamile kwalahaya, maswitiva, loko munhu loyi a hlamusela leswi.

³¹⁰ Hiloko a ku—a ku, "Hi siku leri tlhandlamaka enyimpini...." A vulavula hi swona, oho, leswi a swi ri xiswona. Kutani a ku hi yena nakulorhi lonkulu, maswitiva. Kutani aku, "A vari ni voko hi voko, kutani ntsena a vari eku tlhavaneni hi mikwana, ni ku ba nkalanga, ni ku tsemana, ni ku xijana." Vaku, "Mintila ya vona yi hundzulukile. Va rhendzeleka, laha Japs wa vona a va pfumelelaka ku famba kuya eka wona, tani hi sweswo. Ni va machinigani ya vona ya khale *leyi* yi vombaka, yi ri eka tlhelo leri n'wana. Nyimpi ya voko hi voko!"

³¹¹ Aku, "Hi ku kongoma, ndzi yimile, ko leha, tani hi *leswi*." Kutani a ku, "Hinkwaswo, mikhosni kuya emahlweni, a wu nga ta titwa wena hi wexe." Aku, "Ku ni ngati." Aku, "Ndzi langutile, kutani a kuri ngati ya mina." Aku, "Ndzi langutile

lahawani. Ku ni mbanga etsheveni ra mina.” Aku, “Yaleyo i ngati ya mina.” Kutani aku, “Ndzi, maswitiva, ndzi—ndzi—ndzi... Kutani hi ntiyiso...”

Kutani munghana wa Khatholiki, a ndzi vula leswi hi—hi ku vungunya sweswi.

“Kambe vukosi bya ntiyiso bya Khatholiki byi te—byi te, ‘U kale u ku ‘Xewani Maria?’”

³¹² Aku, “Ee, nkulukumba.” Aku, “Yaleyo i ngati ya mina. A ndzi kali ndzi lava vamatsalani va n’wana.” Ndzi ku, “Ndzi lava ku vulavula ni Wanuna lonkulu. Ina, nkulukumba. Yaleyo a yi—yaleyo a yi ri ngati ya mina.”

³¹³ Ndzi ehleketa leswaku sweswo swi hi ndlela leyi swi nga xiswona. Ina, nkulukumba. Hi yona ndlela leyi swi fambisaka xi swona. Hi fanele hi va ni phuphu leri bohiweke, ku hetiseka.

“A ndzi na nkarhi wa matsalani wa Yena.” U teri, “Ndzi lava ku vulavula na Yena.”

³¹⁴ Kutani sweswo hi swona, makwerhu. Loko munhu a ta eka Kreste, a wu fanelanga ku teka rito ra muchumayeri un’wana, rito ri n’wana ra matsalani, ni swin’wanyana. N’wina va Protestati, mi nga swi teki *leswi*, *sweswo*, kumbe *swin’wana*. Fambani eka ku hetiseka kwaloko, ku fikela laha mi nghenaka kwalahaya hi ku Tswariwa loku ntshwa, ku tswariwa ra vumbirhi kutani mi tatiwa hi Moya wo Kwetsima, kutani mi vona Bibele kuva yi kombetiwile eka vumhunhu ni rirhandzu kuya hi vutomi bya n’wina. Oho, swingaleswi, hi kona ku hetiseka ka n’wina kwaloko. Ina, nkulukumba.

³¹⁵ Ndzi hlaya eRitweni tani hi laha Yena a nga Rito. Loko, kereke yale German yi teri swi hi ndlela *leyi*; kutani va-Methodist, ni va-Baptist, ni va-Khatholiki. Kambe ndzi hlaya eRitweni laha Yena a nge, “Ehenhleni ka ribye leri Ndzi ta aka Kereke ya Mina, tinyangwa ta xivandla xa vafi ti ngaka ti nga yi hluli ku lwisana na Yona.”

Yingisani sweswi, hi kupfala. Sweswi va-Protestati va ri...

³¹⁶ Sweswi, Khatholiki yi ri, “U yi akile ehenhleni ka Petro, ‘Wena Petro, ehenhleni ka ribye leri...’” Ee, A nga kalanga. Loko a swi ri tano, swi tlhelela endzhaku. Va yi akile ehenhleni ka munhu.

³¹⁷ Xana U endlile yini? Va-Protestati va ri, “U yi akile ehenhleni ka Yena n’winyi.” Ee. A nga endlanga tano. A nga Yi akanga ehenhleni ka Yena n’winyi.

³¹⁸ Xana U endlile yini? Yini? “Xana vanhu va ri Ndzi, N’wana mani, mina?”

“Kutani va n’wana va ri, ‘U Eliya,’ kumbe ‘Muxe.’”

Aku, “Kambe n’wina mi ri yini?”

Petro aku, “U Kreste, N’wana wa Xikwembu lexi hanyaka.”

³¹⁹ Langutisani marito sweswi. “Ku katekile wena, Simon, n’wana wa Jonasi. Nyama ni ngati a swi hlavutelanga leswi eka wena. A wu swi dyondzisiwanga hi muprista un’wana. A wu swi dyondzangi eka seminari yi n’wana. Kambe Tatana wa Mina la nga Tilweni u Swi hlavuterile eka wena. Kutani ehenhleni ka ribye leri,” nhlavutelo wa ximoya wa Rito, “Ndzi ta aka Kereke ya Mina, kutani xivandla xa vafi a xi nge yi hluli ku lwisana na Yona.”

Ndzi ehleketa, “Hosi, sweswo hi swona.”

³²⁰ Ndzi hlayile lahawani eka Buku ya Hlavutelo, ra vu21 papi-... papila ra vu22, laha A nge, “Loyi a nga ta...” Lowu i Nchumu lowu hetisekeke. “Loyi a nga ta engetela swin’wana eka Rona; kumbe loyi a nga ta susa swin’wana eka Rona, Ri tsan’wisi xi sweswo; kumbe loyi a nga ta Ri antswisanyana, ku Ri pholicha nyana esikwini. Loyi a nga ta engetela kumbe ku hunguta, leswi swi fanaka swi ta susiwa, ku averiwa ka yena, ku suka eBukwini ya Vutomi.”

³²¹ Ndzi ku, “Kutani, sweswo hi swona hi nkwaswo leswi a ndzi swi lava, Hosi, i ku pfumela Leswi.” Kutani eka Leswi, xihambano xexo lahaya, Kreste u tile. Swi hetisekile, hi ndlela hinkwayo, Rito rin’wana ni rin’wana leri A nga tshama a ri vula. Ku teka Buku evokweni *leri*, matimu evokweni *leri*, kutani u ma seketela kuya ehansi, ntseña hi ku hetiseka. Kutani ndzi ku, “Swingaleswi, Hosi, ndzi amukeli.” Kutani loko ndzi tava ndzi endlile, ndzi amukerile Kreste, Moya wo Kwetsima embilwini ya mina, ku hetiseka ka mina. A ku nga hari mina.

³²² A ndzi vabya nkarhi wun’wana, loko ndzi...ndzi ta lahlekeriwa hi nsati wa mina. Ndzi lahlekeriwa hi n’wana wa mina. Oho, ndzi lahlekeriwa hi tatana, ndzi tlhela ndzi lahlekeriwa hi buti wa mina, kutani ndzi lahlekeriwa hi sesi wa mina loyi a ri sivara. Kutani Billy a pavalarile, a ri eku feni, kutani—kutani ntseña a ndzi fambile. A ndzi ri eku fambeni hi patu, ndzi ri karhi ndzi rila, ndzi ya esirheni ra nsati; kutani yena na n’wana, ni n’wana ari emavokweni ya yena. Va ya esirheni. A ndzi ri eku fambeni. Nkul. Isler a toloverile ku ta lahawani a ta tlanga, maswitiva, Holobye wa mfumo wa Indiana. A ta hi patu. U ndzi yimisile. A tsutsuma lahaya, a fika a ndzi vukarha. A kuri endzhaku ka ndhambhi ya ‘37. A ku, “Xana u ya kwihi, Billy? Ehenhla lahaya?”

Hiloko ndzi ku, “Yep.”

A ku, “Xana u ya endla yini ehenhla lahaya?”

³²³ Ndzi ku, “Ndzi yingisela tuva ra khale.” Ndzi ku, “Ndzi ya tshama lahaya esirheni ra n’wana na ra yena. Kutani tuva ra khale ri xikela ehansi kwalahaya, kutani a vulavula na mina.”

“Oho,” a ku, “Billy!”

³²⁴ Ndzi ku, “Ina. Kutani ndzi twa ku hlevetela ka matluka loko va mahuhisa. A ma ndzi endlela vuyimbeleri, Nkul. Isler.”

A ku, “Xana i vuyimbeleri muni lebyi ma byi endlaka?” a ku.

Kuni Tiko etlhelo ka nambu,
 Leri va ri vitanaka ku tsokombela hilaha ku
 nga heriki,
 Kutani ntsena hi fikelela xitsunga xexo hi ku
 pfumela ka xileriso;
 Ha un’we un’we hi ta kuma nyangwa,
 Kwalahaya ku tshama hilaha ku nga heriki.
 Loko siku rin’wana va ta hi chayela tinanga
 ta minsuku wena na mina.

³²⁵ A ku, “Billy, ndzi lava ku ku vutisa swin’wana.” A ku, “Xana Kreste swi vula yini eka wena sweswi? Xana Kreste swi vula yini eka wena sweswi?”

³²⁶ Ndzi ku, “Hi Yena Vutomi bya mina, hinkwaswo swa mina. U hinkwaswo leswi ndzi nga na swona, Nkul. Isler. Hi Yena Makumu ya—ya mina. Hi Yena hinkwaswo leswi ndzi nga swi khomelakala eka yena.” Hikokwalaho ka yini? Kufanele kuva ni swi n’wana leswi swi nga ta humelela, “Ehenhleni ka ribyeleri!”

³²⁷ A ku, “Ndzi ku vonile u yimile ekhoneni lahwani kutani u chumayela, kufikela laha u langutekaka u ngaku u nga wa u fa. Ndzi ku vonile, tiawara hinkwato ta ni vusiku, ehenhla nale hansi eswitarateni, u ri karhi u huwelela vavabyi. Kutani endzhaku ka loko A tava a tekile nsati wa wena, ni n’wana loyi a nga wa wena, xana wa ha N’wi tirhela xana?”

³²⁸ Ndzi ku, “Kutani ni loko A nga ndzi dlaya, hambi swi ri tano ndza N’wi tshembha.” Hikokwalaho ka yini? Ku nghena ka mina ku khomelerile endzeni ka xisirhelelo. Ndzi ni ku hetiseka. Ndzi ti bohile eRitweni ra Yena, kutani Rito ra Yena rile ku khomeleleni. Hi Yena ku hetiseka ka mina. Ndzi swi kumisisile, leswaku swilo hinkwaswo swi nga tsandzeka, kambe Krete a nga ka a nga tsandzeki.

³²⁹ Kereke ya Khatholiki yi na phope ku hetiseka ka yona. Va-Protestati va na va bishopo, ni tidyondzo ta vona ta vunwa, ni va angameri va vona.

³³⁰ Kambe, mina, tani hi Paul. Xana mi khomile tipenisele ta n’wina xana? Tsalani swin’wana. Kutani Paul u teri, eka Mintirho papila ra vu20 na vhere ya vu24, “Na xin’we xa leswi a xi kali xi ndzi ninginisa.” Oho, mi nga hava ni tidyondzo ta vunwa, mi nga hava ni leswi mi lavaka ku va naswona, kambe swilo swa vona a swi ni tsekatsekisi.

Ndzi nghanisile moyo wa mina etilweni ra ku wisa,

Ku tluta malwandle ya nhova, kutani a mi ku tivi laha mi nga kona, (hi ndlela *leyi*, ndlela *yaleyo*), a kuna yin'wana;

Xihuhuri xi nga ha kukula nhova, xidzedze lexi enteke,

Hinkwaswo swi nga ha wa.

Kambe eka Yesu ndzi hlayisekile hilaha ku nga heriki.

³³¹ Ina. Na xin'we xa swilo leswi xi ngaka xi nga ndzi tsekatskisisi, hikokwalaho ndzi tibohile eka ku nghena. "Oho, hi mpfhuka ndzi hlangana na Yena," Paul u teri, "eka ndlela yaleyo, ndzi tibohile eka xiboho. U ndzi hundzuluxile. U ndzi sungurisile kahle endzhaku." Tsundzukani, Paul a ri wa nhlangano na yena, lowukulu etikweni, kambe u tibohile eka ku hetiseka.

³³² Yingisani. Ndzi lava ku mi byela swin'wana. U ni xikongomelo xa ku ndzi ponisa. U ni xikongomelo xa ku mi ponisa. Kutani ndzi tibohile, hi ku rhandza ka Yena, ku swi endla; ku nga ri ku engetela eka Rona, kumbe ku susa eka Rona. Nhlavutelo 22:19, loko u lava ku swi tsala sweswo ehansi. Swi lulamile. "Loyi a susaka..." Ndzi ti bohile. Ndzi lunghisela ku siya kereke, kutani maswitiva sweswo. Kutani ndzi tibohile leswaku ndzi fanele ku tshama ni Evhangeli leyi ntsena loko ndza ha hanya, hi ku pfuniwa hi Xikwembu. Huh! Tsundzukani, hi leti tintswalo. A kuri ni mamiliyonyi ya lava a va fela evudyoheni loko A ta ndzi ponisa. Xana ndzi ri mani mina A ndzi ponisaka? A ri ni xikongomelo, xa ku ndzi ponisa, kutani ndzi ti bohile ku rhwala xitshebbhiso xexo. A ndzi na mhaka. Ku nga hava kuri makumu ya mina, kumbe, leswinene sweswi nyana. Kambe, ku nga hava yini, ndza ha tibohile. A ndzi kalanga ndzi ncincea.

³³³ Nkul. Isler u teri eka mina siku rero, hi ri karhi hi famba hi patu, aku, "Billy, eka hinkwayo mikitsikitsi leyi, xana wa byi hlayisa vukhongeri bya wena xana?"

³³⁴ Ndzi ku, "Ee, nkulukumba. Byi hlayisa mina." Ina. Ina. Xiboho xa mina xa khomelela. Sweswo hi swona. A ndzi kalanga ndzi Byi hlayisa. Byona byi hlayisa mina. Ndzi ngaka ndzi nga Byi hlayisi. A ndzi na ndlela leyi ndzi nga swi endlisaka xiswona. Kambe Byi hlayisa mina. Ina, nkulukumba.

³³⁵ U ni xikongomelo xa ku ndzi ponisa. A kuri ni mamiliyonyi ya lava a vari evudyoheni loko ndzi ta eka Yena, kambe U ndzi ponisile. A ri ni xikongomelo xa ku swi endla.

³³⁶ Rifu ra Kreste a kuri ku hetiseka, eka ku ri chava. Rifu ra Kreste ri tshamisekisa xivutiso, loko nyoxi yaleyo ya rifu yi tava yi N'wi lumile yi nghenisa ndzhombho walowo. Maswitiva, nyoxi, xitswotswana lexi xi nga ni ndzhombho,

loko xi tshame xi nghenisa ndzhombho walowo, ku enta ko ringanelia, loko yi suka, yi siya ndzhombho. Rifu minkarhi hinkwayo ri ni ndzhombho. Rifu minkarhi hinkwayo ri ni ndzhombho.

³³⁷ Kutani siku rin'wana loko, yaleyo yi ya eXihambanweni, ni kuwa ka maribye ya vona, Ngati yi tlhambukela ehenhleni ka maribye, loko yi ba thyaka eXihambanweni, ku ya eGolgota. Nhlana wa xihambano xexo, a wu dedeleka eminkondzweni ya Ngati ya lontsongo ya leyo, wa ku famba ka miri lowu tsaneke, wu macha kun'we lahaya. Va ri eku n'wi beni niku N'wi tshwutela, tani hiloko A ha gonya xiganga, kambe A ri ni ku hetiseka. A tiva laha A yimeke kona, hikuva Rito ra Xikwembu ri vuriwile, hi Davhida, "Ndzi ngaka ndzi nga tshiki Loyer a kwetsimaka wa Mina ku vona ku onhaka, hambi kuri ku wu tshika Ndzi ngaka ndzi nga wu tshiki moyo wa Yena etiheleni."

³³⁸ A swi tiva leswaku ku onhaka ku vekiwile eka, eka makume nkombo-mbirhi wa tiawara. A ku, "Hlasela tempele ley, kutani Ndzi ta tlhela ndzi yi pfuxa hi masiku manharhu." A ri ni ku hetiseka.

³³⁹ Lahaya U le ku gonyeni, ka xiganga, ni marhi ya swisolo, lawa a ya tshwuteriwa hi masocha lawa ya pyopyiweke lawa a ya pfarile xikandza xa Yena hi gume, kutani va N'wi ba enhlokweni, va ku, "U muprofeta xana? Hi byeli leswaku i mani loyi a Ku beke." Lahaya a ri eku gonyeni, ka xiganga, a ri eka tingana ni nhlomulo. Ku va...A hluyuriwa swiambalo swa Yena, ku sandza ka tingana, a nembelela exihambanweni emahlweni ka vanhu, a nga ambalanga. A fa enhlomulweni wa Rhoma, ehansi ka mfumo, ku xupuriwa loko tika, Wanuna loyi oka a nga endlangi nchumu.

³⁴⁰ Xitori nyana lexi ntsono siku rin'wana, xi teri, Maria wa Magadala u tsutsumile a ya ku, "Xana U endlile yini? U horisile vavabyi va n'wina, a pfuxa vafi, ni ku tisa ntshunxeko eka lava a va ri, mahlonga. Xana U endlile yini?"

³⁴¹ Kutani muprista a ba wansati hi xihahati enon'weni, ku fikela laha ngati yi humaka, kutani aku, "Xana u yingisela yena kumbe muprista lonkulu xana?" Oho, misava ya leyo ya xidinominexini, i ndzhukano eka yona hinkwayo. Sweswo hi swona.

³⁴² Kwalahaya, ina, va fambile na Yena, kambe tani hiloko A ha gonya xiganga, a ri karhi a dedeleka.

³⁴³ Javulosi minkarhi hi nkwayo u swi kanakanile, leswi Yena a ri leswi A ri xiswona. A ku, "Loko U ri N'wana wa Xikwembu, hundzula maribye lawa ya va vuswa. U koxa leswaku U nga endla mahlori. Loko U ri N'wana wa Xikwembu, lerisa maribye lawa leswaku ya hundzuka ya va vuswa."

³⁴⁴ Javulosi ya luya wa khale wa ha hanya na namuntlha. Sweswo hi swona. "Loko u ri muhanysi wa Ximoya! Lahawani hi loyi John la dyuhaleke wa So-na-so a tshameke lahawani ekhoneni. Ndza swi tiva leswaku u lamarile. N'wi hanyisi." Xana a wu swi tivi leswaku kahari javulosi ya luya wa khale xana?

Yesu u teri, "Ntsena ndzi endla . . . "

³⁴⁵ Langutani, U yile evuhlambelweni bya Bethesda, laha magidi a ya pavalarile kwalahaya, swilema, mabofu, lavo lamala, ni ku khwanyana, kutani a ya eka munhu loyi a nga koti ku famba. A nga hava a famba swintsongo. A nga hava a karhatiwa hi ku hatla a karhala ngopfu. Leswi swi nga havaka xiswona, a byi ri byo nonoka. A ri na byona kuringana makume nharhu-nhungu wa malembe. A ku, "Loko ndzi tsutsumela evuhlambelweni, un'wana wa ndzi rhangela." A kota ku famba.

³⁴⁶ A va siya hinkwavo va pavalarile kwalahaya, a ya eka yaloye un'we kutani a n'wi hanyisa. Hikokwalaho ka yini? A ku A swi tiva leswaku ari eka xivumbeko xexo. Hiloko vaku eka Yena, va N'wi vutisia, loko A n'wi kumile. Mukwetsimi Yohana 5, U teri, "Ndzi tiyisile, ndzi tiyisile, Ndzi ri eka n'wina, N'wana a ngaka a nga endli nchumu hi Vuyena, kambe leswi A swi vonaka eka Tatana a swi endla." Kwalahaya hi laha ku nga ni ku hetiseka ka Yena. Sweswo ka ha ri ku hetiseka.

³⁴⁷ Ku yima lahaya eFinland siku lero, ni xifanyetana xexo xi etteleke kwalahaya, kutani ndzi n'wi tshunelerile, a ettele lahaya, a file, a file ku ringana hafu ya awara. Mi swi hlaya ebukwini. Ndzi sungurile ku famba ndzi hambana na swona, Swin'wana swi ndzi tlhandleka mavoko. Ndzi hundzuluka, ndzi ehleketa, "Xana i yini sweswo?" Ndzi langutile nakambe. Ndzi ehleketa, "Yima nyana."

³⁴⁸ Ndzi languta endzhaku lahawani eka tluka leri hahaka ra Bibele. "Kutani swi ta humelela, xifanyetana xa kwalamu ka nkaye wa malembe hi vukhale, u ta dlayiwa hi movha. Kutava ni ku vandla loko leha loku ku nga tshama kuva rihlaza, maribye ya lakatsa kwalahaya. Movha wu tava wu pavalarile ku tsemekanya patu, wu phatekile. U tava eka masokisi nyana swi ntsongo, tani, hile henhla; misisi yi byeuvuriwa hi ku vaviseka. Swimahlwana swa yena swi tlhelela endzhaku. Marhambu emirini wa yena matshoveleleka."

Ndzi langutile. Ndzi ehleketa, "Oho, Xikwembu!"

³⁴⁹ Ndzi ku, "Yimani mi ku whi, hinkwerhu ka n'wina." Meyara wa doroba lahaya. Ndzi ku, "Loko jaha lero ro ka ri nga yimi hi milenge ya yena hi timinetse timbirhi kusukela sweswi, ndzi muprefeta wa mavunwa; ndzi rhwaleni, mi ndzi

humesa eFinland.” Kunene-nene. “Kambe loko a ri tano, u kolota vutomi bya wena eka Kreste.” Sweswo hi swona. Va yimile va ku whi.

³⁵⁰ Ndzi ku, “Tatana wale Matilweni, kutsemekanya lwandle lahaya, malembe mambirhi lawa ya hundzeke, U teri xifanyetani lexi xi ta pavalala lahawani.”

³⁵¹ A kuri ni Makwerhu Moore na Makwerhu Lindsay, na vona lava a va langutile eka sweswo. Kutani, ni hinkwako, va swi tsarile eBibeleni. Kutani magidi ya ti Bibele ku rhendzeleka hi tiko va na swona swi tsariwile enzeni. Xana akuri yini? Ku hetiseka. Tatana u kombetile leswi swi nga ta teka ndhawu. A ku vanga ni ku chava, eka hinkwavo, lava a va yimile kwalahaya. Ku hetiseka, hakunene, u ta pfuka.

³⁵² Kwalahaya eFinland, laha magidi ya vanhu a va tile evusikwini byebyo, hambi kuri ku humesela van’wana ehandle ni kuva va ndzi pfumelela ku vulavula na vona, va humesiwile ku nghenisiwa va n’wana. Lahaya u yimile, ni hinkwaswo sweswo. Vanhu va ndzi rhandzile, kutani va vonile ku hanyisiwa ku endliya, kambe lahawani hi leri jaha ri nga pavalala lahaya, ri feke. Xana ku hetiseka i yini? Xivono. “Ndzi endla leswi Tatana a nge ndzi swi endla. Loyi a pfumelaka eka Mina, mintirho leyi Ndzi yi endlaka na yena u ta yi endla.” Kwalaho hi kona ku hetiseka ka n’wina.

³⁵³ Ndzi ku, “Rifu, a wu nga ha n’wi khomeleti nkarhi wo leha. Xikwembu xi vulavurile. Vuya. N’wi yimiseni.” Hiloko Xifanyetana xi pfuka, xi hala hala hinkwako tani hi sweswo. Vanhu va titivala, ni swin’wana. Lahaya swi kona, swi tsariwile kwalahaya, swi tlhela swi sayiniwa hi meyara wa doroba, hi ku swi twariswa emahlweni ka vanhu. Sweswo hi swona.

³⁵⁴ Xana i yini? Ku hetiseka, Yesu Kreste hi yena tolo, namuntlha, ni hilaha ku nga heriki. Loko xexo xi nga ri xona Xikwembu xin’we lexi xi yimiseke wansati kusuka eNain, ni ku veka mihandzu ya yena ni n’wana wa yena. Loko un’wana a fa hi masiku ya vona, a va hatlisa va va lahla esirheni. A va nga va tshiki va tshama nkarhi wo leha. A va va veka esirheni. Kwalaho ka ha ri yena Yesu Kreste, wa tolo, namuntlha, ni hilaha ku nga heriki. Ina.

³⁵⁵ Langutani ehansi eMexico, ni n’wana ya loye lontsongo. Van’wana va n’wina lava mi nga lahawani, mitshameke lahawani. Kutani n’wana ya loye, dokodela u sayinile xitatimente, swi tsariwile eka Christian Business Man. “Leswaku n’wana ya loye u lovile mixo wa lowo hi awara ya nkaye, kutani leswi a kuri swa awara ya khume madyambu ya lawa.”

³⁵⁶ Kutani wansati yaloye lontsongo a nga chaveleleki. Billy u yimile kwalahaya, n’wana wa mina, a ringeta ku n’wi

tlherisela endzhaku. Kutani a ri ni, kunene, ndza vhumbha a va ri ni tiaxara ta madzana mambirhi leti yimeke kwalahaya, kutani a va tlulela. Hi vusiku bya tolo, wanuna ya loye wa bofu u amukerile ku vona, kutani wansati a swi tiva. Ari wa Khatholiki.

³⁵⁷ Kambe, eku heteeleni, ndzi ku, “Famba, Makwerhu Moore, u ya n’wi khongeleta. Hikuva, n’wana ya loye...”

³⁵⁸ A yi ri eku nene, yi halaka. A va yimile kwalahaya ku sukela ka hari mixo walowo swinene, ehandle ka rhingi ya nkuzi leyikulu. Hiloko ndzi ku...U nge ndzi ya ehansi hi titambhu, ekusuhi, ku ya kumeka endhawini. Ntsena kuva kwalahaya vusiku byi nharhu.

³⁵⁹ Ndzi yimile kwalahaya. Ndzi ku, “Tani hi laha a ndzi ri ekuvuleni...” eku chumayeleni. Kutani ndzi languta, ndzi vonile xihlangi nyana lahawani emahlweni ka mina, xihlangi lexi ntsongo xa mu-Mexican, xi ri hava meno, ntsena xi tshamile lahaya xi ri eku ndzi hlekeni, kona lahawani emahlweni ka mina.

³⁶⁰ Ndzi ku, “Yima nyana, Makwerhu Moore. N’wi tisi haleno.” Oho, ku hetiseka!

³⁶¹ Tiaxara ti tlhelela endzhaku. Hi loyi a taka. A fika a wela ehansi a ku, “Padre, Padre.”

Ndzi ku, “Yima.”

³⁶² Kutani Makwerhu Espinoza aku, “Yima,” kutani a n’wi byela hi Spanish. U sukile a yima kwalahaya.

Ndzi ku, “Tatana wale Matilweni, ndzi yimile lahawani empfuleni leyi.”

³⁶³ Wo saseka, wansati lontsongo wa kwalomu ka makume mbirhi-nharhu wa malembe hi vukhale, swin’wana swo fana ni sweswo, misisi ya yena yi nembelela ehansi. Xikanda xa yena xi languta ehenhla tani hi *sweswo*, ku languteka emahlweni ya yena, leswi languteriweke. U vonile wanuna ya loye loyi a nga voni ni swintsanana kuringana makume mune wa malembe, matihlo ya yena ma pfulekile eka platifomo. A swi tiva leswaku loko Xikwembu xi nga pfula matihlo lawa ya nga voniki, Xi nga ha hanyisa n’wana wa yena. Lahaya u etlerile kwalahaya, nchumu lowu tiyekwu nga etlela wu fenengela nkumba tani hi sweswo, kutani a wu lovekiwile wu tsakama. Wansati a yi mile kwalahaya kusukela mixo hi nkawo, ni nhlikanhi wa lowo, na wona. Kwalaho, a kuri kwalomu ka awara ya khume n’we, awara ya khume vusiku byebyo, swin’wana swo fana ni sweswo, a tlakurile n’wana ya loye. Mi yi vonile atikili eka Christian Business Men. Kwalahaya, a tlakurile n’wana ya loye hi ndlela ya leyo.

³⁶⁴ Ndzi ku, "Tatana wale Matilweni, a ndzi switivi leswaku leswi swi vula yini. Ndzo va nandza wa Wena ntsena. Kambe ndzi vonile n'wana loyi a yimile lahaya. A ri karhi a hanya. Ndzi n'wi tlhandlekile mavoko, hi Vito ra Hosi Yesu."

A ku, "Waa!" xi sungula ku rila.

³⁶⁵ Wansati u vutlide n'wana a sungula ku tlhava mukhosi. Kutani vanhu na vona va sungula ku tlhava mukhosi ehandle lahaya, kutani vavasati va titivala ni swin'wana. Ndzi ku, "A mi vuli nchumu ha swona. Rhumelani munhu ni n'wana ya loye, ni manana yaloye, kutani mi ya eka dokodela ya loye, kutani a sayina xitatimente, xa leswaku, 'N'wana ya loye u file. U dlayiwile hi pneumonia, ni mixo ku nga se va ni sweswo, kutani, kumbe mixo wa lowo hi awara ya nkaye."

³⁶⁶ Kutani hi kumile xitatimente lexi nga sayiniwa hi dokodela, "N'wana u tivisiwile leswaku u 'file,' ehofisini ya dokodela mixo wa lowo, kutani manana a xi vekile siku hi nkwaro."

³⁶⁷ Xana akuri yini? Ku hetiseka. Xana a ku ri yini? A pfumela, leswaku loko Xikwembu xi nga pfula mahlo lama nga voniki, (yini?) Xikwembu xi nga pfuxa mufi, hikuva hi Yena tolo, namuntlha, ni hilaha ku nga heriki.

³⁶⁸ A ndzi nga kholwi. A ndzi swi tivanga ku fikela laha ndzi swi vonaka. Kutani loko ndzi vona n'wana, a kuri ku hetiseka, ku hetiseka lokunene. Kwalaho a kuri swona. Rifu ri fanele ku tshika mhamba ya rona.

³⁶⁹ Lahawani ku famba N'wana wa Xikwembu. Nyoxi yaleyo ya rifu yi sungula ku mbvuruma yi rhendzeleka hi Yena. "Ah, A nga va njhani muprofeta xana? A nga yima njhani kwalaho ni ku pfumelela ku tswihuteriwa hi marhi exikandzeni xa Yena xana? Xana A nga yima njhani kwalahaya, niku va tshika va N'wi hleka, kutani ku nga ri ku endla swin'wana ha swona? Yaloye a hi yena Emmanuel. Yaloye o va munhu ntsena. Langutani eka marha ya swidakwa kusuka eka masocha ya vona lawa ya pyopyiweke. Langutani xikandza xa yena lexi halakaka ngati."

³⁷⁰ Javulosi u teri, "Ndzi ta N'wi kuma. Ndzi ta N'wi kuma." Hi loyi a taka, tani hi nyoxi, ndzhombho wa rifu, yi mbvuruma kurhendzeleka hi Yena. Kambe, makwerhu, loko nyoxi ya leyo yi tshame yi nghenisa ndzhombho wa yona eka Emmanuel ya loye, loko a huma, u lahlile ndzhombho wa yena, hambi kuri rifu rona hi roxe.

³⁷¹ A swi hlamarisi loko Paul, endzhaku, a nga ha languta exikandzeni xa rona, aku, "Oho, rifu, xana ndzhombho wa wena wu le kwihi? Sirha, xana ku hlula ka wena kule kwihi? A ku nkhensiwi Xikwembu, Lexi ku nga xona xi hi nyikaka kuhlula!" Rifu ra Kreste a kuri ku hetiseka eka munhu un'wana ni un'wana loyi aku chavaka.

³⁷² Mbilu ya mina yi ri “amen” eka Rito rin’wana ni rin’wana eBukwini ya Yena. Ndza pfala, swi enerile ku ringanelwa sweswi. Ntsena ndzi lava ku swi tsema swi suka. Wa vona?

³⁷³ Hikokwalaho ndzi tiva leswaku Moya wo Kwetsima hi wona khomphasi ya mina leyi yi ndzi fambisaka. Hi Yena Un’we loyi a endlaka leswaku ndzi tiva Rito leri leswaku ri ntiyiso. Hi Yena ku hetiseka ka mina. Hi Yena Minseve ya dyambu ya mina. Hi Yena Vutomi bya mina. Hi Yena ku nghena ka mina. Loko makhombo ya fikile, hi Yena Nyeleti ya n’walungu ya mina. Loko ndzi lahlekile, Moya wo Kwetsima hi wona khomphasi ya mina leyi yi ndzi fambisaka yi ndzi tlherisela endzhaku endzhawini.

³⁷⁴ Tidinominexini ti fana ni tanyeleti letin’wana, ti famba ni misava. Tinyeleti ti n’wana ti famba ni misava loko yi famba, kambe ku nga ri nyeleti ya n’walungu. Misava yi nga ha ya laha yi lavaka ku ya kona, kambe yi yima yi ku whi. Oho, makwerhu, Nyeleti ya n’walungu yi nghenile. Leti n’wana ta tlhetlha, u nga ha tivona *lahawani* ni *lahaya*, ni hinkwako. Ya leyo hi yona ndlela leyi tikereke ta mavito ti nga xiswona.

³⁷⁵ Kambe Kreste i ku hetiseka. Hi Yena a ri Un’we laha u nga vekaka ku tshembha kona. Loko tidinominexini ti ku pfilunganya, ntsena languta eka Nyeleti ya n’walungu. Moya wo Kwetsima hi wona khompasi ya wena. U tshama ni ntiyiso eka Rito ra Yena.

³⁷⁶ Loko va ndzi byela leswaku swilo swa vona a swi nge humeleli emasikwini ya manguva lawa tani hi lawa, ndzi swi tivile. Loko-loko kuri-loko kuri hava Xikwembu, swingaleswi hanya, u dya, u nwa, mitekana. Xikwembu xi kona, a hi Xi tirheleni. Kutani ndzi hanyile ku vona siku leri Xi endlaka hi nkwaswo, hambi kuri ku pfuxa vafi, loko A ha ri lahawani emisaveni. Kutani ha swi tiva sweswo hi dokhumente ya switatamente, leswaku i ntiyiso. Ina, nkulukumba.

³⁷⁷ Hi Xona ku hetiseka ka mina. Sweswi Xi endleni xi va Ku Hetiseka ka n’wina. Xi nghenisi eka . . . Hi nkarhi wa mina wa khombo, minkarhi hi nkwayo Xi hetisekile. Sweswi langutani. Hi tintswalo ta Xikwembu . . .

³⁷⁸ Sweswi swa antswa ndzi pfala. Nkarhi wu fambilé. Kuinene, langutani lahawani, a ndzi ehleketa leswaku i awara ya khume n’we, kasi i hafu ku bile awara ya khume mbirhi.

³⁷⁹ Vanghana, siku hinkwaro, vusiku hinkwabyo, lembe hinkwaro, ku ya hi laha ku nga Heriki, a ndzi nga vulavuli hi Swona. Mi nga ringeti ku Swi vumba. A mi nge swi koti. A ku na ndlela yo Swi vumba. Mi ri, “Makwerhu Branham, loko-loko u . . .”

³⁸⁰ A ndzi tivi. Ntsena ndzo pfumela. Ndza tshika ku ringeta, ku endla swin’wana ha Swona. Ntsena ndzo Swi pfumela, hi swona hinkwaswo sweswo. Wa vona? “A yena

la tsutsumaka, kumbe yena la swi rhandzaka; i Xikwembu xi kombetaka tintswalo." Wa vona? Ku nga ri hi mintirho. Swi hi tintswalo. Wa vona? Ntsena ndza Swi pfumela. Xikwembu, swi le ka Xona ku endla hi vunyingi bya swona. Ntsena wo Swi pfumela, vana ni maendlelo ehenhleni ka Swona.

³⁸¹ Risimu leri ro duma, ndzi ri twile va ri tlanga kumbe ri yimbeleriwa lahawani kumbe kun'wana.

Oho, rirhandzu ra Xikwembu, rifume njhani
ni ku teng!

Ku ente njhani ni ku tiya!

Ri ta tiyiseriwa hilaha ku nga heriki,
Risimu ra Vakwetsimi ni Tintsumi.

³⁸² Loko munhu eka tinhlayo, a ringeta ku swi tshova, kumbe a ringeta ku swi komba hi dyondzo ya yena, u ta mi pengisa. A wu nge swi koti ku swi endla. U nga ringeti ku swi endla. U nga ringeti ku Swi vumba. Xikwembu xi swi vumbile xi swi humesela ehandle. A wu vumbi Xikwembu u xi humesa. Wo pfumela Xikwembu ntsena. Sweswo hi xona xihu... Xexo hi xona xihundla. U nga Swi vumbi. Ntsena wo Swi pfumela. Ndzi ngaka ndzi nga mi byeli leswi Swi vulaka swona. Ndzi ngaka ndzi nga mi byeli leswi Swi endlisiwaka xiswona. Ntsena ndzo switiva ntsena ndzo Swi pfumela. Hinkwaswo swi hetisekile.

³⁸³ Ntsena tani hiloko u tshembhisa swin'wana eka n'wana lontsongo, wa swi tshembha. U fanele u hlayisa rito ra wena. U Xikwembu xa n'wana. Xi hlayisa Rito ra Xona. Ntsena Ri pfumeli hiku olova. U nga ninginiki. Ntsena tshama kwalaho. Xikwembu xi swi endlile nkarhi wun'wana, Xi ta tlhela xi swi endla nakambe. Loko Xi nga swi endli, Xi ta mi byela leswaku hikokwalaho ka yini Xi nga swi endli. Kutani sweswo hiswona. Sweswi, ntsena tshamani na Rona.

³⁸⁴ Maswitiva, vhese ya leyo yin'we lahaya... Ndza pfumela makwerhu wa hina wo saseka lahaya, u khuvuriwile tolo ni madyambu, a yimbelela risimu leriya, "Oho, rirhanzu ra Xikwembu." Va ndzi byela vhese ya leyo, xiphemu lexi xa yona, xi kumekile xi damarhetiwile ekhumbhini va ndzhawu ya va rihuhe. Loko ri ku:

Loko hi chela inki elwandle,
Kumbe swibakabaka leswi endliemeke hi
dzovo;

Kutani rihlanga rin'wana ni rin'wana
emisaveni ri ni mutwa,

Kutani munhu un'wana ni un'wana i mutsari
wa bindzu;

Ku tsala rirhandzu ra Xikwembu ehenhla
 Swi ta siya lwandle ri omile;
 Kumbe tsala-songwa ri nga-... riva ni
 hinkwaswo,
 Ku ndlandlamuka kusuka eka xibakabaka
 kuya eka xibakabaka xin'wana.

³⁸⁵ Ehleketa hi swona. Loko, kwalomu ka nharhu xa mune emisaveni ku ri mati. Kutani langutani eka hayidrojeni ni oxsejeni emoyeni, nkungwa ni swin'wana. Wa vona? Loko mberha yin'wana ni yin'wana a yi ri inki. Kutani ehleketa hi mabiliyoni, ni tithiriyoni ni tithiriyoni ta mahlanga, leti a ti tava ni mitwa. Kutani ehleketa hi mabiliyoni ya vanhu emisaveni, ni un'wana ni un'wana wa vona u ti bindzurisa hi kutsala. Ku peta switsalu swa vona elwandle, ni ku ringeta ku vumba rirhandzu ra Xikwembu, swi ta siya lwandle ri omile; kumbe tsalwa-songa ri nga hava ni hinkwaswo, ku ndlandlamuka kusuka laha ku nga Heriki kuya laha ku nga Heriki.

³⁸⁶ Mi nga Swi vumbi. A mi nge swikoti. Mi ta lahlekeriwa hi miehleketo ya n'wina, loko mi ringeta ku Swi vumba. Ntsena Swi pfumeleni. N'wi endleni A va ku hetiseka ka n'wina. Tshamani kwalahaya, kurhula loku ku tsokombelaka ni ntokoto lowu mi nga taka mi nga wu rivali. Nghanani eka Sweswo, kutani ku nghena ka n'wina ku ta khomelela eka xisirhelelo.

A hi korhamiseni tinhloko ta hina.

“I nkulukumba njhani Yena! I nkulukumba
 njhani Yena!”

³⁸⁷ I va ngani lahawani, lava va nga korhamisa tinhloko mixo lowu...Swi tshunelela Lembe leri Ntshwa sweswi. Kutani mikatekile ngopfu, kutani sweswo swi kahle. Ndza swi amukela, un'wana ni un'wana wa n'wina. Ndza ntshembha nile ka Xikwembu swi tano. Kambe hi ntiyiso a mi na wona ntokoto wa lowo wa ku hetiseka kwaloko xana?

³⁸⁸ Ntsena Swin'wanyana leswi swi mi endlaka leswaku mi nga pfumeli, ntsena a mi swi anakanyi kunene, kambe Swin'wana swi vulavurile endzhaku na n'wina, kutani mi swi vonile leswaku vutomi bya n'wina byi ncincile kusukela nkarhi walowo. Wa vona, Rito rin'wana ni rin'wana ra Xikwembu, xitshembhiso xin'wana ni xin'wana, xi hikahatiwile hi “amen,” kutani mi khomelele eka ku hetiseka. Hikuva, ma tsundzuka, U teri, “Matilo ni misava swi ta hundza, kambe Rito ra Mina ri ngaka ri nga hundzi.”

³⁸⁹ A mi se fika endhawini yaleyo hambi swi ri tano, laha mi nga taku “amen” eka Rito rin'wana ni rin'wana, loko ri lwisana ni dyondzo ya n'wina yo hambuka, Ri lwisana ni dinominexini ya n'wina, kambe mi lava kuta eka ndhawu ya leyo, tani hi Muxé, tani hi vunyingi bya vona? A va nga ta swi

kota ku endla sweswo kufikela laha va khomaka ku hetiseka kwaloko. Kutani ma ku lava evuton'wini bya n'wina mixo lowu, xana mi nga tiyisisa ku fana hi ku yimisela Xikwembu mavoko? Xikwembu a xi mikatekisi. Hinkwaswo swi kahle, nkulukumba. Hinkwako emuakwini.

³⁹⁰ Tatana wa tintswalo, ndza switiva leswaku nkarhi wun'wana hi fanele ku famba. Ku ta va ni nkarhi lowu hi nga ta hambana ni misava leyi. A hi switivi leswaku kutava nkarhi wihi, nakona a swi kali swi endla ku hambana loku kulu. Loko nkarhi wa hina wu herile, swingaleswi hi lava kuta. Mavonele ya hina kuva hi ri lahawani i ku Ku tirhela.

³⁹¹ Kutani ku sukela endleleni yo ya eku avanyisiweni, siku rin'wana, tani hi Paul loko ari endleleni yo ya eDamaska, ku ya onha Kereke, Rihat i ri n'wi pfarile mahlo. Kutani, O Xikwembu, Rihat i lero ri n'wi landzelerile, a Ri ri Kreste. Kutani u ngohenile kwalahaya eka ku hetiseka, leswaku, hambi kuri rifu hi roxe, a nga ha ri hleka exikandzeni xa rona, aku, "A ku khensiwe Xikwembu Lexi xi hi nyikaka ku hlula ha Yesu Kreste."

³⁹² Mi va ku hetiseka loko heleleke eka muapostola yaloye. A ri... A wu ri Amen eka yena, eka xivulwa xin'wana ni xin'wana. A wu ri Nyeleti ya vutomi bya yena, mufambisi loyi a ri phuphu. A wu ri khomphasi leyi yi n'wi fambiseke ebubutseni. A wu ri nhlavutelo. A wu ri xivono. A wu ri ku tshembha ka yena, ku ponisiwa ka yena. Hambi kuri eka awara ya rifu, loko a swi tiva leswaku u ya eka yona, A wa hari ku hetiseka ka yena.

³⁹³ A wu ri ku hetiseka ka Daniel. A wu ri ku hetiseka ka vaprofeta hinkwavo. Exikarhi ka ku hambana ka tidinominexini, ni makhombo ya minkarhi ya vona, niva va-Farisi ni va-Saduki, hambi swiritano ka hari ni vavanuna lava va Ku tekeke leswaku u va ku hetiseka ka vona.

³⁹⁴ Kutani namuntlha, Hosi, vavanuna ni vavasati hi tintswalo, hi rirhandzu, ni—ni timbilu leti hombhomulaka ngati, Hosi, hi ntokoto wa ntiyiso wa ku tiva Xikwembu, ni ku va ni—ni xitshembhiso xa ku hetiseka. Kumbexani vanhu hinkwavo va swi tivile, ekusunguleni, Hosi, a kuri ku joyina kereke. Kutani hi swi lemukile, tani hilaha ndzi ringeteke, ku tshembheka, ku nga ri kuva ndzi hambana; U tiva mbilu ya mina; kambe va byelete leswaku, "U ngaka u nga joyini Kereke. U joyina lonji, Methodist, na Baptist, na Khatholiki, na tilonji ta va Pentekostal. Kambe u velekiwile eKerekeni, Miri lowu tumbeleke wa Kreste, kutani mi va swirho swa Miri wa Yena, hi tinyiko ta Moya, leti endlaka Miri wa Yena lowukulu wu teka goza hi matimba."

³⁹⁵ Xikwembu, hi leswi mavoko lama ya vulaka swona emixweni lowu, loko ya yimele ehenhla. "Ndzi veki, O Hosi.

Ndzi teki, ndzi vumbe, ndzi endli. Ntsena ndzi endleli ndhawu evuton'wini tani hi ku hetiseka, ndzi tiboha eka Kreste, leswaku ndzi nga ehleketi hi nchumu kambe hi ku hetiseka ntsena." Hi nyike swona, Hosi. Va katekisi. Hanyisa vavabyi ni lava va xanisekaka. Ponisa lava lahlekeke.

³⁹⁶ Sweswi, Hosi, ha swi tiva leswaku swi tolrevelekile ku vitana vanhu eka altari, kambe sweswo swi hundzuke ndzhavuko eka hina. Kutani mixo lowu, ni altari leyi teleke, ni—ni vana lava ntsongo ni—ni hinkwavo, kambe, Hosi, hi ndlela yi n'wana U vulavurile na vona. Va yimisile mavoko ya vona. Va endlile—va endlile, tani hi, xiboho. Va swi lavaka. Va—va—va lava swin'wana swa nkoka. Kutani ndzi nyikela xikhongelo xa mina hiku yimela vona. Swi nyike eka un'wana ni un'wana, Hosi. Vana na hina sweswi, hi rivaleli swidyoho swa hina, hanyisa vuvabyi bya hina, kutani u hi nyika ku ntshuxiwa loku hi ku lavaka.

³⁹⁷ Kutani, Hosi, ehenhleni ka swilo hi nkwaswo, leswaku hi ngaka hi nga rivali, namuntlha, leswaku hi tibohile hi ku hetiseka, Nyeleti ya hina ya n'walungu, kuya eXihambanweni, eka Kreste. Ni Moya wo Kwetsima wule ku tekeni ka Marito ya Xikwembu wu Ma twarisa hi matsalwa eka hina, hi ku hanyisa vavabyi, ku hi komba swivono, ku pfuxiwa ka vafi, ni ku endla leswi a swi tshembhiseke leswaku U ta swi endla.

³⁹⁸ Kutani kereke leyi, ni vanhu lava, kumbe xiphemu xa Miri wa Kreste lexi nhlanganeke lahawani emixweni lowu, xi hanya hilaha Yesu a vuleke hakona. "N'wina mi munyu wa misava." Kutani va nga hava munyu ngopfu kufikela laha vaaka-tiko va vaka ni torha. Munyu wu va nga torha. Nakona munyu ntsena wu nga ponisa tani leswi ku nga xihlanganisi. Kutani ndza khongela, Xikwembu, leswaku U ta nyika leswi eka vanhu, leswaku va nga hava va wini va mimoya, na vona.

³⁹⁹ Katekisa mufundhisi wa hina, Makwerhu Neville, nandza loyi wa ku titsongahata, Hosi. U yimile endhawini ya yena ya ntirho wa fanelo, ntsena hi ku titsongahata, tani hi xirho xa Miri wa Kreste, u le ku ringeten i swinene ku landzelela xin'wana ni xin'wana lexi U nga ta n'wi byela leswaku a xi endla.

⁴⁰⁰ Katekisa va trasti, vanhu va vona lava va ndzi sekotelaka eka vukulu lebyi, nkarhi walowo wa xinyami lowu a ndzi ri eka wona.

⁴⁰¹ Ku yima ni Kereke leyi yi khongeleke na mina ni ku yima na mina eminkarhini ya makhombo. Hosi, ndza va rhandza. Kutani ndzi nyikela xikhongelo xa mina, leswaku va ta languta eka Wena, Hosi. Leswaku va nga ha langutisa ekule kusuka eka mutirheli loyi wa yumba loyi a nga ni makumu. Leswaku va nga ha langutisa eka Yena Loyi a nga wa Nkoka, Loyi a nga tano. Kutani ha swi tiva, Hosi, leswaku hina hi ni makumu. A swi na mhaka leswaku hi hina va mani, ha hari lava va bolaka. Kambe,

ku nga ri murhumuwa, kambe Hungu. Hi nyike swona, Hosi. Kwalaho hi laha hi kombetelaka kona, eka Yesu Kreste N'wana wa Xikwembu. Hi nyike leswaku A tava ntiyiso eka un'wana ni un'wana lahwani namuntlha, hambi kuri eka swihlangi leswi ntsono, leswaku A tava ku hetiseka ka nhlengeletano leyi yi heleleke. Ha swi kombela hi Vito ra Yesu. Amen.

Ndza N'wi rhandza, ndza N'wi rhandza
 Hikuva U sungurile a ndzi rhandza
 A xava ku ponisiwa ka mina
 Ensinyeni wa Xihambano.

⁴⁰² Sweswi, loko ha ha ri yimbelela nakambe, tlhavulanani ni loyi a nga emahlweni ka n'wina, endzhaku ka n'wina, ematlhelo ka n'wina, ntseña hinkwerhu tlhavulanani sweswi. Ntseña mi va ma ha tshamisile xisweswo. Ntseña mo hundzuluka kunene mi tlhavulana, loko mi swikota. Wa vona? “Ndza . . .” [Makwerhu Branham a tlhavula loko nhlengeletano ya ha yimbelela *Ndza N'wi Rhandza*—Muhleri.] “A xava ku ponisiwa ka mina . . .”

Ntseña va tivisile leswaku, “Xilalelo, hi Musombhunuko ni madyambu, exikarhi ka vusiku.”

⁴⁰³ A hi yimiseni mavoko ya hina sweswi hi N'wi yimbelela. I vangani, i vangani va titwaka (n'wina) hi Yena ku hetiseka ka n'wina xana? [Nhlengeletano yiku, “Amen.”—Muhleri.] Rito, hi Yena Rito. Xana ma swi pfumela sweswo? [“Amen.”] Hi Yena Rito. Kutani Moya wo Kwetsima wu mirisa Rito lero, ku endlela leswaku Rivoni lero ri hanya eka n'wina, ra Rito, ku tiyisisa ka Rito. Vekelani Rito etimbilwini ta n'wina. Pfumelelani Moya wo Kwetsima wu nghena, kutani mi hlalela Rito loko ri famba famba. Pfumelani. Ti tsongahateni. Mi nga tsakeli kuva munhu un'wana lonkulu. Vanani munhu loyi a nga riki wa nchumu, leswaku Xikwembu xi ta mi endla munhu un'wana. Wa vona? Hinkwaswo swi kahle. Endlani sweswo sweswi.

⁴⁰⁴ Un'wana ni un'wana ma N'wi rhandza xana? Mi nge, “Amen.” [Nhlengeletano yi ku, “Amen.”—Muhleri.] Maswitiva leswaku rito *amen* ri vula yini xana? “Leswaku a swi ve tano.” Amen. Sweswo hi swona.

⁴⁰⁵ A hi nge, “Haleluya.” [Nhlengeletano yi ku, “Haleluya!”—Muhleri.] Maswitiva leswaku sweswo swivula yini xana? “A ku dzunisiwi Xikwembu xa hina.”

⁴⁰⁶ Loko ndza ha ri eJarimani ku nga ri khale ngopfu, ndzi kumile (kwalomu) ka makume nharhu, mune wa makume wa magidi ya vanhu kwalahaya hi siku lero, kutani ndzi ku, “I nchumu lowu wu chavisaka eka n'wina vanhu va Jarimani loko mi nga twisisi.” Ndzi ku, “Endleleni ya mina yo ta lahwani namuntlha, mbyana yi ndzi vukurile hi Xinghezi. Sweswo hi swona.” Ndzi ku, “A nga na khombo. Kutani lahaya aku tshamile xinyenyani, kutani xi ndzi yimbelerile hi Xinghezi. Ndzi rhelerile hi xitarata, kutani

manana a tlakurile xihlangi xa yena, loko ndzi vuyela endzhaku lahaba endzhaku, kutani,” ndzi ku, “n’wana ya loye a ri eku rilene hi Xinghezi. Xana ku humelela yini hi vanhu ndzi n’wina?” Sweswo hi swona. Oho, loko ntsena mi nga langutisa hi nkawako, U hi nkawako. A hi Yena xana? [Nhlelgeletano yi ku, “Amen.”—Muhleri.] Hakunene, U tano.

⁴⁰⁷ Sweswi ntsena a hi yimiseni mavoko ya hina kutani hi pfala mahlo ya hina, hi yimbelela, loko ha ha kombela mufundhisi ku ta haleno leswaku a ta hi tshunxa.

A hi yimeni, kusungula. Un’wana ni un’wana hi milenge ya yena, un’wana ni un’wana.

⁴⁰⁸ Ma N’wi rhandza xana? Nakambe sweswi mi nge, “Amen.” [Nhlelgeletano yi ku, “Amen.”—Muhleri.]

⁴⁰⁹ Kutani maswitiva, rito *haleluya* ra fana hi ririmri ri n’wana ni rin’wana. Fambani eka Mahontentotsi emachokolobyanini ya Afrika, *haleluya* ka hari rito leri fanaka. *Haleluya*, swi languteka kuri maxewetanelo ya Vakreste. A swi tano xana? [Nhlelgeletano yiku, Amen.—Muhleri.] *Haleluya*, rito ri vula leswaku “A ku dzunisiwi Xikwembu xa hina.” Kutani Xi fanela hi swona. Xana a Xi tano? [“Amen.”] Hi Xona ku hetisaka ka ku ponisiwa ka mina. Hi yena Yesu Kreste hi ku hetiseka, N’wana wa Xikwembu, eka mina. Hi Yena hi ku hetiseka “tolo, namuntlha, ni hilaha ku nga heriki,” eka mina. Xana I hi ndlela ya leyo eka n’wina? [“Amen.”]

Ndza N’wi rhandza, ndza N’wi rhandza
Hikuva U sungurile a ndzi rhandza
A xava ku ponisiwa ka . . .



KU HETISEKA TSO62-1230M

(Absolute)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, N’wendzamhala 30, 1962, eka Branham Tabernakel eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2008 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org